

ISULTI ANG PULONG

ANG MINISTERYO SA GISULTING PULONG SA DIOS

Sa tibuok nga kalibutan, minilyon sa mga Cristohanon nagapaabut sa **RAPTYOR**. (o pagsugat sa itaas diha sa kapanganoran). Nagapaabut sila sa ilang mga lawas nga mausab (mahimayaon nga lawas) ug sa kalit mosaka sa langit mawala sa kalibutan. Ug gitoohan nga ang rptyor sa tanan mga Cristohanon mahitabo ug mahimo sa bisan unsa nga takna sa bisan unsa nga adlaw. Daghan sa mga magwawali nagahulagway sa ilang gitoohan nga “ kalit “ ang rptyor – ang pagkawala sa minilyon nga mga Cristohanon. Sila nagtudlo nga adunay kaguliyang o kasamok mahitabo nianang adlaw sa diha nga ang mga Cristohanon kalit mawala sa ilang mga balay,escuelahan, sa mga trabahoan, sa mga sakyanan,tren,mga barko, mga eroplano ug sa uban nga mga pribadong lugar ug sakyanan. Ang “ kalit “ nga paglalin sa itaas mahimo nga ang ilang mga sanina,sapatos,kwarta,ballpen, ug uban pang personal nga mga gamit mabilin gikan sa ilang lawas sa diha nga sila moadto na sa langit aron pagtagbo ni Jesus Cristo diha sa kahanginan,ang dili-Cristohanon makoyawan sa diha nga ilang makita ang mga Cristohanon mawala sa ilang atubangan. Sila makasaksi sa kaguliyang sa palibot. Mga sakyanan nga wala nay driber mabangga ngadto sa lain nga sakyanan sa kadalanan, sa mao usab nga paagi, sa mga barko nga wala na ang kapitan,ug eroplano nga wala nay piloto mabangga ngadto sa uban nga mga eroplano o makras sa yuta usab,kaguliyang ug pagpangawat mahitabo sa mga tindahan ug katigayunan nga ang mga Cristohanon maoy tag-iya niini sa diha nga sila marptyor na. Ug sa tibuok kalibutan linibo o minilyon sa mga tawo mamatay o masamdan ingon nga maoy resulta sa mga disgrasya, kaguliyang ug pagpangawat.

Apan aduna bay kasulatan nga mopamatuod niini nga panghitabo? Ang makalilisang nga panghitabo nga gipresintar niini nga mga magwawali, nagagikan sa dili ensakto nga pagsabot sa mosunod nga bersikulo sa kasulatan.

1 Corinto 15:51 Ania karon,isulti ko kaninyo ang usa ka tinago. Dili kitang tanan mangamatay, apan kitang tanan mangausab.

1 Corinto 15:52 Sa kalit, sa usa ka pagpamilok inigtingog na sa katapusang trumpeta, kay ang trumpeta pagapatunggon, ug ang mga patay

pagabanhawon nga may mga lawas nga dili na madunot, ug kita mangausab.

1 Tesalonica 4:16 Kay ang Ginoo mao gayud ang manaug unya gikan sa langit inubanan ug singgit sa pagsugo, ug sa tawag sa punoan sa mga manulonda, ug sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon.

1 Tesalonica 4:17 Ug kita nga mga buhi pa nga mahabilin, pagasakgawon ngadto sa panganud uban kanila sa pagsugat sa Ginoo diha sa kahanginan, ug sa ingon niini kita magapakig-uban na sa Ginoo sa tanang panahon.

Ato ba nga nakita ang samang hulagway nga nakita niining mga magwawali sa bersikulo sa Biblia? Ang hulagway nga makita matuod nga panghunahuna lamang sa walay alamag nga mga teyolodyan ug mga magsusulat nga mga Cristohanon.

Mga higala, ang kamatuoran niini nga mga butang mao nga ang pagbalik nianang dakong panghitabo sa Rapyor dili mahinabo sa kalit dayon. Daghan nga mga kasulatan mopamatuod niini nga panan-aw bisan ang 1 Tesalonica 4:13 – 5:9 (uban sa 2 Tesalonica 2:1-5). Uban nga mga sambingay mopamatuod niini nga hitabo. Ang sambingay sa napulo ka mga birhin (Mateo 25) nagapakita sa hulagway sa usa ka pamanhonon (nagrepresentar kang Jesus) nagaabut aron sa pagpangasawa sa iyang pangasaw-onon. Kini nga espirituhanon nga kaminyoon mahitabo dinhi sa kalibutan. Sa diha nga kini mahitabo, ang mga but-an nga mga birhin, nga tanan sila andam, magasulod ngadto sa kaminyoon samtang ang mga boangboang nagapanggawas aron sa pagpangita sa lana. Kining “napulo ka mga ulay” mao ang mga Cristohanon nga “nanggawas” gikan sa mga simbahan nga puno sa tradisyon ug kalagdaan sa mga tawo aron “pagtagbo Kaniya”. Sa diha nga ang mga boangboang nga mga birhin makakaplag sa lana sila giyahan ngadto sa mga dalan sa mga relihiyosong mangitngit ngadto sa kasal, ang pultahan sirado na ug sila mahabilin aron sa pag-atubang sa mangitngit nga Dakung Kasakitan. Kini nga sambingay wala nagpakita sa usa ka magubot nga kalibutan sa panahon nga adunay RAPTYPOR. Kagubot mahitabo lamang sa panahon sa Dakung Kasakitan sulod sa 3 ug 1/2 ka mga tuig human sa Rapyor. Kadtong nagtawag nga mga Cristohanon nga wala magabantay ug

mainampingon sa ilang matag-adlaw nga pagkinabuhi diha kang Cristo, dili makahimo niini.

PAGTOO

“Ug ang tanan nga mga adlaw ni Enoc midangat ug tutulo ka gatus ug kanuman ug lima ka tuig. Ug si Enoc nagalakaw uban sa Dios ug nawala siya kay gikuha siya sa Dios”.

— Genesis 5:23-24

“Tungod sa pagtoo ni Enoc gilalin ngadto sa langit aron siya dili makatagamtam sa kamatayon, ug siya wala hikaplagi kay gikuha man siya sa Dios. Sa wala pa siya kuhaa siya gipanghimatud-an nga nakapahimuot sa Dios”.

-Hebreohanon 11:5

Daghan sa mga magtotoo sa Biblia nagatan-aw kang Enoc ingon nga tipo sa tanan nga buhi nga pinili nga maoy malalin ngadto sa itaas aron sa pagsugat ni Cristo Jesus diha sa kahanginan. Kini nakapahinam nga mahibaloan ngano si Moses nagahatag ug linahi nga paghisgot kang Enoc nga nagakinabuhi sulod sa 365ka mga tuig sa wala pa siya maraptyor gikan sa yuta. Adunay 365 ka mga adlaw ang usa ka tuig. Sa walay duhaduha, ang Balaan nga Espiritu Santo, nagapakita niini kanato, aron nga malalin ngadto sa langit, ang pinili kinahanglan magalakaw sa Dios adlaw-adlaw ingon kang Enoc nga gihimo.” Sa wala pa siya kuhaa siya gipanghimatud-an nga nakapahimuot sa Dios.

Sa tanan nga mga balaan sa iyang panahon, unsa ang timaan ngano si Enoc nagamadaugon nga balaan sa Dios aron “maraptyor?” Wala ba si Adan nagalakaw uban sa Dios? Wala ba si Mahallalel nagalakaw uban sa Dios? O kaha, wala ba usab sa bisan kinsa sa mga kaliwatan ni Adan nagalakaw uban sa Dios? Dili babilisod ang pagsulti nga daghan sa mga balaang tawo sa Dios sa wala pa ang lunop nagalakaw uban sa Dios. Si Noe nga buhi sa wala pa ang lunop ug human sa lunop, usa ka tao nga “nagalakaw uban sa Dios.” (Gen.6:9). Bisan pa, adunay labing mahinungdanon niini giunsa ni “Enoc paglakaw uban sa Dios.” Nga diin ang uban nga mga balaan nakulangan sa diha nga “sila nagalakaw uban sa Dios”. Sa walay

duhaduha kini klaro nga gisulti diha sa Biblia nga si Enoc adunay pagpamatuod—Siya nakapahimuot sa Dios. Ang iyang paglakaw uban sa Dios nagpaila sa **PAGTOO** nga maoy kulang sa mga kinabuhi sa uban nga mga balaan sa Dios. Si Enoc **adunay talagsaong** PAGTOO human siya nanganak kang Methusalam (Gen.5:21-22). Ug uban sa pagpamatuod siya nakapahimuot sa Dios. Kini siya nagpalain gikan sa iyang kaliwatan. Ug siya gitiman-an aron malalin padulong sa itaas. Amen.

Karon,unsaon pagpahimuot sa Dios? “ Ug kon walay pagtoo dili gayud mahimo ang pagpahimuot kaniya. Kay bisan kinsa nga magaduol sa Dios Kinahanglan magatoo sa iyang pagkaanaa ug nga siya magabalus ra sa mga nagapangita.” (Heb.11:6). Ug unsa man kini nga pagtoo nga nakapahimuot sa Dios? Unsa man nga pagtoo nga makahimo sa tinuod nga magsisimba sa Dios nga makaapil nga maraptyor?

Aduna ba niini nga mga relihiyosong mga pagtoo sa mga Cristohanon sa nagkalainlain nga mga denominasyon nga mga simbahan adunay tinuod nga PAGTOO sa Dios? Anaa ba niini nga mga pagtoo, ang pagtoo nga makapahimuot sa Dios? Siguro adunay USA sa linibo ka mga relihiyosong Cristohanon nga mga pagtoo, ang pagtoo sa Baptist igo ba nga makapahimuot sa Dios? O kaha ang pagtoo sa mga Charismatic nga magasultig mga dila? Unsa man ang pagtoo niadtong mga Pentecostal. Basin ang ebanghical nga mga Presbetaryan anaa niana nga pagtoo? O kaha diha sa pagtoo sa mga Branhamayts nga nagatoo sa makosganon gayud sa litra nga mga sulti o pulong sa Propeta-Mensahero sa Dios, si William M. Branham? Apan ngano nga si Jesus nagsulti niini nga mosunod nga pangutana sa Lucas 18:8b “ Ngani,Inig-abut sa Anak sa Tawo,makakaplag ba kaha siyag pagtoo dinhi sa yuta?”

Sa diha nga ang Ginoo mobalik makakaplag ba Siya ug pagtoo? Ug nga sa daghanan nga nagkalainlain pagtulon-an mahitungod sa “ pagtoo” sa karon nga mga simbahan unsaon sa pagkaila sa usa nga adunay tinuod nga pagtoo sa Dios—Ang PAGTOO nga makahimo nga malalin ngadto sa itaas sa bisan kinsa nga magtotoo nga makadawat niini? Oo, makakita ba si Jesus Cristo ug PAGTOO gikan sa daghan nga “ mga pagtoo” sa Cristohanon,gikan sa mga tao nga nagatawag kanila “mga Cristohanon” o “Magtotoo sa Biblia”.

ANG GISULTING PULONG – ANG ORIHINAL NGA BINHI

Alang sa mga tubag niini nga mga pangutana, gikinahanglan nato ang pagtan-aw sa eternidad kagahapon – ngadto sa sinugdan sa **LOGOS SA DIOS**. Si Apostol Juan nagsulat sa Juan 1:1-4:

“ Sa sinugdan mao ang Pulong, ug ang Pulong uban sa Dios, ug Dios ang Pulong.

Kini siya sa sinugdan uban sa Dios.

Ang tanang mga butang nangahimo pinaagi kaniya, ug niadtong mga nangahimo na, walay bisan usa nga nahimo nga dili pinaagi kaniya. Diha kaniya ang kinabuhi, ug ang maong kinabuhi mao ang kahayag alang sa mga tawo.

Ang **LOGOS SA DIOS** mao ang **GISULTING PULONG** nga nagagikan sa **makagagahum Dili Makita nga Espiritu (YHWH)** ingon nga **SINUGDANAN SA BINUHAT SA DIOS**. Ang Logos mao ang **ORIHINAL NGA BINHI**. Ang **BUGTONG BINHI SA DIOS** nga nagagikan kang **YAHWEH**. Pinaagi sa Gisulting Pulong nga ang Dios nagabuhat sa mga langit ug sa kalibutan (Heb. 11:3, Gen. 1:1, 26, 27). Diha Kaniya ang **KINABUHI**, Ang **KAHAYAG** alang sa mga tawo (Juan 1:4, 9). Ug niadtong 2000 ka mga tuig milabay ang **ORIHINAL NGA PULONG** nagaabut ug nagapuyo sa usa ka panudlanan, usa ka lawas nga unod nga linahi nga inandam sa Dios (Heb. 10:5). Kadtong panudlanan mao ang lawas sa tawo nga gitawag ug Jesus. “Ug ang Pulong nahimong tao ug ipon kanamo mipuyo siya nga puno sa grasya ug sa kamatuoran, ug among nakita ang iyang himaya, ang himaya nga ingon sa pagadawaton sa bugtong anak gikan sa Amahan. (Juan 1:14). Ang Gisulting Pulong mao ang **DINIHOG** sa Dios. Kini **KINABUHI**. Sa ingon niini pinaagi sa Iyang Kaugalingong Pulong ang Dios nahimong nagpadayag diha sa lawas pinaagi sa Iyang bugtong Anak, si Jesus Cristo.

Karon, ang Gisulting Pulong nga nagagikan sa Dios sa sinugdan mao ang pagpadayag sa kahimayaan sa Dios – Iyang Pagkabalaan, Iyang Kinabuhi, Iyang Gugma, Iyang Grasya, Iyang Kagahum ang tanan nga kinaiyahan sa Dios. Ang Gisulting Pulong mao ang deritso nga Boluhaton sa Daku Dili Makita nga Espiritu nga Siya nahimo nga makita aron pagsugod sa buhat sa paghimo. Kining Logos mao ang tigpataliwala sa **DILI MAKITA** (ang Eternal nga Espiritu sa Dios). Ug ang

MAKITA (ang binuhat sa Dios). Gikan dinhi, ang Gisulting Pulong (Logos) mao ang deritsong Pinadayag sa Dios sa Iyang kaugalingon .Ang Logos nagapamatuod kaniya. Ug KINING GISULTING PULONG mao lamang ang BUGTONG PINADAYAG SA TINUOD NGA PAGTOO NGADTO SA IYANG PINILI. Kini dili relihiyosong pagtoo, kini usa ka ESPIRITUHANON NGA PAGTOO, Kini usa ka KINABUHING PAGTOO.

Ang Gisulting Pulong sa Dios mao ang gahum sa Dios sa pagpamuhat, nga siya sa Iyang kaugalingon mao ang MAGBUBUHAT. Ang KINABUHI motungha sa diha nga siya magasulti diha sa sinugdan. Kon wala ang Gisulting Pulong, walay kinabuhi. Ang atong Ginoong Jesus nag-ingon “ Ang tawo mabuhi dili sa tinapay lamang, kondili sa matag pulong nga magagula sa baba sa Dios” (Mateo 4:4; Lucas 4:4) ug “Ang nagahatag ug kinabuhi. mao ang Espiritu,ug ang unod walay kapuslanan. Ang mga pulong nga akong gisulti kaninyo kini Espiritu ug kinabuhi(Juan 6:63). Tinuod sugod sa panahon ni Adan hangtud nga ang balaod o kasugoan gihatag, ang tinuod nga magsisimba sa Dios nabuhi pinaagi sa PAGTOO sa gisulting pulong nga nagagawas gikan sa baba nga gimensahe sa Dios niadtong mga adlaw sa ilang kapanahonan maoy kinabuhi. Kini maoy usa ka buhing mensahe. “ Busa ang pagtoo magaabut gikan sa madungog ug ang madungog magaabut pinaagi sa pagpamati sa Pulong sa Dios “. (Roma 10:17) Sa lahi nga pagkasulti, ang pagtoo (ang pinadayag sa kamatuoran, sa griego: Logos) magaabut pinaagi sa pagpaminaw sa dinihogang Pulong sa Dios. Ang pinadayag sa Kamatuoran sa Dios kini gihatag pinaagi sa hugna o ang-ang. Kini gisulti una ingon nga binhi. Unya kini magapadayon sa iyang hugna sa pagtobo ngadto sa udlot, mosunod ang lindog o punoan, unya ngadto sa sangga, unya mga dahon ug mga bulak hangtud sa iyang katapusan nga hugna sa diha nga ang mga bunga, nga nagadala sa daghan nga mga binhi sa maong kinabuhi,makita

Kini dili malalis ,tungod niini,ang dinihogan nga pulong sa Dios nga napatalinghugan ni Enoc ug kini iyang gidawat adunay pagkapukaw diha kaniya.Sa pagdawat sa pinadayag sa mensahe, si Enoc naglakaw uban sa Dios matag-adlaw diha sa saad sa Gisulting Pulong ,Ang Orihinal nga binhi sa Dios. Ang pagpanglihok ug paghunahuna iyang gisentro o gitumong diha sa “ presenting kamatuoran “ uban sa malig-on ug hugot nga pagtoo. Siya “ nagbarug sa presenting kamatuoran” ana nga pagkasulti (2 Pedro 1:12). Sa walay pagduhaduha siya nahibalo pagpamuhat sa gahum sa Gisulting Pulong sa Dios. Ug siya “gitiman-an” gikan sa daghan nga mga balaan. Si Enoc gilalin padulong sa itaas o raptiyor sa Ginoo nga wala magtugot kaniya nga makakita ug kamatayon. Amen.
6 Kinabuhi nagagikan sa Gisulting Pulong.

Karon, ang “ pagsakgaw padulong sa itaas” ni Enoc kini dili kalit nga panghitabo. Matuod, Ang Dios wala” magsakmit sa kalit” kang Enoc gikan sa yuta samtang naglakaw siya sa dalan o nagtrabaho sa uma. Ang Dios wala magkuha kang Enoc sa kalit diha sa atubangan sa iyang pamilya o mga higala. Bisan pa, nga sa diha nga mobiya na siya sa kalibutan, Si Enoc nagpahimangno sa iyang pamilya ug sa iyang suod nga paryenti nga dili na lang mangita kaniya , ang Dios nagahatag sa mga tao ug kabilin sa Iyang Maayong Balita diha sa mga bato – ang payramid (sa Giza) ingon nga Tugon ngadto kang Enoc sa mensahe sa Dios mahitungod sa paghukom sa katawhan sa kalibutan (Judas 14-16).

Ang pinadayag sa KINABUHI diha sa Gisulting Pulong sa Dios ang tanan mahinungdanon ngadto sa anak sa Dios. Lima ka gatus ug singkwenta ka mga katuigan human si Enoc gisakgaw ngadto sa langit, ang lunop gipahamtang tungod kay “nakita ni Jehova ang pagkadautan sa tawo sa yuta daku. ug nga ang tanang pagpalandong sa mga hunahuna sa iyang kasingkasing lonlon mga kadautan lamang gihapon.”(Gen.6:5). Sa walay pagduhaduha ang mga kaliwat sa Serpente(kaliwat ni Cain) ug ang mga kaliwat ni Seth nagakasagol, nga ang tanan nagakasagol nga kaliwat ni Seth, gawas lamang kang Noe, nangahimo nga ang ilang pagtoo nagakaluya hangtud nga nahimong relihiyoso tawhanon o kalagdaan. Ang katawhan sa Dios – ang kaliwat ni Seth – wala na diha kanila ang tinuod nga pagtoo tungod kay sila wala magalakaw sa Dios sumala sa Iyang Pulong. Mahimo nga ang ilang pagtoo nasagolan sa mga pagtoo sa kaliwat ni Cain o kaha nasagulan sa ilang kaugalingon dautan panghunahuna, ug usab, ang kaliwat ni Seth wala na mag-usa nga katawhan. mga kabangian sa simbahan maoy sayon nga mosulod sa diha nga ang mga maabtik nga Teolodyan nagapahaluna ug nagkalainlain nga relihiyosong organisasyon aron lamang pagtudlo sa ilang kinaugalingong hubad sa Dios ug sa Iyang Pulong. Ug gikan sa linibo ka linibo ka mga kaliwat ni Seth, nga sa mga kaliwat ni Adan ngadto kang Seth usa lamang “ si Noe nakakaplag ug kahamuot sa mga mata ni Jehova” (Gen.6:8). “ si Noe nagalakaw uban sa Dios” uban sa tinuod nga pagtoo ug siya nakahimo sa pagpaminaw ug pagdawat sa Gisulting Pulong sa iyang mga adlaw(Gen.9:9b, Juan 6:22). . .

Maingon-ingon usab, dili ba ang tanan katawhan sa Dios – mga Cristohanon – mao usab karon? Dili ba usab tinuod “Sa tinuohan nga sa makausa ra ug sa dayon gitugyan ngadto sa mga balaan” nagakabugnaw ug nasambogan sa tawhanon nga panghunahuna, labi na niining panahon sa Laodecia, sobra sa 33,000 ka mga pundok pundok o secta ang makita. Sila ang mga resulta sa gitawag “bantogan” nga

magwawali ug Teolodyan (nga ang kadaghanan nila walay tinood nga pagtawag gikan sa Ginoo) nagahubad ug nagtudlo sa Biblia sumala sa “matag tumotumo sa ilang kinaugalingong panghunahuna sa ilang kasingkasing” o sumala sa ilang nagkalain-laing patukoranan sa denominasyon. Ug busa gikan sa linibo ug ngadto sa linibo ka mga Cristohanon karon, pila kaha ang makakita sa grasya diha sa mata sa Ginoo? Pila kaha ang adunay tinuod nga pagtoo ug nagahimo sa tinood nga paglakaw uban sa Ginoo? Pila kaha ang nagapatalinghug ug nagadawat sa Gisulting Pulong sa Dios alang sa atong mga adlaw?

ANG SINULAT NGA PULONG

Wala nagdugay si Ginoong Jesu-Kristo nagsugod sa Iyang boluhaton. Siya miadto sa siyudad sa Jerusalem. Didto siya misulod sa Templo diin ang Iyang kamaampingon alang sa balay sa Dios nakapahagit Kaniya sa paghunong sa kalihukan nga pangnegosyo diha sa Balay sa Dios. Ug ang mga Judeo nagahagit sa iyang kagahum sa pagbuhat.

“Si Jesus mitubag ug misulti kanila, Gubaa ninyo kining templo ug patindugon ko kini sulod sa tulo ka adlaw.

Ug ang mga Judeo nanagpanubag, kining temploha gitukod sulod sa kap-atan ug unom ka tuig ug imong patindugon kini sulod sa tulo ka adlaw?

Apan ang templo nga iyang gipasabot mao ang iyang kaugalingong lawas.

Mao man gani nga sa pagkabanhaw na niya gikan sa mga patay, ang iyang mga tinun-an nahinumdom sa iyang pagsulti niini; ug sila nanagpanoo sa

kasulatan, ug sa pulong nga gisulti ni Jesus.” -Juan 2:19 – 22

Tan-awa ang katapusan nga bersikulo: **“Mao man gani nga sa pagkabanhaw na niya gikan sa mga patay, ang iyang mga tinun-an nahinumdom sa iyang pagsulti niini; UG SILA NANAGPANOOS SA KASULATAN, UG SA PULONG NGA GISULTI NI JESUS.”** Atong makita gikan niini nga bersikulo nga ang mga tinun-an wala gayud makasabot sa daghan nga mga pulong ni Kristo sa diha nga sila nagsunod sunod Kaniya sa Iyang ministre. Walay usa kanato nga makasabot sa mga laglum nga mga butang sa Dios hangtud nga kita una mapuno uban sa nagapuyo nga Espiritu sa Dios ug sa kang Kristo. Sa tinuod, kita kinahanglan matawo pag-usab. Unya kita magbaton ug espiritu nga katudloan aron kita mahibalo sa KAMATOURAN sa Dios niining PRESENTE nga panahon ug magbarug niini.

Ang pag-angkon sa "presenting kamatuoran" dili lang kay kuptan ang kahibalo kung unsa ang gibuhat sa Dios niadtong kapanahonan nga milabay (bisan sa kapanahonan sa Mensahero sa Dios, William Marrion Branham) ug unsa ang Iyang pagabuhaton sa umalabot, APAN ANG PAG-ANGKON SA PINADAYAG SA KAMATUORAN NGA GIPADAYAG PINAAGI SA GISULTING PULONG SA BULOHATON SA DIOS ALANG NIINING PRESENTING KAPANAHONAN - "Busa (ingon sa gisulti sa Espiritu Santo, KARONG ADLAWA, inigkadungog ninyo sa Iyang Tingog, Ayaw pagahia ang inyong mga kasingkasing..." (Heb. 3:7-8a).

Usa ka pahimangno! Daghan sa mga Kristohanon nga wala nagabantay sa insaktong "tingog" sa Dios niining atong "presenting kapanahonan." Bisan pa niadtong nagasunod sa Mensahe sa Propeta, William M. Branham, nagapagahi sa ilang mga kasingkasing ngadto sa "tingog" sa Ginoo sa diha nga siya nagasulti pinaagi sa Bulohaton sa presenting kapanahonan. Sama sa Israel sa mga panahon ni Moses, diha lang kanila ang tawhanon nga pagpanabot. Wala nila gipahiluna ang pagtoo sa unsa ang ilang nadungog. Nagkinahanglan pa kini ug labaw pa kay sa pagpaminaw lamang sa Pulong. Dili lang kay pinaagi sa imong nadungog; kon dili, giunsa nimo sa pagkadungog niini. Sila nagaangkon nga sila nakabati ug nakasabot, apan ang kamatuoran wala sila makasabot (cf. Matt. 13:13-14). Sila wala gayod mga pinadayag.

Tungod niini, *"magmatngon kamo, mga igsoon, basin nga diha kang bisan kinsa kaninyo maanaa unyay dautan ug dili matinoohong kasingkasing, nga magabiya sa Buhi nga Dios. Apan pagtinambagay kamo ang usa sa usa sa matag-adlaw, samtang matawag pa kini Karong Adlaw; aron wala kaninyoy magmagahi tungod sa pagkamalimbongon sa sala. Kay kita nahimong mag-aambit kang Kristo, kon ato lamang pagakuptan ang pagkamalig-onon hangtud sa katapusan; samtang gina-ingon pa, Karong adlaw inigkadungog ninyo sa Iyang tingog, ayaw pagahi-a ang inyong mga kasingkasing, ingon usab niadtong nanagpanghagit batok Kanako. Kinsa ba kadto sila nga nanagpakadungog, ngani misupil batok Kaniya? Dili ba mao man kadto silang tanan nga namahawa sa Egipto ubos sa pagdumala ni Moses. Ug kinsa ba kadto sila nga gikasuk-an sa Dios sulod sa kap-atan ka tuig? Dili ba mao man kadto ang mga nanagpakasala, kansang mga patayng lawas nahibilin didto sa kamingawan? Ug kinsa man ang iyang gipanumpaang nga dili gayud sila makasulod sa iyang kapahulayan, kondili mao kadto mga masupilon. Ug nakita ta nga wala gayud sila makasulod*

tungod sa pagkadili matinoohon. Busa samtang nagapadayon pa ang saad sa atong pagkasulod sa iyang kapahulayan, batonan ta ang kahadlok basi unya hinoon aduna kaninyoy mag-isip nga wala makakab-ot niini. Kay kita gikawalihan man usab sa Maayong Balita ingon kanila, hinoon ang Pulong nga ilang nadungog wala magpulos kanila, kay ang mga nakadungog niini wala man modawat niini uban sa pagtoo." (Heb. 3:12-4:2).

Diin ang Pulong sa Dios gidawat uban sa tinuod nga pagtoo, ang kinabuhi sa tinuod nga magsisimba magamalahotayon diha sa Pulong, sama kang Enoc nga "nagalakaw uban sa Dios" ug "iyang napahimout ang Dios" aron sa pagtuman sa kabubut-on sa Amahan diha sa langit. **Ug ang kabubut-on sa Dios diha sa Iyang PULONG (Mat. 7:21)**

ANG PRESENTING KAMATUORAN

Sa diha nga ang Cristohanong katilingban magasulti sa "**presenting kamatuoran**" kini naga hisgot lamang sa' kamatuoran'nga kini gikuptan uban sa kalagdaan - dili niadtong nagatubo o nagapuno ug nagtuman hangtud sa iyang padulngan nga katoyuan sa katapusan."

Karon si Yahweh mao "AKO MAN ANG MAO AKO" (Ex. 3:14) Nga mao, Siya kanunay ang PRESENTING USA - dili usa nga ang sa kaniadto o ang usa mao ang umalabot. **Siya anaa sa presente karon nga dayon.** " Busa, mga igsoon, paningkamoti sa labi pa gayud nga masiguro ang inyong pagkatinawag ug pagkapinili, kay inyong himoon kini, dili gayud kamo mahulog ug sa ingon niana aduna unyay madagayaong pagpahigayon alang kaninyo sa usa ka madaugong pagsulod kaninyo ngadto sa dayong gingharian sa atong Ginoo ug Manluluwas nga si Jesus Cristo. Busa sa kanunay ako andam sa pagpahinumdom kaninyo niining mga butanga, basin pa nga nasayud na kamo niini ug nalig-on na kamo sa kamatuoran, nga inyong ginabatonan. (2Pedro 1:10 - 12, 3:1 - 2, Judas 1:17) Ug niining mga pulong ni Apostol Pedro, Ang Espiritu nagasulti kanato nga "pagsulod" sa KINABUHI nakabaton kita sa madagayaong kagamitan (sa mga butang sa Dios) nga sa kanunay (nagapadayon) nagakadaghan nganhi kanato (mga lumalangyaw) sa diha nga kita nagapadulong ngadto sa Gingharian sa Dios. Sa lahi nga pagkasulti, Ang Dios nagapadayon sa pagpamuhat alang kanato. "matag-adlaw" uban sa iyang kamatuoran alang sa atong (presente o karong adlaw) kaugalingon nga adlaw ug panahon. (Pahinumdom: Ang uban nga mga Teolodyan nag hubad niadtong mga pulonga nga nagpasabut nga kita mapanalanginan sa madagayaon sa diha nga kita makasulod na niadtong unya nga

umalabot. Ginghamarian ni Cristo. Ang uban nagsugyot nga sila gitumong ngadto sa adlaw ni Pedro ang kamatuoran. kon mao man kini, Unsa man ang kamatuoran nga si Juan nga pinalangga nakadawat gikan sa Ginoong Jesus sa mga sunod nga katuigan.)

Niining kalibutan karon, daghan ang mga relihiyosong katawhan apan gamay ra ang mga Espirituhanon. **Ang mga relihiyosong mga katawhan nagapangita sa pagsimba sa Dios pinaagi sa tawhanon o tradisyon nga pamaagi.** Kasagaran sa mga Cristohanon sila nagatoo sa Maayong Balita ug sa tanan nga gisulat sa Biblia. Sila nagkanta, nagsinggit ug nag sayaw diha sa ilang pagsimba. (Natural, ang uban nga mga denominasyon nagkusmod niining pagsinggit ug pagsayaw diha sa Espiritu.) Bisan pa niana, gawas ilang pagabuhaton kini sa Espiritu ug sa Kamatuoran sa Buhing Dios niining **Presenting Panahon**, sila nagabuhat niini sa kawang. Sama sa uban nga anaa sa tanang relihiyosong mga katawhan nga matinod-anon tuod apan wala makaalinggat nga sila sa tinoud anaa sa tawhanon o emosyonal nga kalihokan sa pagkinabuhi diha sa kahimtang sa relihiyosong kangitngit apan sayop nga nagatoo nga sila nakaangkon sa kamatuoran sa Dios. Dili ba usab kini pareho sa kadaghanan sa mga Judio nga nagapuyo sa panahon ni Ginoong Kristo Jesus? Dili ba sila mga relihiyoso sa tanan nila nga kalagdaan sa ilang pamaagi sa pagsimba? Wala ba sila nagaangkon sa ilang propeta nga pinadala sa Dios ug mga saad sa Dios nga gipadayag sa ilang propeta? Wala ba usab sila nagaangkon nga diha kanila ang mga manalagna sa Dios? Ug giunsa nila pagsimba si *Yahweh* — sila nagaawit, sila nagasinggit ug sila nagsayaw sa atubangan Niya! Bisan pa, sila nagsalikway ug nagpatay sa Bugtong Ginoo nga ilang giangkon nga sila nahibalo ug ginasimba!

Ngano? Ang yano nga katarungan niini nga sila dili mga espirituhanon igo nga makaila unsa ang pagpamuhat sa Dios sa panahon nga ilang ginapuy-an.

“Apan kita nanagpakadawat dili sa espiritu nga iya sa kalibutan, kondili sa Espiritu nga gikan sa Dios, aron kita managpakasabut sa mga hiyas nga gikahatag kanato sa Dios.

Ug kini among panagsultihan dili pinaagi sa mga pulong nga gitudlo sa tawhanong kaalam kondili gitudlo sa Espiritu, nga kita magahubad sa kamatuoran nga espirituhanon ngadto sa mga tawo nga espirituhanon.

Ang tawo nga kalibutanon dili magadawat sa mga igatudlo sa Espiritu sa Dios: kay alang kanila kini mga binoang; ug siya dili arang makasabut

niini tungod kay kini ugod kinahanglan mang pagatugkaron sa espirituhanon nga paagi.

Ang tawong espirituhanon magatugkad sa tanang mga butang, apan siya dili pagatukaron ni bisan kinsa.

Kay kinsa bang tawhana ang nakasabut sa hunahuna sa Ginoo, aron ang Ginoo iyang katudloan?

Apan kita nanagpakaambit sa panghunahuna ni Cristo.”

- 1 Corinto 2:12-16

Ang mga Judio diha kanila ang Sinulat nga Pulong sa milabay nga kuwatro sintus ka mga tuig sa wala pa ang ilang Mesias nagatungha. Sa pagkarelihiyoso sila mao man, diha kanila and Balaang Kasulatan ingon nga maoy solud sa ilang sabakan sa ilang pagkahibalo niini. Diha kanila ang kamatuoran apan dili “*ang presente nga kamatuoran*” alang sa ilang adlaw. Sila nagakinabuhi lamang sa “*manna*” sa mga adlaw ni Moses ug sa ilang mga propeta nga tigulang. Sama karon sa mga lider sa simbahan nga mga denominasyon, ang ilang relihiyosong lider nagatudlo kanila sa diyutayng mga “*inila pag-ayo*” nga kinutlo gikan sa Balaang Kasulatan sa ilang (Daang Tugon) mga propeta ug uban nga mga dogma o pagtulon-an. Bisan pa niini, uban lang sa mga pulong sa relihiyosong mga tawo nagsulti nga walay dihog gikan sa Dios ug walay pinadayag sa Balaang pulong nga sinulat sila matuod nagapuyo diha sa “*kangitngit*”. Dili ikatingala nga sila napakyas sa pagtan-aw sa “*kahayag*” sa Dios diha sa ministerio ni Juan Bautista ug kang Jesus sa ilang taliwala nianang “*presenting panahon*” (Juan 1:5-11).

ANG BUHAT SA DIOS

Usa ka adlaw ang mga tinun-an ni Jesus nangutana sa ilang Ginoo sa usa ka mahinungdanon nga pangutana. Sila nakadawat sa tinuod apan yano nga tubag diin daghan sa mga Kristohanon napakyas sa pagsabut niini.

“Ug sila miingon kaniya, Unsa may kinahanglan among buhaton aron sa pagbuhat sa ipabuhat sa Dios?

Si Jesus mitubag kanila, Ang ipabuhat sa Dios mao kini, nga kinahanglan mosalig kamo kaniya nga iyang gipadala.

Ang tubag ni Cristo klaro nga nagasulti kanato nga dili ang katawhan sa Dios maoy magahimo o magbuhat sa buluhaton sa Dios kondili ang Dios sa Iyang Kaugalingon mao ang magapamuhat sa buluhaton. "*Kita Iyang mga binuhat*" (Epeso 2:10, Isa. 64:8). Ug ang tanan nga pagabuhaton sa Iyang katawhan mao ang pagtoo sa Iyang alagad nga Iyang gipadala. "**ANG IPABUHAT SA DIOS MAO KINI, NGA KINAHANGLAN MOSALIG KAMO KANIYA NGA IYANG GIPADALA.**" Kini ang kamatuoran. Dili nga unsa ang buhat nga atong mahimo alang sa Dios apan ang Dios maoy magahimo sa buluhaton alang kanato ug sa ato, ug ang atong pagabuhaton mao ang pagtoo sa usa nga Iyang gipadala. Kini mao nga ang kadaghanan sa mga Kristohanon napakyas sa pagsabut. Sila ginatudloan sa kalagdaan nga si Jesus nagatumbok lamang sa Iyang kaugalingon. Bisan pa niana, kini layo sa kamatuoran tungod kay si Ginoong Jesus wala magasulti ingon niini. "*Kini mao ang pagpamuhat sa Dios, nga kinahanglan motoo KANAKO (o ang Anak) nga Iyang gipadala*" (Juan 6:14, 3:16-17).

Sa pagbuhat sa Iyang buhat, ang Dios nagpadala ug daghang mga propeta sa **Israel** sa nagkalainlaing panahon. Ang Israel kinahanglan magatoo niadtong mga tawo nga gipadala sa Dios. Mao kana ang tanan nga gikinahanglan diha kanila. Ang Dios nagahimo sa Iyang buluhaton taliwala sa Iyang mga pinili nga katawhan. Sa diha nga ang Dios nagpadala kang Juan Bautista, siya gipadala Niya aron sa pag-andam sa dalan alang sa Messias nga diin ipadala sa Dios human kaniya. Kini ang buhat sa Dios, ang Dios nagatuman sa Iyang kaugalingong plano. Ang mga Judeo kinahanglan unta magatoo kang Juan Bautista nga diin ang Dios nagapadala kaniya kay ang Dios nagahimo ug pamuhat. Matag tawo nga gipadala sa Dios magadala sa Gisulting Pulong alang sa iyang mga adlaw ngadto sa katawhan sa Dios hangtud ang gisaad nga Messias motungha (Heb. 1:1-2). Sa unang kapanahonan sa Iglesia ang mga balaan nagatoo sa mga apostoles nga gipadala sa Dios. Sulod sa Pito ka mga Iglesia sa Kapanahonan ang Dios nagpadala sa Iyang mga mensahero ug mga alagad ngadto sa Iglesia sa nagkalainlaing panahon. Ang mga balaan ginatoohan sa pagtoo kanila ug sa mga pulong nga ilang giwali. Sugod dinhi, ang pahimangno: "***Karong adlaw inig kabati ninyo sa Iyang tingog, Ayaw pagahia ang inyong kasingkasing, ...***" (Heb. 3:7-8a).

Ang Dios magpadala sa Iyang katapusang Mensahero sa Katapusang Iglesia sa Kapanahonan nga adunay mahinungdanon nga mensahe alang sa Iyang mga katawhan niining kapanahonan sa Laodecia. Sama kang Juan Bautista, siya mitungha

ug nawala, apan nagpatalinghug ba ug nagtoo ang Iglesia o katawhan kaniya? Ang Iglesia o katawhan nagatoo ba usab niadtong mga alagad sa Dios diin ang Dios nagapadala uban sa Gisulting Pulong sa ministerio niining presenting panahon? Hinumdumi, ang Dios mao ang Buhi nga Dios ug Siya nag-atiman uban sa buhing katawhan; Siya dili Dios sa mga patay. Ang Dios karon nagsulti pinaagi sa Buhing Ministerio.

ANG TINGOG SA DIOS

“Mao kini ang giingon ni JEHOVA, ang Dios sa Israel, nga nagaingon, Isulat mo ang tanang mga pulong nga gisulti ko kanimo diha sa usa ka basahon.”

- Jeremias 30:2

Ang Balaan nga Kasulatan, ang Sinulat nga Pulong, mao ang atong Matuod nga patukoranan. Sukad sa adlaw nga ang Gisulat nga Pulong gihatag, ang magsisimba sa Dios nagahawid niini. Gikan sa panahon sa Daang Tugon ngadto sa panahon sa Bag-ong Tugon, daghan sa mga Judio ug mga Kristohanon nagakupot sa Balaang Kasulatan. Si Apostol Pablo nag-ingon *“ang tibuok nga Kasulatan gituga sa Dios ug may kapuslanan alang sa pagpanudlo, alang sa pagpamadlong, alang sa pagpanul-id ug alang sa pagmatoto sa pagkamatarung, aron ang tawo sa Dios mamahingpit masinangkapan alang sa tanang maayong bulohaton”* (2 Tim. 3:16-17). Apan kon walay espirituhanon nga pinadayag walay tawo nga makasabot Niini, kulang pa gayud sa pagsulti sa kamatuoran. Atong makita ang usa ka panag-ingnan nga nasulat sa Buhat 8:26-40 mahitungod sa usa ka eunoco nga nagapaningkamot nga makasabut samtang nagbasa siya sa Basahon sa Isaias. Maingon usab, ang pinadayag nga Pulong sa Kamatuoran wala magagikan sa Iglesia (ang panagkatapok sa mga magtotoo). Kini magaabot ngadto sa Iglesia (1 Cor. 14:33-38).

Gikan dinhi, atong makita ang Sinulat nga Pulong sa Dios makahatag lamang ug **kinabuhi** pinaagi sa tinudlong boluhaton sa Gisulting Pulong sa Dios. Ilalum sa dihog sa Dios, ang tinudlong mga alagad sa Dios magasulti ug magapadayag sa tinagong Kamatuoran sa Dios nga nagahatag ug kinabuhi niadtong adunay igdulungog nga nagapatalinghog. Karon kinahanglan nato masabtan nganong kinahanglan man sa Dios magapadala sa Iyang dinihog nga alagad, si Felipe, pinaagi sa ‘linahi nga paglakbay’ sa kamingawan aron sa pagtagbo sa eunoco ug **MAGSULTI SA PULONG** sa Kinabuhi ngadto kaniya (mahitungod sa iyang gibasa sa sinulat nga

pulong ni Propeta Isaias). Basaha ang Buhat 8:26-40 ug Roma 10:14. Kon ang Sinulat nga Pulong adunay gahum sa KINABUHI – ang Dios dili na magpadala kang Felipe.

Palandunga ang pagsaway nga gihimo ni Apostol Pablo alang sa mga magtotoo diha sa siyudad sa Corinto para sa kalibug nga anaa kanila. Ang mga kalibug nagagikan sa mga mini nga pagtulon-an nga nagapalibot diha kanila. Pagtandi sa Iglesia ngadto sa mga babaye, diin si Pablo nagsugo nga maghilum ug magtoon sa hilom, siya nangutana: “*Unsa? Diha ba kaninyo magsugod ang Pulong sa Dios? O kamo ra ba gayud ang mga naabut niini?*” (1 Cor. 14:36). Sa yano, si Pablo nangutana “*Unsa? Ang ‘Logos’, ang pinadayag sa Pulong, nagagula (padala) gikan kaninyo (Iglesia), o kini nagaabot (mitungha) lamang (pagtoon) nimo (ang Iglesia)?*” Sa pagtubag sa iyang pangutana, si Pablo sa hugot nagpalig-on sa matuod nga ang pagpadayag sa Pulong sa Kamatuoran magaabut lamang ngadto sa Iglesia sa diha nga siya nag-ingon, “*Kon adunay maghunahuna nga siya propeta, o may mga hiyas nga espirituhanon, kinahanglan nga magaila siya nga kining akong gisulat kaninyo maoy usa ka sugo gikan sa Ginoo. Kon aduna may wala masayod niini, nan, pasagdi siya nga magawalay kasayuran*”(1 Cor. 14:37-38).

Tinuod, ang pinadayag sa Sinulat nga Pulong sa Dios magaabot lamang ngadto sa nagakatigum nga tinuod nga magsisimba pinaagi sa dihog sa Dios diha ug ngadto sa Iyang dinihogan nga mga alagad. Ug ang mga balaan magakinabuhi sa Kinabuhi sa Pulong nga ilang nadawat. Ang Dios naghatag sa Iglesia sa Lima ka pilo nga Boluhaton (gasa) – sa mga Apostoles, mga propeta, mga Ebanghilista, mga Pastor ug mga Magtutudlo (Epeso 4:11). Kini mao ang han-ay sa kalihukan nga walay bisan kinsa nga makausab niini. Ang boluhaton sa mga Apostoles ug mga Ebanghilista wala makita sa panahon nga ang Iyang katawhan nga Israel, ilalum sa daang Tugon. Sila mga bag-ong boluhaton gitudlo ug gihatag, ilalum sa Bag-ong Tugon diha sa dugo ni Jesus Cristo alang sa Iglesia. Usa ka bag-ong Tugon gimugna tungod sa Bag-ong Pakigsaad nga gihimo. Sa kapanahonan sa Daang Tugon ang mga propeta mao ang magsusulti sa Dios. Sila nagpadayag ug naghubad sa Pulong sa Dios. Bisan pa, diha sa Bag-ong Tugon, ang mga Apostoles mao ang gipadaygan ug maghubad sa Pulong sa Dios. Si Jesus Cristo mao ang gisaad nga propeta diha sa Daang Tugon (Deut.18:15-18, Buhat 3:22), Apan Siya ang Apostol diha sa Bag-ong Tugon (Heb. 3:1). Gikan dinhi, atong makita ang pinadayag ug ang paghubad sa Pulong sa Dios nagaabut pinaagi sa mga apostoles ngadto sa Iglesia sa Dios. Diha sa Bag-ong Tugon nga mga basahon, upat kanila nagahisgot sa “Maayong Balita ni Cristo”, usa diha sa “paglihok sa Iglesia” ug ang uban nagahisgot sa mga “Pagtudlo sa Dios”.

Ang 22 ka mga basahon o libro sa Bag-ong Tugon gisulat sa mga Apostoles. Ug kining mga libro adunay sulod nga mga pinadayag diin ang mga apostoles nakadawat niini gikan sa Dios ug diin sila ang nagpatin-aw ngadto sa Iglesia o mga magtotoo.

Diha sa iyang ikaduhang episola o sulat ngadto sa taga Corinto nga magtotoo si Pablo naghigot sa tin-aw (sa 2 Corinto 3:1-8) nga ang pagpang-alagad sa **KINABUHI** dili magaabut pinaagi sa Sinulat sa Pulong apan pinaagi sa **Espiritu** ni Cristo. “ nga mao ang naghimo kanamong takus sa pagkaministro sa bag-ong pakigsaad, dili diha sa sinulat nga kasugoan kondili diha sa **Espiritu**, kay ang sinulat nga kasugoan magapatay, apan ang **espiritu** magahatag ug kinabuhi. (bersekulo 6).

PINADAYAG

Unsa ang Pinadayag ? Pinadayag mao ang pag-asoy sa usa ka butang nga tinago o nalilong. Ang Biblikal nga pinadayag mao ang pagpahayag sa Gamhanang Dios sa Iyang kaugalingon pinaagi sa Iyang Kaugalingong Pulong. Ang **Dios diha sa Iyang Kaugali- ngong Pulong** (Juan 1:1). Ug ang **Dios mao ang nagahubad sa Iyang Kaugalingong Pulong** . Ang Pulong sa Dios dili “ arang kahimoan sa kinaugalingon nga pagpanabut “ (2 Pedro 1:20). Ang paghubad gihatag ngadto sa Iyang mga Apostoles aron ihatag ngadto sa mga balaan. Maoy hinungdan nga ang mga kalagdaan sa Iglesia nga tawhanon, mga credo (tawhanon nga pagtulon-an) ug mga dogma nga wala sa kasulatan mga kinalibang diha sa mga mata sa Dios tungod kay ilang gihimo nga walay bili ang Pulong sa Dios ug nagdala sa **KAMATAYON** ngadto sa magsisimba (Marcos 7). Ang mga tawhanon nga kalagdaan mga sulti sa mga relihiyosong manggialamon nga mga tao nga igo lamang makahubad sa Pulong sa Dios sumala sa mga sumbanan sa pagtoo diha sa ilang organisasyon nga ilang gisagop o gitampohan. Kini nga mga tawo walay kalainan sa mga Paraseo ug mga Saduceo sa panahon ni Jesus. Sila pareho nga tinunglo sama sa mga Paraseo ug Saduceo. (Mateo 23:15)

Kini mahinungdanon alang kanato aron makaamgo ta nga ang Pinadayag sa Dios adunay pag-uswag nga pagpadayag ngadto sa katawhan sa Dios bisan anaa kanato ang Biblia – Ang Sinulat nga Pulong. Sa wala pa gisulat

ang Pulong, una sa tanan kini gisulti sa sinugdan mao ang PULONG (LOGOS) gipagula ingon nga BINHI – BUGTONG BINHI (MONOGENE) Juan 1:1). Kini si Cristo (Cristo- dinihogan) mao ang nagpadayag sa Dios. Diha sa pagkamadaginoton sa Dios, Ang Pulong gisaysay diha sa 66 ka mga libro ug diha niana ang tanan mga pinadayag sa Dios (Iyang katuyoan ug mga plano). Ang libro gisulat sa usa ka panahon ug ang mga tinago nga mga pinadayag mapahayag lamang ngadto sa usa ka katawhan diha sa tukma nga panahon ug usa ka lugar pinaagi sa boluhaton o ministryo sa Gisulting Pulong . Ang uban nga mga teolodyan ug mga Cristohanon mosupak niini nga mga panlantaw. Sila nagaangkon nga anaa kanila ang Biblia (sulod ug 66 nga kanonikal o gibalán nga nga libro) ingon nga may kagahum ug pinadayag sa Dios alang sa katawhan ug niana sila nagtoo nga dili pagadugangan o pagakuhaan kini. Kini nga mga tawhana dali lang magsalikway ug makasud-ong nga mini ang bisan una nga “ pinadayag “ nga wala pa nila nadunggi. Sila magsud-ong nga adunay “ gidugang niana “ o “ gikuhaan niadto “ gikan sa Biblia. Ilang paghukom gipasikad lang sa unsa ang ilang naton-an gikan sa ilang organisasyon. Mao kini ang tukma apan sila nahikalimot nga niadtong panahon sa kangitngit o panahon sa dakung paglutos, (ang Pulong sa Dios, nga nawala diha sa katawhan, gipadala balik ngadto sa pagpahayag pinaagi sa mga dinihogan nga mga alagad sa Dios, ang mga Repormer o tegreporma, sulod sa usa ka panahon daghan sa mga doktrina nga kamatuoran gipakita ngadto sa kahayag pinaagi sa Espiritu Santo diha sa mga dinihogan nga mga alagad nga ang Dios maoy nagpadala kanila sa usa ka panahon ngadto sa panahon. Bisan pa, niining presenting panahon, ang mga relihiyosong organisasyon usab nagakupot nga malig-on sa ilang paghari sa mga katawhan nga sa unsa ang ilang gitooan. Ang mga Iglesia karon mga “ dato, ug mauswagon ug walay nakulang kanila,” apan wala sila mahibalo nga sila “ Alaut , makalolooy, ug kabus ug buta ug hubo “ (Pin.3:17). Diha sa mga butang, sila mga dato, apan sa espirituhanon, sila kabus. (Pin.3:18). Wala diha kanila ang lunsay nga bulawan nga Pagtoo sa Dios (Heb.11:17, 1 Pedro 1:7). Wala diha kanila ang timaan sa pinadayag sa pagka USA diha sa Pulong (Juan 14:20 ,15:4. Pin.19:8). Sila mga buta diha sa espirituhanon nga bahin tungod sa mga relihiyosong kalagdaan nga nagaabot kanila ingon sa kangitngit (1 Juan 1:5-7).

Atong tan-awon kon giunsa ni Jesus Cristo, ingon nga propeta, nagtudlo sa mga katawhan sa Iyang mga adlaw. Hibaloí pag-ayo ang pinadayag sa gisulting pulong ug kining nagkasumpaki sa mga pagtulon-an sa mga sistema nga relihiyoso sa Iyang mga adlaw.

“Ug sa pagkakita niya sa mga panon sa katawhan, siya mitungas sa bukid, ug sa nakalingkod siya ang iyang mga tinun-an miduol kaniya. Ug kanila mibungat siya sa iyang baba sa pagtudlo nga nag-ingon, kamo nakadungog na niini nga gikasulti ngadto sa mga tawo sa karaan, nga nagaingon,

Ayaw pagbuno, ug bisan kinsa nga makabuno mahiagum sa hukom
Apan sultihan ko kamo, nga bisan kinsa nga masuko batok sa iyang
igsoon, mahiagum na sa hukmanan, ug bisan kinsa nga moingon sa iyang
igsoon, kuwanggol, mahiagum sa inferno nga kalayo.

Nakadungog kamo sa giingon, Ayaw pagpanapaw.

Apan sultihan ko kamo nga bisan kadtong magatan-awg babaye uban
sa pagkaibog kaniya, nakapanapaw na kaniya diha sa iyang kaugalingon
kasingkasing .

Giingon usab, bisan kinsa nga mobulag sa iyang asawa, kinahanglan
iyang hatagan siyag usa ka sulat pamatuod sa pakigbulag.

Apan magaingon ako kaninyo nga bisan kinsa nga mobulag sa iyang
asawa, gawas kon ang hinungdan mao ang pakighilawas, nagahimo kaniya
nga mananapaw ug ang mangasawa sa usa ka babayeng binulagan
nakapanapaw.

Usab nakadungog na kamo niini nga gikasulti ngadto sa mga
tawo sa karaan, nga nagaingon, Ayaw pagbinakak sa imong pagpanumpa,
kondili kinahanglan tumanon mo ang imong gipanumpa ngadto sa Ginoo.

Apan magaingon ako kaninyo, ayaw gayud pagpanumpa, bisan pa
kon tungod sa langit, kay kini mao ang trono sa Dios, bisan pa kon tungod
sa yuta, kay kini mao ang tongtonganan sa iyang mga tiil, bisan pa kon
tungod sa Jerusalem, kay kini mao ang siyudad sa dakung Hari.

Ug ayaw pagpanumpa tungod sa imong ulo, kay ikaw dili arang
makapaputi ni makapaitom sa bisan usa nalang ka lugas nga buhok niini.

Apan ang inyong sulti himoa lamang na Oo o Dili, kay bisan unsa
nga kapin na niini nagagikan sa dautan.

Kamo nakadungog na nga giingon. Mata tungod sa mga mata ug
ngipon tungod sa ngipon.

Apan magaingon ako kaninyo, ayaw ninyo pagsukli ang taong dautan.
Hinonoa, kon may mosagpa kanimo sa too mong aping, itahan mo kaniya
ang pikas usab, ug kon may makigburoka kanimo ug moilog sa imong
kamisola, ihatag pa usab kaniya ang imong kupo.

Ug kon may mopugos kanimo sa pagpauban kaniyag usa ka milya
ubani siyag duha ka milya Hatagi ang magpakalimos kanimo, ug ayaw
balibari ang buot mohulam kanimo.

Kamo nakadungog na nga giingon, Higugmaa ang imong silingan ug dumti ang imong kaaway.

Apan magaingon ako kaninyo, Higugmaa ninyo ang inyong mga kaaway ug pag-ampo kamo alang sa mga magalutos kaninyo.

Aron mahimo kamong mga anak sa inyong Amahan nga anaa sa langit, kay siya nagapasubang sa Iyang Adlaw sa ibabaw sa mga dautan ug sa ibabaw sa mga maayo, ug nagpadalag ulan ngadto sa mga matarung ug sa dili mga matarung.

-Mateo 5:1-2, 21-22, 27-28, 31-45

“Apan magaingon ako kaninyo...” Kini nga mga pulong gisulti sa makadaghan ni Ginoong Jesus nga kadugtong sa Kasugoan o Balaod sa Dios sa linitra, si Jesus nagasulti, ngadto sa mga Judio, *“Kamo nasayud sa Kasugoan, gihatag pinaagi kang Moses, mahitungod niini...*

...Apan magaingon ako kaninyo.....!” Ang mga katawhan nakabati sa **Gisulting Pulong sa Dios**. Karon, nagdugang ba si Jesus sa kasugoan? Dili ba ang kasugoan ni Moses mga balaod ug ang Pulong sa Dios? Dili ba ang mga balaod o kasugoan pagabantayan sa husto ingon sa paghatag (sumala sa Deut.4:2, 12:32, Joshua 1:7, Prov.30:6)? Ngano nga si Jesus niingon, **“Apan”** ang kasugoan uban sa lahi nga **bag-o “?**

ANG “LITRA “ UG ANG “ESPIRITU “

Kon ang karon nga mga relihiyosong Cristohanon nangabuhi sa mga adlaw ni Jesus, Sila usab mga relihiyoso sama sa mga Paraseo ug Saduceo. Sila musopak sa gisulti ni Jesus. Sila mosopak kaniya tungod kay “nagdugang man “ sa ilang gidawat nga mga kanonikal o gibalaan nga mga balaod o kasugoan sa Dios – Ang Sinulat nga Pulong, ang Balaang Biblia. Sila makasulti sa ilang gusto, apan ang relihiyosong Cristohanon walay bisan usa nga pinadayag unsa ang ilang ginatudlo sa unahan. Sila adunay pagkamaampingon alang sa Dios apan kulang sila sa tinuod nga kahibalo sa Dios ug sa Iyang Pulong .tungod niini, daghan malaglag tungod sa ilang pagka-ignorante sa Pulong o kulang sa kahibalo sa Pulong (Hosea 4:6, Roma 10:2-4). Tungod sa ilang kinaugalingon nga pagkamatarung (ang bunga sa tradisyon sa simbahan). Sila nagahawid lamang ngadto sa Sinulat nga Pulong – alang sa ilang kaluwasan (busa sila nagahunahuna) – apan kon **walay** pinadayag sa Gisulting Pulong sa Kinabuhi sila pareha ra sa mga relihiyosong Judio nga nagkupot sa

kasugoan (Roma 9:32). Dili ikatingala si Pablo nagasulti sa makusganon, “ *Ang sinulat sa kasugoan magapatay, apan ang espiritu magahatag ug kinabuhi* ” (2 Cor.3:6). Kini tinuod, “ *kamo nagasusi sa mga kasulatan, kay nagahunahuna man kamo nga pinaagi niini makakaplag kamo sa kinabuhing dayon, ngani kini mao ang nagapanghimatuod mahitungod kanako, apan dili kamo moari kanako, aron unta makabaton kamog kinabuhi.*” (Juan 5:39-40 niv). Bisan anaay kinabuhi sa Sinulat nga Pulong, kini dili magahatag ug kinabuhi niadtong dili moduol sa pinadayag sa Gisulting Pulong ni Cristo (Roma 10:4-5). Ug ang Gisulting pulong mao ang Orihinal nga Binhi – Ang Logos – “ *diha kaniya mao ang kinabuhi, ug ang kinabuhi mao ang kahayag sa mga tao* ” (Juan 1:4).

Matuod, ang magtotoo sa Biblia sa yano nga kahimtang matingala sa “bag-o” nga mga pagtudlo nga iyang mabatian. Bisan pa niini, siya magasusi nga maampingon unsa ang iyang nabatian ngadto sa Sinulat nga Pulong sa dili pa niya dawaton o isalikway.

Siya magasusi sa Pulong sama sa manggialamon nga “taga Beria” (Buhat 17:11).

Sa diha nga gibutang ni Jesus ang “apan” ngadto sa Sinulat nga Pulong. Siya wala sa usa nga nagdugang niini o nagkuha gikan niini. Sa matuod, Ang iyang pagtudlo gipatin-aw ug gipadaku ang Orihinal nga Pulong – Ang Binhi (Pulong) nga gisulti sa wala pa ang pagbuhat. Siya nagpakita nga ang mga kasugoan dili lang kay yano nga mga Pulong sa Dios apan diha niini adunay kinabuhi diha kanila – **kinabuhi luyo sa letra sa Gisulat nga Pulong**. Tinuod, ang kasugoan mao ang magtatagad (Gal 13:21-26, Salmo 119:18) ug hangtud ang pinadayag sa pagtoo magaabot ngadto sa magsisimba , siya nagapabilin nga masinugtanon ngadto sa letra nga mao ang kamatayon, ug dili ang espiritu niini, nga mao ang kinabuhi.

Si Jesus wala magbungkag sa kasugoan. Gipalig-on ug gituman ang kasugoan sa Mateo 5:17-20, Siya nag ingon:

“Ayaw kamo paghunahuna nga mianhi ako aron sa pagbungkag sa kasugoan o sa mga propeta. Ako mianhi dili sa pagbungkag kondili sa pagtuman niini.

Kay sa pagkatinuod, sultihan ko kamo, nga samtang magalungtad pa ang langit ug ang yuta, walay pagasaylohan sa kasugoan bisan usa na lang ka kudlit o usa ka tuldok niini hangtod ang tanan matuman.

Tungod niini, bisan kinsa nga magapahuyang sa usa nga labing diyutay niining mga sugo ug magapanudlo sa mga tao sa pagbuhay sa ingon, kini siya pagaisipon nga iwit didto sa gingharian sa langit, apan bisan kinsa nga magatuman ug magapanudlo niini, kini siya paga isipon nga daku didto sa gingharian sa langit.

Kay sultihan ko kamo nga ang inyong pagkamatarong dili gani molabaw sa ila sa mga Paraseo, dili gayud kamo makasulod sa langit."

Kon mahitungod sa pagkamatarung, ang pagkamatarung sa Dios nga ang bugtong Dios sa iyang kaugalingon mao ang magpadayag ug maghatag niadtong mga ginamatarung pinaagi sa Dugo sa Cordero. Bisin pa nga pagkamatarung sa Dios **gipadayag gikan sa pagtoo ngadto sa pagtoo** ingon sa gisulti ni Apostol Pablo sa Roma 1:17 **kay diha sa maayong Balita ginapadayag ang pagkamatarung sa Dios, nga pinaagi sa pagtoo ngadto sa pagtoo, sumala sa nahisulat nga nagaingon, mabuhi ang matarong pinaagi sa pagtoo.**"

Apan unsa ang Espiritual (Biblikal) nga pagtoo ug unsaon sa tawo pagbaton niini?

*"Karon ang pagtoo mao ang pagsalig kanato sa mga butang nga atong ginapaabot, ug ang panghimatuod sa pagkaanaa sa mga butang nga dili nato makita." (Heb.11:1). "Busa ang pagtoo maga-abot gikan sa madungog, ug ang madungog pinaagi sa pagwali mahitungod kang Cristo" (Roma 10:17). Ang Biblikal nga pagtoo makadani, makapatoo o makahimo diha sa hugot nga pagtoo sa Pulong sa Dios. Kini usa ka personal nga katumanan sa Kamatuoran nga langitnon nga gipadayag. Kini moabot lamang pinaagi sa pinadayag sa Balaang Espiritu Santo pinaagi sa pagpaminaw sa Pulong dili kay magabasa sa Biblia, ingon nga ginatudlo aron toohan sa daghang mga Cristohanon. Tungod niini ang dinihugan nga magwawali kinahanglan ipadala aron pagwali sa Pulong (Roma 10:14-15). **Kini mahimo pinaagi sa pagsulti sa Pulong nga ang Espiritu sa Dios maoy magdala sa dinihogan nga Pulong ngadto sa mga nagapaminaw.** Diha lamang nga ang Pulong makapapukaw*

o mabuhi niadtong adunay igdulongog nga makabati sa gisulti sa Espiritu sa diha ang Dios nagahatag sa pinadayag sa Pulong. Ug tungod kay ang pinadayag tinuod sa ingon niini ang (Espirituhanon) nga pagtoo mabuhi. Tungod niini, ang magtotoo nga adunay tinuod nga espirituhanon nga pagtoo kinahanglan ug adunay **daku nga kahangawa sa pagpaminaw sa Pulong** aron ang pagkamatarung sa Dios mapadayag ngadto kaniya gikan sa usa ka pinadayag sa Pulong ngadto sa lain, ingon nga gikan sa alpha ngadto sa Omega, diha sa pahabog nga dalan sa himaya ni Cristo. Siya magatubo sama sa binhi nga gikatanum ug pagaboboan sa tubig matag adlaw. Siya kinahanglan magapadayon sa pagkinabuhi "*pinaagi sa matag pulong nga magagula sa baba sa Dios*" (Mat.4:4, Buhat 14:22) pinaagi sa dinihogan nga Gisulting Pulong sa Dios nga boluhaton. Mao kana, Siya **magapadayon sa pagtoo** (Lukas 17:5, 2 Tes. 1:3, Santiago 1:3).

Sa yano, ang pinadayag sa Kamatuoran sa dinihogan nga mga mensahe nagadala sa magtotoo ngadto sa pag-uswag ngadto sa kalab-oton nga "Pagtoo nga marapyor". Ug diha lamang sa tinuod nga dinihogan sa Dios uban sa pinadayag sa Pulong sa Dios niining presenting panahon makatudlo sa insakto nga padulngan. Kini dili ikatingala nga ang Gentil nga centurion nakatoo sa gahum sa gisulting Pulong sa Dinihogan nga Usa sa Israel sa diha siya nagsulti "*Isulti ang pulong ug mamaayo ang akong binatonan*" (Mateo 8:8). Busa, mga balaan sa Dios, unsa man ang kadaghanon nimo sa pag-ampo "*nga unta ang Dios sa atong Ginoong Jesus Cristo, Ang mahimayaong Amahan, magahatag kaninyo sa espiritu sa kaalam ug sa pinadayag diha sa kahibalo mahitungod kaniya*" (Efeso 1:17). Ug imo usab nga mahibaloan ang plano ug katuyoan sa Ginoo diha sa imong kinabuhi labi na niining presenting panahon.

Bisan pa niana, daghan wala makasabut unsa ang gisulti sa Espiritu sa Dios tungod kay sa pagpaminaw, sila wala namati. Kini sama sa pagpamati sa mga sambingay, nga midangat ngadto sa daghang mga igdulongog inay ngadto sa espirituhanon nga pagkasabut. (Mateo 13:12-15,35, Juan 2:19-22) Ang makadidosnon nga hunahuna giatiman pinaagi sa pagpakaon sa mga relihiyosong simultihan inay unta sa kamatuoran nga anaa diha. Ang relihiyosong hunahuna nga gigapus sa kalagdaan sa tawo, dili makasabut sa mga butang nga espirituhanon sa Dios". "*Pagatugkaron sa espirituhanon nga paagi*". (1 Cor.2:14). Niining pananglitan, atong tan-awon ang mga pulong, nga si Jesus Cristo nagsulti sa iyang mga apostoles, sa Mateo 28:19:

"Panlakaw kamo ug tudloi ang tanan kanasuran, bautismohan sila sa ngalan sa Amahan, ug sa Anak, ug sa Espiritu Santo."

Kini nga yano nga bersikulo sa walay pili ginakutlo sa kadaghanan nga mga ministro sa ilang suporta sa pormola sa bautismo nga ilang gibuhat sa pagpamautismo sa ilang nakabig. Sila nagsangpit "*sa ngalan sa Amahan, ug sa Anak, ug sa Espiritu Santo*" ilang gisupak ang "*sa ngalan sa Ginoong Jesus Cristo*" nga si Apostol Pedro naglitok niini sa Adlaw sa Pentecostes (Buhat 2:38). Ang ubang mga Apostoles ni Jesus Cristo naghimo usab sa ilang paghimo sa Bautismo sa Tubig sa sama nga paagi ni Pedro (Buhat 8:12,16; 10:48; 19:5). Ug sa diha nga atubangon kini nga isyu, ang komon nga panalipod niini nga mga magwawali, nga nagagamit sa Mateo 28:19: "*Niini nga duha, among tumanon ang yano nga mga pulong ni Ginoong Jesus Cristo kay sa mga pulong ni Apostol Pedro*". Alang sa mga relihiyosong mga tawo ang mga pulong ni Pedro dili mga pulong sa Dios. Nga bisan pa niana sila uyon nga "*tibuok nga kasulatan gituga sa Dios ug may kapuslanan alang sa pagpanudlo, alang sa pagpamadlong alang sa pagpanul-id ug alang sa pagmatoto sa pagkamatarung*" (2 Tim.3:16). Bisin pa niana, sila nagtoon sa pagpakita sa ilang kaugalingon nga namatud-an sa atubangan sa Dios ug nga usa ka magtratabaho "*nga dili magakaulaw nga sa hustong paagi nagapanudlo sa pulong sa Dios*" (2 Tim.2:15). Wala ba sila magapangutana sa ilang kaugalingon sama sa: Ngano nga si Jesus nagsulti man niini nga paagi? Ngano man nga dili man pareho nga "*yanong*" mga pulong ni Jesus ang gisulat sa ikaduha nga panahon sa lain nga Maayong Balita aron ibalikbalik nga madawat ang paggamit sa mga pulong "*sa ngalan sa Amahan ug sa Anak, ug sa Espiritu Santo*" sa bautismo sa tubig?

Dugang pa niini, uban nga mga magwawali, mga dili motoo sa bunyag sa tubig pinaagi sa pagtuslob o lubong sa tubig nga mao ang tinuod nga diha sa Biblia, ilang gipaningkamutan nga mawala ang kamatuoran. Sa usa ka libro, ilado nga Presbetaryan nga pastor ug principal sa eskwelahan sa Biblia didto sa Singapore nagkutlo niining "*ilado nga sinultihan*", "*dugang pagtoo diyutayng tubig*" ni Dr. John Sung (Bantugan nga magwawali nga insik) aron lang paglig-on sa iyang tawhanon nga doktrina sa bautismo sa tubig pinaagi sa espringkling o sablig sa tubig. Kon aduna may kamatuoran niini nga sulti, nan ang bag-o nga kinabig nga nagatoo siya sa hingpit nga pagtoo kang Jesus Cristo makatarunganon mosulti "*tibuok pagtoo, wala nay tubig*" ug likayan ang bautismo sa tubig sa hingpit.

Kinsa man kining mga teolodyan, kaniadto ug karon, nga daghan kanila naglantaw lang sa ilang tiyan sama sa mga Paraseo ug mga Saduceo sa mga adlaw ni Jesus Cristo? Dayag lamang, mga Teolodyan masayop apan daghan kanila nagpakita ug walay kalooy ug kulang sa consyensya aron lamang pagpahiluna sa ilang

organisasyon, ilang kinaugalingon nga pagkamatarung inay unta sa pagtoo sa Maayong Balita ni Cristo. Alaut ang mahidangat niini nga mga magwawali.

Kon ang mga Intelektual nga Teolodyan nahibalo sa sekreto sa kaalam sa Dios. Matuod sila nakabasa niini apan sila sa matuod dili makasabut unsa ang giingon ni Pablo ngadto sa taga Corinto.

“Kay sa mga nagakalaglag, ang kaasoyan sa krus maoy usa ka binoang; apan alang kanato nga ginaluwas, kini mao ang gahum sa Dios.

Kay nahisulat kini, akong pagalaglagon ang kaalam sa mga manggialamon ug akong pagapakyason ang kahait sa panabut sa mga mahait ug salabutan.

Hain na man ang tawong manggialamon? Hain na man ang escriba? Hain na man ang maglalantugi niining kapanahonan karon? Wala ba sa Dios pakabinoanga ang kaalam nga iya sa kalibutan?

Kay sanglit ang kalibutan pinaagi sa kaalam niini wala man moila sa Dios diha sa iyang kaalam, gikahimut-an sa Dios pinaagi sa kaboang sa atong ginawali ang pagluwas kanila nga nagatoo.

- 1 Corinto 1 :18-21

“Kay ang binoang sa Dios labi pang maalam kay sa mga tawo. Ug ang kahuyang sa Dios labi pang kusgan kay sa mga tawo.

Kay palandunga ra ang pagtawag kaninyo, mga igsoon, sa pagtawag kaninyo dili daghan kaninyo ang mga manggialamon sumala sa sukdanan nga kinalibotanon, dili daghan ang mga hamili sa pagkatawo.”

† Corinto 1:25-26

“Kay ang kaalam nga iya niining kalibutana maoy usa ka binoang sa atubangan sa Dios. Kay ang kasulatan nagaingon, Iyang ginadakop ang mga manggialamon diha sa ilang kaigmat.”

† Corinto 3:19

Ug kon ang mga intelektuwal nga mga teolodyan makasabut niini, nan sila makasabut sa mga sulti ni Kristo Jesus nga nasulat sa basahon sa Mateo:

“Sa ingon niini natuman ang gisulti sa profeta, nga nagaingon, sa akong baba magabungat ako sa pagsulti pinaagig mga sambingay, igapamulong ko ang mga butang tinago sukad pa sa pagkatukod sa kalibutan.”

- Mateo 13:35

“Mao kini ang hinungdan ngano nga magasulti ako kanila pinaagig mga sambingay kay bisan tuod sila magatutok, dili man sila makakita, ug bisan tuod sila magapaminaw, dili man sila makabati ni makasabut.”

- Mateo 13:13

Tinuod, sa diha nga si Jesus nagasulti sa Pulong sa Kinabuhi, Siya nagtoo ug nagpadayag sa kamatuoran sa mao ra nga panahon. Apan ang mga relihiyosong lider dili makasabut sa Kamatuoran *tungod* sa ilang tradisyon. Si Jesus nag-ingon kanila:

“Nganong dili man kamo makasabot sa akong simultihan? Tungod kay kamo dili man ugod makabati sa akong pulong.”

- Juan 8:43

Sa tinuod, ang relihiyosong ministro mga buta nga mga lider, maoy hinungdan nga sila *“dili makabati”* sa Pulong (nga mao ang pinadayag) ni Jesu -Kristo. Ang tanan nilang kahangawa mao lamang ang pagtukod sa ilang organisasyon ug ang pagpadaku sa ilang utlanan. Sa ilang kaugalingon nga pagpanglimbong sila nagpahisalaag sa mga yano nga mga tawo, gibutahan sila ngadto sa Kamatuoran, ug naghimo kanilang dobleng angayan nga mga anak ngadto sa impyerno kaysa kanila. Basaha ang Mateo 23. Sa pagpaningkamot nga mapahaluna ang Pulong sa Dios, sa tinuod ilang gipahaluna ang ilang kaugalingong pagkamatarung sumala sa pagtulonan sa ilang relihiyosong lagda. Ilang gipili ang pagsalikway sa kayano sa mga pulong nga nagaingon *“pinaagi sa duha o tulo ka mga saksi mamalig-on ang usa ka pulong”* (2 Cor. 13:1, Mat. 18:16, 1 Tim 5:19, Heb. 10:28) aron niini sila magapadayon sa ilang relihiyosong ‘negosyo’. *“Kay diha kang Kristo Hesus. Kamong tanan nahimo na nga mga anak sa Dios pinaagi sa pagtoo kay ang tanan kaninyo nga gikabautismohan ngadto kang Kristo gikasul-oban ug Kristo”* (Gal. 3:26-27). Sila sa hingpit nagasalikway sa kamatuoran sa pagpahiluna NGALAN sa Manluluwas ug ilang gibutang ang TUTULO KA MGA TAWAG sa gitawag nga Holy Trinity. Sa tinuod | sila nagasimba sa wala nila nahibaloi (Juan 4:22).

ANG MGA APOSTOLES

Kinsa man ang mga Apostoles sa Dios sa Unang Iglesia? Mao ba si Pedro, ang mangingisda, nasayop ba sa iyang pagsulti? Nakasupak ba siya sa mga pulong sa iyang Agalon, si Ginoong Jesu-Kristo? Kon nahimo niya kini, ngano man nga wala siya badlonga ug gibadlong sa ubang mga apostoles? Dili ba si Pedro ang adunay “*mga yawi sa Ginghamarian sa Langit*” (Mateo 16:15-19). O ang Balaan nga Espiritu sa matuod naghatag kaniya sa pinadayag sa mga pulong ni Jesu-Cristo mahitungod nianang USA KA NGALAN sa Dios diha napadayag sa tulo ka mga boluhaton sa Amahan, sa Anak, ug sa Espiritu Santo, ug ang uban mga Apostoles nakadawat sa mao ra nga pinadayag? Sa walay pagduhaduha. Sila nakadawat. (basaha Juan 14:26). Tungod kay ang pinadayag nianang Tao-si Jesus-gihimo nga Ginoo ug Cristo (Buhat 2:36). Ang mga espirituhanon nga Judio makasabut nga ang pulong “*Ginoo*” nagatumbok kang “*Yahweh*”, ang Labing Hataas. Ang Amahan sa Tanan mga binuhat ug ang pulong “*Cristo*” nagtumbok sa Iyang Dinihog (griego: Cristos) nga gihatag pinaagi sa Iyang Espiritu. Tungod niini, ang Ngalan (ug ang mga pagpadayag) “*sa Amahan, ug sa Anak, ug sa Espiritu Santo*” mao si Ginoong Jesus Cristo.

Palandunga nang mga pulong ni Apostol Pablo:

“Busa sukad karon among mahibaloan ang tawo dili na sumala sa tawhanong

pag-ila ug bisan tuod dihay panahon nga si Cristo among nahibaloan sumala sa tawhanong pag-ila, karon wala na kami maga-ila kaniya sa ingon.

Busa kon ang tawo anaa kang Cristo, siya bag-o nang binuhat, ang daang mga butang nagpangagi na, tan-awa ang bag-ong mga butang nahiabut na.

Ug kining tanan gikan sa Dios nga mao ang nagpasig-uli kanamo ngadto kaniya pinaagi kang Cristo ug naghatag kanamo sa bulohaton sa pagpasig-uli.

Nga mao kini, nga diha ang Dios kang Cristo, nagpasig-uli sa kalibutan ngadto sa iyang kaugalingon sa walay pag-isip batok kaniya sa ilang kalapasan, ug nagpiyal kanamo sa balita sa pagpasig-uli.

Busa kami mga tinugyan nga pinadala ni Cristo, nga pinaagi kanamo ang Dios nagahimo sa iyang paghangyo kaninyo. Tungod kang Cristo, nangamuyo kami kaninyo, magpasig-uli kamo ngadto sa Dios.

2 Corinto 5:16-20

Dili sama sa nagkalainlain nga mga magwawali ug mga magtutudlo sa ilang mga adlaw kining mga espirituhanon nga mga dinihog nga mga tawo sa Dios adunay **bulohaton sa pagpasig-uli**. Sila adunay pinadayag sa Pulong (Roma 10:12-17). Ug kining duha ka mga grupo sa mga tawo ania sila karon sa presenting panahon – ang usa ka grupo adunay mga tradisyon sa mga tawo, ang usa adunay Gisulting Pulong (dili ang sinulat nga pulong) ang boluhaton sa Pagpasig-uli. Ang dinihogan nga mga tawo sa Dios walay daghan koleksyon sa mga basahon o uban nga mga credo nga ilang pagakutloon sa kanunay ug relihiyosong sama sa ginabuhar sa relihiyosong lagda o han-ay sa mga Faraseo ug mga Saduceo. Sa tinuod, ” ang tawo walay kalabutan diha sa pulpit gawas kon siya gitawag, tungod kay “ *ang maayong tawo magapagulang mayong bahandi, apan ang dautang tawo magapagulang dautan gikan sa iyang dautang bahandi, sultihan ko kamo, nga sa adlaw sa hukom ang mga tawo magahatag unyag husay bahin sa matagpulong nga walay pulos nga ilang ginalitok* “ (Mateo 12: 35-36). Ang dinihogan nga tawo sa Dios maga “ **sulti sa pulong** “- mensahe gikan sa Dios – alang ngadto sa katawhan sa Dios. Siya dili magadala ug hinan-ay nga mga kinutlo gikan sa daghan nga mga relihiyosong libro o bisan pa sa mga kasulatan: tungod kay kini usa lamang ka sinulat nga mga balaod diha sa reliyosong han-ay o lagda. Ang pinadayag sa kamatuoran magaabut pinaagi sa Gisulting Pulong. Ug ang Pulong igapatin-aw ngadto sa malawak nga pagsabut pinaagi niadtong takus o kasaligan nga mga ministro sa Ginoo. (Neh. 8:5-8, Buhat 2:14-36).

ANG PAGTOO SA MGA BALAAAN

Ang Pagtoo sa mga tawo sa Dios nagapahiluna lamang sa “ *matag pulong nga magagula sa baba sa Dios* “ (Mateo 4:4, Deut.8:3). Apan ang mga katawhan kanunay ba nga mabinantayon, mapaminawon, ug matukawon? Dili siguro, Ang Israel wala nagbantay sa ilang mga mata ug igdulogog nga abli o bukas matag-adlaw sa Pulong sa Dios. “ *Ipahayag ninyo kini diha sa balay ni Jacob, ug imantala kini sa Juda, sa pag-ingon: Pamatia karon kini, Oh buangbuang nga katawhan, ug mga walay salabutan, nga adunay mga mata, ug dili makakita, nga adunay mga igdulogog, ug dili makadungog.* ” (Jer. 5:20-21, Mateo 13:15, Roma 11:8). Ug ingon nga kini nahitabo sa taga Israel, kini usab nahitabo sa Iglesia. Basaha unsa ang gisulat ni Apostol Pablo ngadto sa mga magtotoo sa Galacia:

“ O mga Galacianhon nga kulang sa pagsabot! Kinsa bay naglamat kaninyo? Sa atubangan sa inyong mga mata si Jesu-Cristo, sa matin-aw gikapadayag nga linansang sa krus.kini lamang ang buot ko nga ipangutana kaninyo.Gidawat ba ninyo ang Espiritu tungod sa mga buhat sa pagbantay sa kasugoan, o pinaagi ba sa pagpatalinghug nga inubanan sa pagtoo?

Nangahimo na ba gayud diay kamo nga ingon ka kulang sa pagsabut? Nakasugod na man unta kamo sa Espiritu, magpatapus ba diay kamo karon sa lawas?

Gisinati ba ninyo ang daghang mga butang sa wala lamay kapuslanan? – kon tinuod man ugaling nga kini walay kapuslanan.

Siya nga nagahatag kaninyo sa Espiritu ug nangahimo sa mga milagro diha kaninyo, nagahimo ba siya niini tungod sa mga buhat sa pagbantay sa kasugoan, o tungod ba sa pagpatalinghug nga inubanan sa pagtoo?

Maingon man usab si Abraham “ mitoo sa Dios, ug kini giisip ngadto kaniya ingon nga pagkamatarung.”

Busa inyong makita nga ang mga tawo adunay pagtoo mao ang mga anak ni Abraham. Ug ang kasulatan, sa pagkakitang daan nga ang Dios magamatarung sa mga Gentil pinaagi sa pagtoo, miwali nang daan sa Maayong Balita ngadto kang Abraham, nga nag-ingon, “ Pinaagi kanimo mabulahan ang tanang kanasuran.

Sa ingon niana, ang mga tawo nga adunay pagtoo mabulahan uban kang Abraham nga may pagtoo. Kay ang tanan nga nagasalig sa mga buhat sa pagbantay sa kasugoan nailalum sa tunglo, kay nahisulat kini nga nagaingon, Matinunglo ang wala magbantay sa tanang kalagdaan nga nahisulat sa basahon sa kasugoan, aron sa pagtuman niini. Karon tataw nga walay tawo nga pagamatarungon sa atubangan sa Dios pinaagi sa kasugoan, kay “ Mabuhi ang namatarung pinaagi sa pagtoo “. Apan ang kasugoan wala magsukad sa pagtoo kay “ Siya nga nagabuhat niining mga butanga mabuhi tungod niini.”

-Galacia 3:1-12

Si Pablo naghatag ug kamahinungdanon sa hugot nga kita nga mga Cristohanon nakadawat sa Espiritu sa kinabuhi pinaagi sa pagpaminaw sa pagtoo, ang pinadayag sa Pulong sa Dios. Ang Dios mao ang nagapamuhat diha sa Espiritu ug mga milagro nganhi kanato pinaagi sa Gisulting Pulong ug dili tungod kay gibantayan ang Sinulat nga Pulong o ang kasugoan. Bisan adunay kinabuhi sa kasugoan ngani walay tao nga nakatuman niini o nakahibalo sa pagtuman sa mga nahisulat diha sa kasugoan. Ang Kasugoan naghatud sa kamatayon (1 Cor.15:56). Bisan ang “ Kasugoan “ o “ credo o tinooohan “ nga gihatag pinaagi sa mga Apostoles ug mga anciano nga sa dili madugay human nga ang mga Gentil midawat sa Pulong (Buhat 15) mosangko sa “ kamatayon “. Kini wala nagpakita niadtong panahon. Adunay daku nga katarungan, ug ang pangatarungan matuod – nga ang mga Gentil nakadawat sa Espiritu pinaagi sa grasya maingon usab sa mga Judio, ug busa ang kasugoan ni Moses mahitungod sa cirkunsisyon o pagtuli dili mahimo nga ilang pagabuhaton. Kini tinuod. Apan ang mga Apostoles ug mga anciano gibati nga gigiyahan sila sa Espiritu Santo aron ilang tudloan ang mga nakabig nga mga Gentil nga “ *dumilian nila ang mga nahugaw sa mga diosdios, ug ang pakighilawas, ang pagtilaw sa unod sa mananap nga naluok ug sa dugo* “ (Buhat 15:20). Sukad niini kining “ balaod o kasugoan sa Iglesia “ (labina sa mga diosdios, naluok nga mananap ug dugo) mga binuta nga pagtuman sa mga tradisyon ug mga organisasyon sa mga simbahan. Bisan pa niini, si Pablo usa pa ka propeta ug Magtutudlo, naghatud sa mga disisyon sa konseho sa Iglesia tungod kay maayo pa kini niadtong panahon, apan sa unahan, sa diha nga si Pablo gipadala ngadto sa mga Gentil nga Apostol sa Ginoo, Iyang gisalikway ang “ Balaod sa Iglesia” o “ Tinuohan sa simbahan”. Siya nag-ingon.

“Kumaon kamog bisan unsa nga ginabaligya sa mga baligyaan sa mga kan-onon sa walay pagsusi mahitungod niini alang sa kaisipan.

Kay “ ang yuta iya sa Ginoo, ug ang tanang mga butang nga anaa niini.

Kon usa sa mga dili magtotoo modapit kaninyo sa pagpangaon ug buot kamo moadto, kumaon kamo sa bisan unsay idulot kaninyo sa walay pagsusi mahitungod niini alang sa kaisipan.”

1 Cor.10: 25-27

*“Gilukat kita ni Cristo gikan sa tunglo sa kasugoan sa diha nga nahimo siyang tunglo alang kanato kay nahisulat kini nga nagaingon, “
Matinunglo ang matag-usa nga pagabitayon diha sa kahoy.” Aron nga*

pinaagi kang Cristo Jesus ang panalangin kang Abraham mahiadto sa mga Gentil, aron nga pinaagi sa pagtoo kita makadawat sa gisaad nga Espiritu. ”

-Galacia 3:13 - 14

Gikan dinhi, si Cristo mitungha aron sa paglukat kanato gikan sa tunglo sa Kasugoan aron nga kita makadawat sa Espiritu pinaagi sa pagtoo sa diha nga maminaw kita sa Pulong nga gipadala sa “ *takus nga mga ministro sa bag-ong Tugon...tungod kay ang litra o sinulat makapatay, apan ang espiritu magahatag ug kinabuhi* “ (2 Cor.3:6). “*Busa ang pagtoo magaabut gikan sa madungog ug ang madungog magaabut pinaagi sa pagpamati sa Pulong sa Dios*” (Roma 10:17). Tinuod kana, ang pagpaminaw sa Gisulting Pulong sa Dios. Kita gimandoan pinaagi sa Espiritu sa Pulong dili sa litra nga Pulong. Kita gilukat gikan sa tunglo sa kasugoan, busa kita dili obligado nga mobantay o motuman sa kasugoan o balaod bisan pa sa simbahan. Ingon nga magtotoo, Kita wala pagbut-i o gimandoan sa hinan-ay nga mga balaod, kita gimandoan sa Espiritu ug obligado sa pagbantay sa Balaang Pulong sa atong Ginoo. Kini lamang atong pagatumanon ” *kay ang tanang gimandoan sa Espiritu sa Dios, mga anak sila sa Dios* “ (Roma 8:14). Ang balaod o kasugoan nagsilbi sa iyang katuyoan sa diha nga ang Magtotoo nagapaabot diha sa pinadayag sa Espiritu sa Kinabuhi.ug sa kinabuhi diha sa Espiritu. Si Jesus Cristo nagtuman sa kasugoan diha sa kahingpit. Tungod niini, ang kinabuhi nga anaa sa Magtotoo karon

nga iyang gikinabuhi pinaagi sa Espiritu ni Cristo nga anaa diha kaniya. (Gal.2: 19-20)

Kita nahibalo nga si Adam ug Eva nag-ambitay o nakig-uban sa Iyang Magbubuhat diha sa personal o linawas nga pamaagi. Kita nahibalo nga si Adan ug Eva nag-ambitay o nakigkauban uban sa iyang Magbubuhat diha sa personal nga pamaagi sa sinugdan, Ang Dios nagsulti ug sila nagkinabuhi “ *sa matag pulong nga nagagula sa baba sa Dios*”. Bisan human nga ang sala nakapahugaw sa katawhan, ang grasya sa Dios dagaya nga giandam alang kanila aron nga sa kanunay magapadayon ang pakig-uban o pelosyip. Ang Dios nagapadayon sa pakigsulti ug magapadayag sa Iyang kaugalingon ngadto sa tawo. **Wala pay Sinulat nga pulong.**

Ug si Abraham mitungha sa plano sa Dios.Siya gitawag ug gipili. Ang Dios nagsaad kaniya (Gen. 12). Ang pakigsaad wala gisulat sa tinta. Si Abraham nagtoo sa Dios diin nahibalo siya nga dili mahimo sa Dios ang pagpamakak sa diha nga siya

nagsaad ug nagapanumpa (Heb.6:13: 18).” Ug tuod man si Abraham, ingon nga nakaantus nga mapailubon gayud,nakakab-ot sa gisaad.” Heb 6:15. Apan ang saad naghigot ug USA nga labaw pa kang Isaac.” Karon ang mga saad gihatag kang Abraham ug sa iyang kaliwat. Wala ingna, Ug sa mga kaliwatan, nga daw ingon ug daghan, kondili, ug sa imong kaliwat ingon nga usa ra, nga mao si Cristo.” (Gal.3:16).Busa si Abraham ug ang iyang mga kaliwat nagapadayon diha sa pagtoo niadtong Gisaad nga Kaliwat nga motungha.

Bisan pa niana,ang kalapasan mitungha ug ang Kasugoan gidugang. Ang Gisulat nga nakapawalay bili sa saad nga gihimo ngadto kang Abraham sulod sa 430 ka mga tuig pinaagi sa Gisulting Pulong.

Dili tanan! Ang Kasugoan dili makahimo sa pagpawalay bili sa Saad.Unya Ngano nga Kasugoan man? Kini nagbantay o nagpahiluna sa mga katawhan diha sa dalan hangtud nga ang Saad nga Kaliwat motungha.

“Ang akong ipasabut mao kini: ang kasugoan nga sa kaulahiay miabut tapus sa paglabay sa upat ka gatus ug katloan ka tubig, wala magsalikway sa pakigsaad nga gikauyonan nang daan sa Dios, aron nga mapapas ang saad.

Kay kon ang panulondon magaabut pa tungod sa kasugoan, dili na diay tungod sa saad, apan ang Dios mihatag niini kang Abraham pinaagi sa saad.

Nan, ngano pa man ang kasugoan? Kini sa kaulahiay gidugang gumikan sa mga kalapasan, hangtud moabut ang kaliwat kang kinsa gihimo ang saad; ug kini gipasiugdahan sa mga manolunda pinaagi sa usa ka tigpataliwala.

-Galacia 3:17-19

Uban sa Kasugoan mitungha ang mga propeta ug ang Pulong nga Gitagna.Ang

mga Balaan sa Daang Tugon nakadawat sa Pulong sa Dios diha lamang sa mga Propeta sa Dios. Ang mga Propeta mao ang tigsulti sa Dios. Sila nagatagna lamang sa diha nga gipalitok sa Espiritu sa Dios (2 Pedro 1:21). Si Malaquias mao ang katapusang Propeta nga ang Dios nagpadala ngadto sa Israel. Sulod sa usa ka

panahon. Ang *gisulting* pulong sa mga propeta *gisulat* na, pinaagi sa gituga sa Espiritu Santo, diha sa tin-aw mubo nga paagi. Bisan pa, sila wala gisulat diha sa letra por letra sa diha nga gisulti sa mga propeta. Kon matag pulong nga gilitok sa tanan nga mga alagad sa Dios diha sa Biblia isulat diha sa mga papel kini nagkinahanglan sa tignapulo ka linibo ka mga pahina, o mas daghan pa. Ang Espiritu Santo nagtuga lamang sa matag mga pulong aron sa diha nga Siya nagpalihok niadtong mga Balaang tawo aron kuhaon nila ang igsusulat ug nagsulat diha sa papel. Ang Sinulat nga Pulong gitawag ug mga Kasulatan. (2 Tim. 3:16)

Hangtud ang Kaliwat (saad kang Abraham) mitungha, ang mga anak Israel adunay 39 ka tinibuok nga mga libro – Ang Kasugoan ug ang mga Propeta. Ang kasugoan gidugang tungod sa kalapasan. Ang mga Propeta gihatag tungod sa ilang kahadlok. Sila dili buot nga maminaw sa diha nga ang Dios mosulti kanila sa diretso. (Heb. 12:19). Sila gusto maminaw sa mga propeta (Exodo 20:19). Busa, ang Pulong sa Dios midangat sa mga Propeta, bisan pa ang mga sikreto sa Dios (Amos 3:7). Ang mga pulong nga gisulti sa mga katawhan sa pagtoo sa Saad nga ang Dios naghatag ngadto kang Abraham ug naghimo kanila sa pagpahinumdom sa paglakaw diha sa mga pulong sa Ginoo (Isa. 25:1, Jer. 7:23-28, Mat. 26:56). Bisan pa, nianang Gisulat nga Pulong, ang Israel sa tinuod nagapadayon sa pagtamud niini. Ug sulod sa 400 ka mga tuig, Ang Israel walay propeta – mensahero hangtud sa pagtungha ni Juan Bautista. Ug niini, ang Israel wala nay maayo kondili ang relihiyosong pagsimba nga halayo na sa kamatouran sa Dios, Diha kanila ang kalagdaan – tradisyon sa mga relihiyosong tawo. Diha kanila ang pagtulon-an sa Juda. Nawala kanila ang tinuod nga pagsimba tungod kay wala na kanila ang tinuod nga pinadayag sa Pulong nga gihatag kanila gikan sa mga balaan nga katigulangan o mga apohan.

Ang pagtungha ni Juan Bautista sa ilang atubangan wala makapawala sa mga relihiyosong lider sa ilang mga adlaw aron magapadayon sa ilang mga relihiyosong toluanon, Kini wala usab magahimo nga tan-awon o subayon ang kasulatan mahitungod sa pag-angkon niini nga tawo sa lasang nga gikan sa kamingawan. " *Unsa man inyong giadto aron sa pagtan-aw* " (Mateo 11:8, Lucas 7:24). Kinsa man si Juan Bautista? Ang mga relihiyosong mga tawo sa matuod makatubag ba niining pangutana diha sa kahayag sa Pulong sa Dios? Ang ilang mga tubag nagaduhaduha " *Basin, siya morag propeta, apan siya dili maayo magapanglihok* ". " *Nah, Siya usa ka mini nga propeta.* " *Kon siya usa ka propeta sa Dios, siya motungha sa insakto nga paagi nga among gitinguha, nga ang propeta sa Dios motungha* ". " *Unsaon man niya pagkahimong propeta? Siya supak man sa tanan namo nga gitohoan – tanan among kahibalo sa Dios ug iyang pagtudlo* ". Sila misupak batok sa Ginoo ug nagasalikway sa Kinabuhi sa Pulong. (Isa. 1:2).

Unya mitungha si Jesus sa ilang atubangan. Ang pangutana sa iyang pagkamao mas layo pa ka mahinungdanon kay niadtong pagkaila kang Juan Bautista. Apan, kon walay pinadayag kinsa si Juan, kini mas malisod pa kanila niining mga relihiyosong tawo sa pagkasabut kinsa si Jesus, “ *Unsa inyong panghunahuna ni Cristo ?*” (Mat.22:42) ug “ *Unsa may inyong buhaton niining Jesus nga gitawag nga Cristo?*” (Mat.27:22)

Alang niadtong mga relihiyosong tawo ang pagkasabut kinsa si Juan Bautista nga sila gayud maminaw sa Pulong, bisan kon kini magagikan sa baba niadtong ilang gitooan nga mini nga propeta. Si Juan Bautista gihisgotan diha sa Malaquias diha sa katapusang bersikulo sa Daang Tugon. Ingon nga usa ka mga mensahero nga magaabut diha sa espiritu ni Elias nga adunay mensahe sa pagpabalik sa **kasingkasing** sa katawhan sa Dios gikan sa patay nga pormal nga relihiyon ngadto sa Maayong Balita sa Kamatuoran (Mal.4:5-6, Lucas 1: 13-17). “ *Ako mao ang tingog nga magasinggit diha sa awa-aw, Tul-ira ninyo ang agianan sa Ginoo, sumala sa giingon ni Isaias nga propeta*” (Juan 1:23). Nakadawat ba sila niini nga pinadayag? Nakatoo ba sila? Sila ba nakabati sa Pulong?” o sila nagapaingon sa nabilanggo pinaagi sa ilang relihiyosong mga tawhanon nga tradisyon ug sa katukuran nga aron sila dili makabati.

Dili ba usab ang kadaghanan sa mga Cristohanon karon pareho sa gihapon? Ang relihiyosong tradisyon nakahimo sa daghan mga Cristohanon nga kanunay okupado sa “ pagsilbe sa Ginoo “ o “ nagabuhat sa bulohaton sa Dios “ nga hangtud wala na silay panahon sa pagpaminaw sa Tingog sa Ginoo. Ang pagsilbi sa Ginoo o paghimo sa boluhaton sa Dios maayo man apan ang pagpaminaw sa Iyang Pulong mas **maayo** gayud ang pagdawat una sa Kamatuoran, ang Pagpamuhat sa Dios mosunod.

Tan-awa ang pagkaespirituhanon sa duha ka mga igsoong babaye, si Marta ug Maria, nga gibisitahan ni Jesus sa ilang balay usa ka adlaw (Lucas 10:38-42). Si Maria nga *milingkod sa tiilan sa Ginoo ug nagpatalinghug sa iyang mga pulong*. Apan si Marta naglibuglibug sa hilabihang pag-amoma ug siya miduol kang Jesus ug miingon kaniya, *Ginoo, wala ba ikaw magpakabana nga gipasagdan man lamang niining akong igsoon nga mag-inosara ako sa pag-amoma? Busa, ingna siya aron motabang kanako. Apan ang Ginoo mitubag kaniya, Marta, Marta, nalibog ug nagkapuliki! Ikaw sa daghang mga butang, apan usa ra gayud ka butang ang*

kinahanglanon, ug hingpilian ni Maria ang maayong bahin nga dili 'na makuha gikan kaniya'".

Nagkapuliki nga mga Cristohanon ila ra masabtan nga sila madismaya sa adlaw unya nga sila moatubang nawong ug nawong diha sa Ginoong Jesus Cristo. Ilang makita ang mga buhat sa ilang Maayong Balita nga dili nadawat Niya. Sila nagabuhat sa boluhaton sa Dios sa dili Iyang kabubut-on o wala sa Iyang kabubut-on. Ang Ilang *Cristohanong* pagpamuhat basin nahimo diha sa sayop nga patukoranan tungod sa dautan nila nga motibo. Ang bugtong paagi sa Dios mao ang pagbuhat sa Iyang kabubut-on. Ug ang Iyang kabubut-on anaa sa Iyang Pulong. Ug ang mga Cristohanon kinahanglan mahibalo sa kabubut-on – Ang Pulong – sa Dios alang karong **adlaw**.

" Dili ang tanang magaingon kanako, Ginoong, Ginoong, makasulod sa gingharian sa langit, kondili ang nagatuman sa kabubut-on sa akong Amahan nga anaa sa langit.

Daghan unya ang magaingon kanako niadtong adlaw, Ginoong, Ginoong, dili ba nanaghimo man kamig mga profesiya tungod sa imong ngalan, ug nanagpagula sa mga yawa tungod sa imong ngalan, ug nakahimo sa daghang mga milagro tungod sa imong ngalan. Ug unya magaingon ako kanila. Wala ko gayud kamo igkaila, pahawa kanako, kamong mga mamumuhat ug dautan".

-Mateo 7:21-23

ANG PULONG BUHI

Sa diha nga si Jesus mitungha, Siya usab nagsulti sa Pulong sa Kinabuhi. " *Ang tawo mabuhi dili sa tinapay lamang, kondili sa matag pulong nga magagula sa baba sa Dios*" (Mat. 4:4). Kini tinuod. Ang Pulong sa Dios buhi ug adunay gahum nga makapukaw. Sa matuod si Jesus Cristo sa Iyang Kaugalingon mao ang Kinatibuk-an sa Pulong sa Dios nga napadayag diha sa lawas pinaagi sa mga pulong ug sa mga buhat (Juan 1:14). Bisan ang Salmista nagsulat : " *Unya miingon ako, Ania karon, mianhi ako sa basahon nga linukot nga nasulat kini mahitungod kanako. Nagakalipay ako sa pagbuhat sa imong kabubut-on, Oh Dios ko, Oo ang imong kasugoan ania sa sulod sa akong kasingkasing.*" (Salmo 40:7-8). Ug ang Arka sa Tugon (diha sa Labing Balaang Dapit), ingon nga tipo ni Jesus

Cristo, nagadala sa duha ka papan sa kasugoan, ang kulon sa manna ug sungkod ni Aaron nga nagasalingsing (Heb.9:3-5). Apan ang mga relihiyosong mga Judio wala makakita sa kahayag niini, tungod kay ilang gihawiran nga mga pulong sa mga tawo sa taudtaud ug nangahimo silang mga binilanggo.

Bisan pa niana, adunay gamay nga grupo sa mga katawhan nga adunay mga igdulogong nga makabati sa Pulong nga nagagula gikan sa Makagagahum nga Dios ug makadawat sa Kamatuoran. Kini sila mao ang mga tinun-an ni Juan ug mga tinun-an ni Jesus. Tungod kay sila nakabati sa Pulong, busa sila mitoo ug midawat sa usa nga gipadala sa Dios (Juan 6:29).

Sila nga mitoo kang Juan Bautista nga pinadala sa Dios. Sila midawat kaniya. Tungod kay midawat sila gikan kang Juan. Sila nakadawat sa balus sa propeta. (Mateo 10:41) . Unsa man ang balus sa propeta? Mao ang espiritu sa pagtagna ug panghunahuna aron makasabut sa mga plano ug mga katuyoan sa Dios, bisan sa mga buhat sa Dios sa ilang mga adlaw. Gikan niini, ang mga magtotoo nakadawat sa kabubut-on sa Dios diha sa ilang kinabuhi. Tinuod, kadto lamang nga nakadawat kang Juan nakadawat sa pinadayag sa mga pulong ni Juan sa diha nga siya nagsinggit “ *Andama ninyo ang dalan alang sa Ginoo, tul-ira ninyo ang iyang mga agianan* ” (Lucas 3:4). “ *Siya nga mao ang magaanhi sunod kanako, sa kang kinsang higot sa sapin ako dili gani takus sa paghubad* ” (Juan 1:27). “ *Tan-awa, mao kana ang Cordero sa Dios, nga magakuha sa sala sa kalibutan! Mao kana siya ang gihisgotan ko sa akong pag-ingon, Sunod kanako moanhi ang usa ka tawo nga gipahimutang sa unahan kanako, kay siya una pa man kanako* ” (Juan 1:29-30). “ *Nakita ko ang Espiritu nga mikunsad ingon ug salampati gikan sa langit, ug kini nagpabilin diha kaniya. Ako gayud wala masayud kaniya, apan siya nga nagsugo kanako sa pagpangbautismo sa tubig miingon kanako, Siya nga imong makita nga pagakunsaran ug pagapuy-an sa Espiritu, mao kana siya ang magapangbautismo diha sa Espiritu Santo. Ug ako nakakita ug gipanghimatuod ko nga kini siya mao ang Anak sa Dios* ” (Juan 1: 32-34).

Sa diha nga ang mga tinun-an ni Juan nakadawat sa pinadayag sa Gisaad nga usa sa Israel, Sila miliko ug misunod sa Usa Nga Mao Ang Dalan, Ang Kamatuoran, ug Ang Kinabuhi. Apan ang mga relihiyosong Judio dili makatoo kang Jesus tungod kay una sa tanan, Dili sila makatoo sa Iyang propeta, si Juan Bautista. Ang pagdawat sa propeta mao ang pagdawat sa Usa Nga Mao ang nagpadala kaniya alang kang Juan nga gipadala sa pag-una sa Iyang pag-anhi. Sa tinuod, “*Ang may*

mga dalungan nga makadungog, kinahanglan magpatalinghog" (Mat.11:15)." Ang kasugoan ug ang mga propeta milungtad hangtud sa pag-abut ni Juan, ug sukad niadtong panahona ginawali ang maayong balita mahitungod sa gingharian sa Dios, ug ang matag-usa ka tawo nagasulod niini sa linugsanay" (Lucas 16:16). Ug busa si Jesus mitungha sa iyang Boluhaton aron sa pagtuman " sa kasugoan ug sa mga propeta". Tungod niana bag-ong hugna o Tugon ang gipahiluna – ang hugna sa grasya ug sa mga apostoles." Busa, mga igsoong balaan, nga mga mag-aambit sa langitnong nga pagtawag, hinoktuki ninyo si Jesus, ang Apostol ug Labawng sacerdote sa atong tinoohan " (Heb.3:1).

Ang mga tinun-an ni Cristo nakabati ug nakadawat sa Pulong nga gisulti ni Cristo sulod sa usa ka panahon. Kadto usa ka panahon nga makakat-on." Ang nagahatag ug kinabuhi mao ang espiritu, ang unod walay kapuslanan, Ang mga Pulong nga akong gisulti kaninyo – kini espiritu ug kinabuhi. " (Juan 6:63). Ug human sa kamatayon, ang pagkabanhaw ug ang pagsaka ni Jesus sa langit, ang mga tinun-an napuno sa Espiritu Santo ug sila nahimong Espirituhanon nga Amahan sa Iglesia sa diha nga ilang gipahiluna ang mga patokuranan sa Iglesia. Sila mga Amahan sa Pagtoo. Tungod sa Espiritu ug Kinabuhi nga ilang nadawat, ang ilang mga espirituhanon nga mga mata nabuksan ngadto sa Pulong. Uban sa mga dinihog nga diha kanila, ang pinadayag sa Sinulat nga mga Pulong (sa Daang Tugon) nagaabut kanila ug sila nakahimo sa pagsulti sa Pulong sa Kinabuhi. Sila nakahimo sa pagsulti sa " mga butang nga umalabot " (Juan 16:13). **Ingon nga ang Pulong nagaabut ngadto sa mga Propeta nga naa sa ilalum sa kasugoan, busa ang Pulong nagaabut ngadto sa mga Apostoles, ilalum sa Grasya.**

Karon, ang mga Branhamayt mosupak niini nga panan-aw tungod sa ilang dili o wala pagkasabut sa gisulti sa Amos 3:7, " Sa pagkamatuod ang Ginoong Jehova dili magbuhat sa bisan unsa, gawas kung ang iyang tinago ipadayag niya sa iyang mga alagad, ang mga propeta o manalagna". (Ila usab nga pagakutloon ang gisulti ni Bro. Branham ug magaingon " Ang pulong sa Dios magaabut sa mga propeta ". Ila usab pagakutloon si Bro. William Branham apan sa tinuod sila walay insakto nga pinadayag niadtong mga gisulti. Kon ang Pulong magaabut lamang ngadto sa mga propeta, nan ngano man nga ang pinadayag sa Pulong nagaabut man ngadto kang Apostol Pedro sa adlaw sa Penticostes? Basaha ang Buhat 2. Siya dili man propeta, Siya usa ka Apostol. Giunsa niya pagkahibaló nga ang nahitabo natuman sa adlaw sa Penticostes nga maoy katumanan sa propesiya ni propeta Joel? Ug dugang pa, imong makita nga ang mga episola , nga gisulat sa sunod nga panahon, tanan

gisulat sa mga apostoles? Walay usa nga episola nga gisulat pinaagi sa Propeta tungod kay ang Boluhaton sa propeta diha sa 5 ka pilo (gasa dayon pagsaka) nga Boluhaton naa sa (ug kanunay nga) ikaduha ngadto sa Boluhaton sa Apostoles diha sa Bagong Tugon nga kapanahonan (Grasya). (padugang sa pulong: Si William Branham dili propeta nga sakop sa 5-ka pilo nga boluhaton o ministre. Siya usa ka Bitoon (usa ka mensahero diha sa toong kamot ni Ginoong Jesus Cristo. (Pin.1 :16, 2:1). Siya usa ka Mensahero apan siya gitawag nga “ propeta “ tungod kay ang pulong “ propeta “ kasagaran gihiusa uban sa mataas ug adunay gasa nga alagad sa Gamhanang Dios sama niadtong mga propeta sa Daang Tugon ingon kanila ni Isaias, Elias, Ezekiel ug uban pa. Bisan pa niini, siya magsulti sama kanila).

Uban sa Espiritu Santo nga gihatag. Ang mga nakabig o mga magtotoo ngadto kang Ginoong Jesus Cristo nagsugod pagkinabuhi diha sa Pulong sa Dios nga gilitok pinaagi sa mga apostoles. Ang Iglesia kinahanglan magadawat sa (Gasa gihatag sa Pagsaka Niya), Boluhaton sa mga Apostoles, Mga Propeta, mga Ebanghlista, mga Pastor ug mga Magtutudlo alang sa iyang paglig-on, pag-alagad ug paghingpit sa mga Balaan. Ang tinuod nga magsisimba kinahanglan magkinabuhi pinaagi sa Gisulting Pulong ubos sa pagdumala ni Cristo hangtud nga sila makakabut diha sa pagkausa sa pagtoo diha sa kahibalo sa Anak sa Dios ingon nga hamtong nga mga tawo diha sa kinatibuk-an sa sukod sa kahupnganan ni Cristo (Juan 17: 22-23, Efeso 4:13, Col.1:27, Titus 3:7). Siya kinahanglan magaabut ngadto sa pagkahingpit, mamausa diha sa Pulong, nga diin siya magabutyag sa Gisaad nga Kaliwat – ang pagbalik ni Jesus Cristo alang sa Iglesia. Bisan pa niana, sa dili pa siya makadawat sa hingpit nga pagkahiusa uban sa iyang Ginoo ug Manluluwas, si Satanas mitungha ug gihugawan niya ang iyang gihimo ingon sa iyang gibuhad ngadto kang Eva sa wala pa si Adam makaduol kaniya alang sa iyang kaugalingon. Ang mga episola gihatag.

Sa tinuod gayud ang kasugoan wala nagpawalay bili sa Gisaad nga gihimo ngadto kang Abraham, ang mga Episola wala usab nagpawalay bili sa Gisaad ngadto sa Pinili nga Babaye ni Jesus Cristo. Ang saad nga kaliwat o binhi ngadto kang Abraham pinaagi sa gisulting Pulong nagaabut ngadto sa natural nga mga anak o kaliwat ni Abraham diha sa katapusan sa panahon sa kasugoan .Sa mao usab nga paagi, ang Mahimayaong nga kaliwat nga gisaad ngadto sa Iglesia pinaagi sa Gisulting Pulong magaabut ngadto sa espirituhanon nga mga kaliwat ni Abraham diha sa katapusan sa kapanahonan sa Grasya (Iglesia).

MGA EPISOLA SA MGA APOSTOLES

Ngano nga ang mga episola gihatag nga dugang ngadto sa pagmando sa Espiritu ni Cristo? Sama sa kasugoan, kini gihatag tungod sa kalapasan. (Basaha ang pahimangno ni Pablo mahitungod sa mga makihilawason diha sa Iglesia – 1 Cor.5). Ang mga Episola sama sa usa nga magtatagad aron ang mga tawo maampingan nga magasubay sa DALAN hangtud nga motungha ang Gisaad nga Binhi (Anak). Hangtud nga mobalik ang Gisulting Pulong, ang Orihinal nga Binhi, ngadto sa mga katawhan nga diin ang Saad gihimo aron ang **Kinabuhi** mapadayag nganha kanila (Epeso 4:8-16).

Tinuod, ang Israel nakalapas ug siya gihatagan sa kasugoan. Sa mao usab nga paagi, Ang Iglesia nakalapas. Sa diha nga iyang gilugan ang iyang pagpanalipod, si satanas diha sa kalit misulod diha sa mga magsisimba ug nagdala uban kanila diha sa espiritu sa Nicolayta. Ang mga pagtudlo sa mga Nikolayta naka-inpluwensya o nakahaylo sa mga katawhan ug wala madugay ang ilang mga tinoohan o credo nadawat. Ug niini nga mga mini nga mga pagtudlo, mga bunglayon mitungha. Ang Iglesia dili lang nga adunay lahi nga “ maayong balita “ apan siya nakalapas batok sa Kamatuoran ug Espiritu (Gal. 1: 6-7).

Sa walay pagduhaduha, ang Dios nahibalo nga ang Iglesia masayup ingon usab nga ang Israel nakalapas .Ug busa ang Iglesia miagi diha sa “ Kapanahonan sa Iglesia “ sa tanan nga panahon aron sulayan. Ang kasugoan gihatag sa Israel aron sa pagbantay kaniya hangtud nga ang Gisaad nga Binhi (Anak) pinaagi sa Gisulting Pulong motungha aron sa pagmatarung kaniya. Sa mao usab nga paagi ang mga Episola sa mga Apostoles gihatag ngadto sa Iglesia “ ingon nga pagkabuhi o surbaybal “ nga mga gamit. (2 Tim.2:15). Sila ginatombok aron panalipdan ang mga magtotoo niining kapanahonan sa (Grasya) (Iglesia) hangtud ang Gisaad nga Pulong (si Cristo, ang Orihinal nga Binhi (Anak) sa Dios) magaabut pinaagi sa pinadayag sa Gisulting Pulong aron sa pagpadayag sa kinatibuk-an ni Cristo diha kaniya ingon sa gihimo ni Cristo didto sa Adlaw sa Pentecostes. Ang **libro sa Pinadayag** mao ang katapusan nga gasa sa Dios nga gipadayag ngadto sa Iglesia.

Busa, sulod sa 20 ka mga tuig human ang halandomon nga adlaw sa Pentecostes sa diha nga ang Espiritu sa kinabuhi gihatag ngadto sa tinuod nga magsisimba, ang mga Episola gihatag ngadto sa Iglesia. Ug sulod sa usa ka

panahon ang mga buhat ug mga pagtudlo sa mga Apostoles gisulat pinaagi sa Espiritu Santo ug gipang-apod-apod sa katuyoan nga maampingan ang mga balaan sa Dios diha sa "DALAN" (Buhat 24:14, 1 Cor. 4:17; 2 Pedro 1:12).

Ang mga Apostoles gipalihok sa Espiritu Santo sa pagsulat sa mga Episola ngadto sa daghan nga mga simbahan ug sa mga Cristohanon sa pagtabang kanila sa ilang paglakaw diha kang Cristo. Sila usab nagasulat aron sa pagbadlong sa mga sayop nga mga doktrina. Sila wala makamatikud niini nga nagsulat sila sa "Biblia". Sila nahibalo sa Daang Tugon nga mga kasulatan nga diha kanila ug mga sagrado nga mga sinulat nga kini " **gikan sa gininhawa** " sa Dios ug sila sa matuod wala maghunahuna nga ang ilang mga sulat nahimo usab " gikan sa gininhawa " pinaagi sa Espiritu sa diha nga sila naggamit ug igsusulat aron sa pagsulat ngadto sa papel bisan nga sila naghunahuna niini nga importante nga pagabasahon sa tanan nga mga Cristohanon (1 Tes. 5:27, Col. 4:16). Mahinungdanon kini nga mga sulat nga ang tanan pahimangno ginapadala sa mga iglesia ingon nga sila adunay " mga anciano "... mga deacono " ug " pagdumala sa iglesia ". Ingon nga ang Israel nagabantay " sa mga tambag " sa kasugoan, mao man ang Iglesia nagabantay sa " mga tambag " sa mga Episola

Bisan pa niana, **Ang Gisulting Pulong mao gihapon ang Orihinal nga Binhi** (Heb.1:1-2). Ang Gisulting Pulong nga Boluhaton gikinahanglan sa Iglesia

(Epeso 4:8-16). Ingon diha sa Unang Pakigsaad (ilalum sa Daang Tugon) mao man usab diha sa Ikaduha (ilalaum sa Bag-ong Tugon)- nga ang Gisaad nga Pulong magabalik niadtong gihatagan sa Saad. Ingon nga gipadayag sa mga Apostoles, ang mga " Amahan " sa Iglesia, **ang 5-ka pilo nga Boluhaton mahinungdanon aron pagdala sa mga balaan ngadto sa pagkahingpit aron makadawat sa Pagtoo nga Malalin.** (Epeso 4:8-16). Ug kining tanan magaabut pinaagi sa Gisulting Pulong sa Espiritu pinaagi sa mga han-ay sa mga Apostoles, mga Propeta, mga Ebanghilista, unya mga Pastor ug mga Magtutudlo. Apan magaabut lamang kini diha sa katapusan sa kapanahonan sa Grasya ingon sa Saad nga gihatag kang Abraham, ang " Amahan " sa Israel, mitungha sa katapusan sa panahon sa Kasugoan.

ANG SILYADO NGA LIBRO – ANG LIBRO SA KALUWASAN

Sukad nga ang Iglesia nakasulod niining " kapanahonan sa Iglesia ", ang mga Episola sa mga Apostoles ginabantayan sa mga tinuod nga mga balaan nga

natawo pag-usab diha sa nagkalainlain nga mangitngit ug malisod nga mga kapanahonan sa diha nga ang mga pagpanghisalaag ug daghan nga mga yawan-on nga mga buhat dayag nga makita. Gikan sa pagkahulog sa Kamatuoran sugod sa unang mga adlaw (2 Tis.2) ngadto sa pagbiya gikan sa tinuod nga Pagtoo niining mga ulahing mga adlaw (1 Tim.4), ang panahon naga-abut alang sa **pagpadayag** sa Saad ngadto sa mga balaan sa Ginoo. Si Juan Bautista gipadala, diha sa espiritu ni Elias, nga adunay mensahe sa pagpaila sa presencia sa Pulong diha sa Katapusang Kapanahonan sa Kasugoan ngadto sa pinili sa Dios. Sa mao usab nga paagi, si William M. Branham gipadala usab, diha sa espiritu ni Elias, nga adunay mensahe sa pagpaila sa presencia sa Pulong diha sa katapusan nga kapanahonan sa Iglesia ngadto sa mga Pangasaw-onon ni Cristo. (ingon nga ang unang gipadala nagasangyaw sa Unang Pag-anhi ni Cristo, mao usab nga ang ikaduha nga gipadala nagasangyaw sa Ikaduhang Pag-anhi ni Cristo). **Uban sa mensahe niining Gisulting Pulong sa Boluhaton aron sa pagpasig-uli sa Pangasaw-onon ni Cristo nga Pulong alang sa iyang pagkahingpit.** Ang Orihinal nga Pulong mao ang Gisulting Pulong. Ang tinuod nga Iglesia magabalik sa Orihinal nga Pulong nga mao ang Orihinal nga Binhi (Anak).

Kining duha ka mga propeta –mensahero sa Malaquias 4:5-6 gipadala, uban sa dihog sa “ espiritu “ ni Elias ang anaa kanila, aron sa pagpabalik sa kasingkasing sa mga katawhan sa Dios palayo gikan sa mga patay ug pormal nga mga relihiyon ngadto sa Kamatuoran sa Dios. Ang pagwali ni Juan Bautista mao ang “ *pagbalik sa kasingkasing sa (relihiyosong) mga amahan (gikan sa pagtulon-an sa Juda) ngadto (sa Pagtoo sa) mga anak (nga mao ang mga yano nga katawhan nga nakabig sa Maayong Balita)* “ (Mal. 4:5-6a, Lucas 1:13-17). Apan, ang mga mensahe ni William Branham mao ang mensahe sa pagpasig-uli. Siya nagasinggit “ *sa pagpabalik sa kasingkasing sa mga anak (sa Dios) ngadto (sa Pagtoo sa) sa ilang (Maayong Balita sa mga Apostoles) mga amahan* “. (Mal.4:5-6b, Lucas 17:22-30, Pin.10:7). Ang mensahe sa singgit niadtong 1956. Mao kana ang katumanan sa “ **singgit sa tungatunga sa gabii** “ diha sa samingay sa “ napulo ka mga birhin “. (Mateo 25:1-13) Milabay ang pito ka mga tuig, sa 1963, ang pinadayag sa Pito ka mga Silyo (sa libro sa Pinadayag) gibuksan (gibuklad ug gipadayag) ngadto sa mga Pangasaw-onon. Ang mga Balaan nagalakaw niini nga paagi sukad ang mga Episola sa mga Apostoles gihatag ngadto sa Iglesia sa pagtuman ug pagdala sa mga balaan diha “ SA DALAN “ kini doul sa 2000 ka mga tuig.

Sa diha nga ang Pito ka mga Silyo gipadayag niadtong 1963, Ang Silyado nga basahon diha sa kamot sa Dios (Pin.5) bukas na apan " *gamay nga basahon* " diha sa Makagagahum nga Manolunda (nga hulagway ni Cristo). Pinadayag 10 nagpakita nga si Cristo nanaug sa kalibutan aron sa pag-angkon unsa ang sakop Niya. Ang " *gamay nga basahon* " mao ang " **dokumento sa pag-angkon** " ngadto sa kaluwasan sa kalibutan ug ang tanan nga iya ni Cristo. Kini may sulod nga detalye sa kaluwasan ug mga ngalan sa naluwas. Kini ang sukaranan nga " **Basahon sa Kinabuhi** " sa Kordero sa Dios, ug si Cristo sa Iyang kaugalingon mao ang " Basahon sa Kinabuhi " ingon nga Siya ang " Tinapay sa Kinabuhi " gikan sa Langit (Juan 6). Siya ang Episola mabasa sa tanan nga mga tawo – " *Ania karon, mianhi ako, sa basahon nga linukot nasulat kini mahatungod kanako* " (Salmo 40:7, Heb.10:5-7, Lucas 24:27). Si Cristo Jesus mao ang Pulong sa Kinabuhi. Siya mao ang **BALAAAN NGA BASAHON**. Ug kon ikaw wala natawo pag-usab sa Iyang Pulong ug sa Espiritu sa Iyang Kinabuhi, ikaw dili kabahin kaniya, ikaw dili kabahin sa Basahon sa Kinabuhi. Tungod niini, imong ngalan dili makaplagan diha sa " Titulo nga dokumento " – Ang Basahon sa Kinabuhi.

Sa pagpahayag, ang Pulong (Basahon) sa Kinabuhi mao si Cristo sa Iyang Kaugalingon nga mao ang nagtuman sa gikinahanglan (ingon nga gipahimotang ni YAHWEH, ang tag-iya sa Kalibutan) aron sa pagpalit balik o lukat sa unsa ang nawala kang Adam. Si Cristo naghingpit pagbayad sa utang sa kaluwasan ug niini siya adunay katungod sa pag-abli ug pagpadayag sa kinatibuk-an sa sulod sa Basahon ug niana giangkon Niya ang para sa Iya. Amen.

(pakapin sa basahon: Mahitungod sa Pinadayag 10), uban nga mga magwawali sa mensahe niining katapusan nagtudlo sila nga ang " *gamay nga basahon* " mao ang "maayong balita ug mga episola " ni Apostol Pablo ug kini gihatag lamang ngadto sa mga Gentil nga pangasaw-onon aron iyang pagakan-on. Kini usa ka mubo nga pangaggpas. Ang mga pagtudlo sa duha ka mga basket (usa kang Pedro ug usa kang Pablo) nagapahimakak sa yano nga maayong balita ni Cristo para sa matag kaliwatan diha sa panimalay sa Dios – " *Kay siya mao ang naghimo sa atong kadaitan, nga nag-usa sa duroha ug miguba sa nag-ulang nga bongbong nga mao ang pakigbinatokay....kay pinaagi kaniya kita nga duroha adunay kaagian ngadto sa Amahan pinaagi sa usa ka Espiritu. Busa, kamo karon dili na mga langyaw ug mga dumuloong, kondili mga katagi-lungsod sa mga balaan ug mga sakop sa panimalay sa Dios. Kamo mga tinukod ibabaw sa patukoranan nga mao ang mga apostoles ug mga propeta, nga niini si Jesus Cristo mao ang ulohang bato sa pamag-ang.* Diha kaniya ang tibuok nga tinukod nausa ug nagatubo ngadto sa **pagkatemplo nga balaan** diha sa Ginoo ug nga diha kaniya kamo usab ginabalay aron **mahimong puloy-anan sa Dios**

pinaagi sa Espiritu.” (Efeso 2:14, 18-22). Kini nga magwawali nagatudlo usab nga ang Gamhanang Manolunda nagabutang sa iyang “toong tiil sa dagat, ug ang Iyang walang tiil sa yuta “ nagatimaan sa Unang pag-anhi ug Ikaduhang pag-anhi (o nga ang Pulong miabut sa Iglesia sa 33 AD ug mibalik sa 1963). Kini lain na usab nga mubo nga pagpangagpas. Wala ba si Apostol Juan gilalin diha sa espiritu sa Pinadayag 4 aron ipakita “ ang mga butang nga magakahitabo unya “, kana human sa 96 AD? Karon unsaon man “ ang toong tiil sa dagat “ nagtimaan sa pag-anhi ni Cristo niini karon o sa wala pa, ang 33 AD? Ang matag-usa kinahanglan makasabut nga ang Biblia sa iyang tipologi ug pagkakultura sa sidlakan aron makasabut sa simbolo sa “ too “, “ wala “, “ tiil “, ug “ yuta “).

Tungod niini, ang panan-awon diha sa Pinadayag 10 nagpakita kang Cristo, nga adunay “ *gamay nga basahon* “ abli diha sa Iyang kamot, nagpadayag sa Iyang kaugalingon niadtong sakop Niya. Siya mitungha sa Gisulting Pulong. Ang “ *parosia* ” o presencia “ ni Cristo nagsugod (1 Tes. 4:16). *Uban sa “ singgit ”* (pinaagi sa Iyang Propeta – Mensahero). Siya nagtawag sa Iyang Pangasaw-onon paggawas gikan sa *Mistryosong Babelonia*. Ang “ *singgit* “ mao ang “ *tingog sa tungang gabii* “ (Mateo 25:6). Kini gitawag ug panahon sa kagabhion , usa ka maayo nga panahon alang sa kasal ug kombera. Si Cristo nagakuha sa Iyang Pangasaw-onon alang sa Iyang kaugalingon diha sa espirituhanon nga pagpangasawa o kaminyoon. Ang pultahan para sa kombera o fiesta magapabilin nga abli hangtud ang katapusan nga but-an nga birhin (nga usa aron mahiusa ang pangasaw-onon) uban sa insakto nga lana (sa pinadayag) magaabut ug magakuha sa iyang katungod sa paglingkod sa lamesa nga adunay kombera.

Tinuod, diha sa pagmando sa Espiritu Santo ang Pangasaw-onon napasig-uli ngadto sa Pulong ug uban sa Pito ka mga Silyo nga napadayag – pinaagi sa Gisulting Pulong – siya karon nagalingkod uban sa dinihogan nga “ paghingpit nga boluhaton “ – sa 5-ka pilo nga boluhaton (Efeso 4:11-16) gipangunahan sa mga Apostoles. Kining “ mga gasa nga gihatag sa pagsaka Niya “ gipanghatag ngadto sa gidihogan nga mga tawo nga sila takus nga mga ministro sa Dios ngadto sa Pulong ug hingpitan sila pinaagi sa Pulong. Kini nga mga “ Alagad sa Dios “ *nagwali sa Pulong* “. (2 Tim.4:2). Mao nga, sila “ *nagawali sa Logos* “, ang pinadayag sa Pulong tungod kay anaa kanila ang boluhaton sa Gisulting Pulong, Buhing Boluhaton, pinaagi sa Buhing Dios. Dili lamang nga nagakutlo sa mga Kasulatan o mga pulong ug mga gisulti sa bisan kinsa nga propeta o alagad sa Dios. Sila adunay tinuod nga **pinadayag**

sa Pulong, busa sila mosulti, “ *Pangadto kamo sa sulod sa Templo ug pangatubang kamo sa mga tawo ug isulti ninyo ang tanang pulong mahitungod niining maong kinabuhi* “ (Buhat 5:20, Jer.23:29-28).

ANG BOLUHATON SA APOSTOLES NIINING KATAPUSAN NGA KAPANAHONAN

Ang boluhaton sa mga Apostoles niining katapusan nga mga kapanahonan managkalahi sa Unang boluhaton sa mga Apostoles nga niana managkalahi ug resulta niadtong una sa diha nga ang Unang Siglo nga mga Apostoles nagwali una sa Maayong Balita ngadto sa kalibutan. **Ang unang grupo sa mga Apostoles nagsulti sa Pulong ug nagpahiluna sa Iglesia sa 12 ka patukoranan nga mga bato.** Ang tanan nga mga pinadayag ni Cristo **gisulti ug gipadayag** dayon. Sila **gipangsulat** dayon ug nahimo nga mga episola. Apan sa pagkawala sa mga Apostoles, malimbongon ug mapahisalaagon nga mga tawo mitungha sa taliwala sa iglesia ug nagsugod sa **pagbahinbahin** sa mga patukoranan sa mga Apostoles. Sa dali nga panahon ang mga patukoranan sa mga Apostoles **nabahinbahin** ug **nagakadaut** nga hangtud ang Iglesia nahimo nga usa ka balay nga puno sa **tawhanon nga relihiyosong tradisyon**. Ang Romano Catoliko nga Iglesia mao “ ang Inahan sa tanan yawan-on “ nakalapas batok sa Pulong sa Dios, ug ang mga organisado nga mga denominasyon nga mga Iglesia mao ang iyang “ mga anak mga babaye”. Tinuod, Ang Romano Catoliko nga Iglesia mao “ *Ang inahan sa tanan mga Bigaon* “. Ug ang organisado nga mga demoninasyon nga mga Iglesia mao ang iyang mga anak nga Babaye (Pin. 17:5). Ug niini nga hinungdan, Ang Pangasaw-onon kinahanglan magpabilin sa Iyang kaugalingon gikan niining **igpapatubo nga pundok** ug magabalik sa Orihinal nga Pulong – dili lang kay “ surbaybal o pagkabuhi “ ingon nga maoy gamit nga Sinulat nga Pulong apan ang Gisulting Pulong nga maoy makahingpit kaniya ug magadala kaniya aron mahingpit ang pagkahamtong diha kang Cristo alang sa paglalin.

Sukad nga ang Iglesia ni Cristo **nagsugod** na, ug napabarog sa boluhaton sa mga Apostoles, busa siya matapus diha ug napabarog sa, mao ra nga boluhaton. **Ang mga Apostoles sa katapusan nga kapanahonan magakupot diha sa pagmando sa Pulong ug nagpahimutang sa Iglesia nga malinya sa pinadayag sa Pulong.** Sila nagpahimutang balik sa patukoranan sa 12 ka mg Patukoranan sa Mga Apostoles diha sa pamag-ang bato, nga gibahinbahin ug gilaglag sa mga organisado nga mga relihiyon. Dili sama niadtong Unang mga Apostoles sa Unang

siglo, ang ulahi wala magsalig sa ilang kaugalingon ngadto sa kalibutan aron sa pagtuman sa Binhi (kaliwat) sa Maayong Balita ug nagpahiluna sa mga iglesia sukad sa kapanahonan sa Grasya nga nagakatapus. Haduol sa 2000 ka mga tuig ang kalibutan, Sa usa ka paagi o sa lain, nakabati sa Maayong Balita. Apan ang Iglesia nagakalayo gikan sa tinuod nga PAGTOO. Bisan pa niining “ *ulahing panahon* “ (1 Tim.4:1-3). Kini ang panahon sa Laodecia (Pin. 3:14-22) sa diha nga ang espiritu sa kalibutan nagapatuyang bisan diha sa mga Iglesia nga makabaton sila sa ilang “ kagawasan “ sa pagbuhat sa ilang gusto nga ilang gitohoan nga insakto, tungod kay sila “ *dato, mauswagon, ug walay nakulang* “. Apan sila wala mahibalo “ *alaut, makalolooy, kabus, buta ug hubo* “. Mao kana sila. Ug si Cristo dili magkuha niana nga iglesia aron mahimo nga Iyang asawa. Ang Espiritu sa Dios dili makasalikway nga kahimtang ug magpadayon sa pagtanom sa Binhi sa Maayong Balita. Adunay panahon sa pagtanum, ug adunay panahon sa diha sa pag-ani. Ug kini nga panahon sa pag-ani, ang pagbangan sa mga trigo. basaha Mateo 13: 24-30. Tinuod kana, sa diha nga si Jesus nga gikan sa hilit nagpakita sa dayag sa pagwali diha sa publiko ug sa hilum nagpadayag sa mga tinago ug mga kamatuoran sa Dios ngadto sa iyang tinun-an, busa Siya nagabuhat niini pag-usab uban sa Iyang Tinuod nga mga pinili niining katapusan nga mga panahon. Ngano, Tungod kay ang Dios nag-amping sa Iyang Pulong labaw sa Iyang Ngalan (Salmo 138:2, 12:6, 119:11, 158,162). Tungod niini, Ang Dios nagabutang sa tinuod nga Iglesia balik sa insakto nga lagda diha sa Pulong ug nagahimo kaniya nga mahinog o matam-is ngadto sa “ Anak “ (ang Pulong sa Dios) sa dili pa si Cristo maghatag kaniya sa katungod paglingkod kaniya uban sa Iyang Trono.

TAWHANON NGA PAGTULON-AN BATOK PINADAYAG

Daghan sa mga Cristohanon dili makadawat sa bisan unsa nga pinadayag bisan tungod kay sila dili makatoo o kaha ang ilang pagkupot sa Biblia sama sa credo o tawhanon nga pagtulon-an. Sila dili motoo nga ang Dios makigsulti pa hangtud karon ug aduna pay mga tinago nga natago diha sa pulong nga ipadayag pa. Sa matuod sila wala natawo sa Pulong sa Kinabuhi “ *Ngadto sa Kasugoan ug sa pagpamatuod kong sila dili managsulti sumala niining pulonga, sa pagkamatuod walay kabuntagon alang kanila.* “ (Isa. 8:20). Kon sila natawo pag-usab sila adunay Binhing Pulong diha sa ilang kasingkasing nga motubag gikan “ *sa pagtoo*

ngadto sa pagtoo " ingon diha sa " *presenting nga kamatuoran* " sa diha nga si Jesus nagsulti " *karong Adlaw* " (Heb.3:7, 2 Pedro 1:12, Roma 1:17, 1 Juan 3:9, 1 Pedro 1:23).Ang Binhing Pulong mao ang "Logos", Ang Pinadayag ni Cristo nga mao ang Orihinal nga Binhi sa Dios, ug kini pagadawaton pinaagi sa pagpamati sa Pulong pinaagi sa Boluhaton sa Gisulting Pulong. " *Sa sinugdan mao ang Pulong...Diha kaniya ang kinabuhi, ug ang kinabuhi mao ang kahayag alang sa mga tawo* " (Juan 1:1,4).

Dayag lamang, ang tinuod nga mga alagad sa Dios nagasulti lamang sa Pulong ilalum diha sa dihog sa Espiritu ug nagpadayag sa mga tinago sa kamatuoran. Hinumdomi nga ang Gisulting Pulong kinahanglan nga adunay sukaranan diha sa Sinulat nga Pulong tungod kay ang Sinulat nga Pulong gihatag ingon nga " magdadala " sa pinadayag sa Gisulting pulong. Ang Pulong wala gisulat sa wala pa kini gisulti. Ang pinadayag sa unsa ang una nga gisulti gitimbrihan o gisilyohan diha sa Sinulat nga Pulong hangtud sa Kapanahonan sa Grasya.Ug kita ania na karon sa katapusan sa Kapanahonan sa Grasya.

Ang pagsulti sa Pulong (ang Kasulatan) kini dili ipasakop sa bisan unsa nga kinaugalingon nga pagpanabut.Kini walay sapayan alang sa magwawali (kon siya alagad sa Dios) nga mag-ingon " kini ako lang pagbanabana, akong kaugalingon nga pagsulti, akong kaugalingon nga pagtan-aw, maoy akong pagtimbang ". Si satanas naghimo niana sa diha nga siya nagtental kang Jesus Cristo human sulod sa 40 ka mga adlaw ug 40 ka mga gabii.

"Ug ang maninintal miduol ug miingon kaniya, kay ikaw Anak man sa Dios, sugua kining mga bato nga mahimong mga tinapay.

Apan kaniya mitubag siya nga nag-ingon, Nahisulat na, Ang tawo mabuhi dili sa tinapay lamang kondili sa matag-pulong nga magagula sa baba sa Dios.

Unya gidala siya sa yawa ngadto sa siyudad nga balaan ug gitungtong siya sa kahitas-an sa templo.

Ug giingnan siya, Kay ikaw anak man sa Dios umambak ikaw sa ubos, kay nahisulat man kini nga nagaingon. Maghatag siyag sugo sa iyang mga manolunda mahitungod kanimo ug sa ilang mga kamot pagasapnayon ikaw nila aron ang imong mga tiil dili mahipandol sa bato.

Si Jesus miingon kaniya, Usab nahisulat kini nga nagaingon, Ayaw pagtintala ang Ginoo nga imong Dios.

Ug gidala na usab siya sa yawa ngadto sa usa ka hataas kaayong bukid ug kaniya iyang gipakita ang tanang gingharian sa kalibutan ug ang ilang kahimayaan

Ug iyang giingnan siya, Kining tanan akong ihatag kanimo kon ikaw mohapa ug mosimba kanako.

Kaniya mitubag si Jesus nga nag-ingon, Pahawa ka, Satanas, kay nahisulat kini nga nagaingon, Maoy simbaha ang Ginoo nga imong Dios ug siya lamang ang alagara.

Unya ang yawa mipahawa kaniya, ug tan-awa, dihay manolunda nga miabut ug mialagad kaniya.

— Mateo 4: 3—11

Ang paghagit kang Jesus sa iyang pag-angkon nga Mesias, si satanas nga nagtintal kang Jesus sulod sa Iyang 40 ka mga adlaw sa pagpuasa (Marcos 1:13), nagsulay sa usa ka katapusan nga pagtintal aron sa pagpukan kang Jesus human sa Iyang gihimo nga pagpuasa. Bisan pa niana, si Jesus nagkutlo sa kasulatan aron ipakita kaniya nga ang tawo nagkinahanglan pa ug dugang pa kay sa iyang matag-adlaw nga pagkaon, ang tawo kinahanglan magapadayon nga magkaon sa “ **matag pulong nga magagula sa baba sa Dios**”—**Ang Gisulting Pulong**. Si satanas nakabantay sa gisulti ni Jesus, ang pagkakinahanglanon sa Pulong (mao nga ang tawo magatoo sa Kasulatan). Busa, siya misulti pagbalik kang Cristo gamit ang Sinulat nga Pulong. Hibaloan giunsa niya pagkutlo diha sa sayop nga kinatibuk-an nga kahulogan sa basahon sa Salmo aron lamang pagtuman sa iyang tuyo. Apan siya dili makapahisalaag sa espirituhanon nga tawo nga nahibalo sa pinadayag sa mga kasulatan. Misangpot siya sa pagkalibog ug dispirado hangtud nga iyang mga kabtangan nga iyang gigamhan, gahum ug pagdumala baylo sa pagsimba.

Dili ba mao kini ang espiritu sa daghan “ bantugan ug kusgan “ nga mga magwawali, karon?

Human sa duha ug tunga ka mga katuigan sa iyang pagbuhat uban sa iyang mga tinun-an, “ *Ug sa pag-abut ni Jesus sa kayutaan sa Cesaria ni Filipino, ang iyang mga tinun-an gipangutana niya nga nag-ingon, Sumala sa sulti sa mga tawo, kinsa man kono ang Anak sa tawo, ug sila miingon kaniya, Ang uban nagaingon nga si Juan nga Bautista kono, ang uban naga-ingon nga si Elias kono, ug ang uban, nga si Jeremias kono o usa sa mga propeta.*’ (Mateo 16:13-14). Hibaloan nato nga kini mao ang paglantaw sa mga Judio. Apan ang paglantaw ni Jesus diha

lang sa iyang tinun-an mga panghunahuna mahitungod kaniya tungod kay sila nag-uban man sa sulod sa taudtaud nga panahon. Busa “ *Siya miingon kanila, Apan kamo, unsa may inyong sulti, kinsa man ako? Si Simon Pedro mitubag nga nag-ingon, Ikaw mao ang Anak sa Dios nga Buhi. Kaniya mitubag si Jesus nga nag-ingon, Dalaygon ikaw, Simon Barjona, kay wala kini ipadayag kanimog tawo, kondili gipadayag kini sa akong Amahan nga anaa sa langit. Ug sultihan ko ikaw, nga ikaw mao si Pedro, ug sa ibabaw niining bato pagatukoron ko ang akong iglesia, ug ang gahum sa kamatayon dili gayud makabuntog kaniya.* ” (Mateo 16:15-18).

Unsa man ang diha kang Pedro nga nakasugid siya kang Jesus nga mao ang Cristo, Ang Anak sa Buhing Dios? Kini dili tungod kay siya Judio o siya adunay relihiyosong o inteliktuwal nga kahibalo. Dili, wala kadto kalabutan niini. Si Pedro walay nahimo niini. Kini usa ka **pinadayag** gihatag ngadto kaniya gikan sa Makagagahum nga Dios sa itaas. Si Pedro nakabati sa Gisulting Pulong diha sa boluhaton ni Jesus, ug siya nakahimo sa pagdawat sa pinadayag nga gihatag sa tukma nga panahon. Ug kini “ *sa ibabaw niining bato* ” – niini nga pinadayag “ – nga si Cristo nagtukod sa Iyang Iglesia. **Dili kay “ Diha kang Pedro “ o kaha “ kang Jesus Cristo** ” nga si Cristo nagtukod sa Iyang Iglesia.

Hibaloan nato nga kini nga pinadayag ni Pedro dili usa ka butang nga makita nimo sa **usa ka bahin** sa kasulatan diha sa Daang Tugon aron pamatud-an kini. Apan ang iyang pagkamatuod **gisoportahan** sa Sinulat nga Pulong nga ang Mesias ipadala ngadto sa Israel ug Siya magahimo ug usa ka butang. Ang mga kasulatan nagsulti nga buksan sa Dios ang mga kasingkasing sa Iyang katawhan aron makasabut sa maanindot nga kahibulongang gasa nga igahatag kanila – apan **nagkinahanglan kini ug pinadayag gikan sa Dios aron makahimo nga buksan ang iyang mga mata ngadto sa kamatuoran. Ang pagtoo sa tinuod nga magtotoo dili usa ka buta nga pagtoo. Ang pagtoo diha kang Cristo dili usa ka relihiyosong pagsugid. Dili ikaw makatoo hangtud adunay pinadayag niini gikan sa Dios. Kou wala ang pinadayag dili ikaw makasugid sa tinuod, makahimo lang ka ug magapamakak niini.**

ANG KATAPUSANG PAGDAUG

“Kay ang Ginoo gayud mao ang manaug unya gikan sa langit inubanan ug singgit sa pagsugo, ug tawag sa punoan sa mga manulonda, ug tingog sa kadaugan sa Dios, ug unya ang mga nangamatay diha kang Cristo mouna sa pagpamangon.

Ug kita nga mga buhi pa nga mahabilin, pagasakgawon ngadto sa mga panganud uban kanila sa pagsugat sa Ginoo diha sa kahanginan, ug sa ingon niini kita magapakig-uban na sa Ginoo sa tanang panahon.— 1 Tesalinoca 4:16-17

Nga si Apostol Pablo nagasulti niini diha sa propesiya pinaagi sa pinadayag ug simbolo ngadto kang Juan diha sa panan-awon didto sa isla sa patmos. 1 Tesalónica 4:16-17 ug Pinadyag 10 kini nagakauyon. Sila nagpakita sa ikaduha nga pagbalik ni Cristo. Aron sa pagsabut sa Ikaduhang Pagbalik ni Cristo, imo nga masabtan ang Iyang Unang Pag-anhi. Imong tagaan ug pagtagad ang Pulong “*parosia*” (usa ka griego nga pulong nga kasagaran gihubad “*presencia*, pagbalik, apan usahay wala masabti). Dili lang kay tagaan ug pagtagad ang TAWO, apan usab ang PULONG nga maoy magdala sa TAWO. ang PULONG nga maoy magaandam sa DALAN sa pag-abut sa Mahimayaon nga Tawo. Ang “*parosia*” nagsugod sa diha ang pulong gipadala (ngadto sa usa ka katawhan sa usa ka dapit) ug magatapus sa pag-abut sa tawo nga maoy nagpadala sa pulong (ngadto sa usa ka katawhan diha sa usa ka dapit).

Kini ang tulo ka mga hugna sa Pagbalik ni Ginoong Jesus Cristo aron sa pagkuha sa kalibutan ug ang tanan nga mga sakup Niya. Si Cristo mobalik una “*uban sa SINGGIT*”, ikaduha “*uban sa TINGOG sa punoang Manulonda*” ug ang katapusan “*uban sa KATAPUSAN NGA PAGDAUG sa Dios*” sa dili pa ang mga baiaan pagalalinon (o maraptyor). Ngadto sa dili tinuod nga mga Cristohanon, ang anaa sa itaas nga kasulatan yano nga nagkahulogan nga adunay mga tingog sa mga manolunda ug tingog sa trumpeta (gipatingog, basin, ni Archangel Gabriel) nga maoy mabatian sa mga Cristohanon sa dili pa sila lalinon sa itaas sa Raptyor. Apan sama sa mga relehiyosong mga Judio napakyas sa pagtan-aw giunsa ni Cristo nga Ginoo ang unang pag-anhi, mao usab karon nga ang mga relihiyosong Cristohanon mapakyas sa pagtan-aw unsaon sa atong Ginoo magaabut aron pagkuha sa Iyang Pangasaw-onon.

Ang Gamhanan nga Manolunda nagalarawan kang Cristo. Hibaloi Siya manaug ngadto sa kalibutan “ **Uban sa SINGGIT – mao ang, “ uban ‘ tungang gabii nga singgit ‘ mensahe “ aron sa pagpagawas sa Pangasaw-onon (Mateo.25:1-13) . Siya nagagamit ug maga –una (nga mao ang propeta –mensahero William Branham) . **Kini usa ka Gisulting Pulong nga Boluhaton.** Ang boluhaton sa SINGGIT nagatawag sa Pangasaw-onon gawas sa “ **Mistryosong Babelonia “ – gawas sa “ Laodecia “ – ngadto kang Cristo nga Pulong. Kini mao ang sinugdan sa ‘ Taluktokan nga Boluhaton ‘ ni Cristo nga mao ang maghingpit sa Iyang Pangasaw-onon.****

Human nga ang Pangasaw-onon gipaila aron sa pagtagbo sa Dinihog nga Pulong, ang nagauna (sama kang Eleazar ug Juan nga Bautista) magahingpit sa iyang mga buhat ug mawala aron mopahulay (Gen. 24, Juan 3:29). **Ang Pangasaw-onon ug ang Pulong (Pamanhonon) nagsulod diha sa tolda (lawak sa bag-ong kasal) sa Griego “ chupa sa Pulong) diin dinhi “ uban sa TINGOG sa ponuang Manolunda “ si Cristo nakigsulti kaniya , atong hibaloan adunay duha lamang ka tawo dinhi “ sa tolda “ – ang Pulong – Pamanhonon (si Cristo) ug Iyang Pangasaw-onon – sila lamang. Ang nag-una (mensahero) wala diha sa “ tolda “. Kini mao ang dili makita nga panaghiusa sa Langitnong Pamanhonon ug sa Yutan-on nga Pangasaw-onon. Ug adunay dako nga kalainan o lahi nga kahimtang “ diha sa tolda “. Si Cristo nakigsulti ngadto sa Pangasaw-onon pinaagi sa Gasa nga gibilin human siya mikayab (5 ka pilo) nga Boluhaton sa mga Apostoles, mga Propeta , mga Ebanghilista , mga Pastor ug mga Magtutudlo. **Kini ang Boluhaton sa Gisulting Pulong.** Ang Boluhaton sa TINGOG sa punoang ARCHANGEL nagadala sa Pangasaw-onon ngadto sa kahimtang nga mahingpit, nga mao, hingpit nga pagkahamtong diha sa pinadayag sa Pulong. Siya nahimo nga Asawa ug nagapangandam sa iyang kaugalingon alang sa pagpauli sa Balay ngadto sa Balay sa Amahan sa Pamanhonon o ganas alang sa Dakung Panihapon sa Kasal sa Kordero. (Pakapin sa sulat: Kita nahibalo nga KAMATAYON naa diha sa kampo sa “ *Mistryo, Bantugan nga Babelonia* “ Ang pinili sa Dios gisultihan nga mogawas gikan kaniya. Bisan pa niana, KAMATAYON naa usab diha ‘ sa gawas ‘ , Walay tinuod nga kasigurohan. Ang KAMATAYON nagahulat niadtong nagapabilin ug dugay sa ‘ gawas ‘ ug kadtong wala magasunod sa pagtambag aron sa pagtagbo sa Pamanhonon, ‘ diha sa tolda ‘ . (Unsa ang kadugayon sa pagsiga sa lana sa pinili hangtud nga makita niya ang iyang kaugalingon nga nagakinahanglan siya ug dugang lana nga magpakita kaniya sa dalan padulong sa Kasal). Kini nagkahulogan ug kamatayon sa daghan nga mga magtotoo kon sila**

mawala diha sa kangitngit). Gawas ug hangud nga ang pinili magadali sa pagsulod ' ngadto sa tolda " walay kasigurohan ug walay kinabuhi, apan kamatayon " gawas sa tolda ").

Karon, kon ang pultahan sa Kasal masirado na, Ang Asawa ni Cristo hingpit na nga Silyado sa sulod (sama sa ulod nga hantatawo naputos na sa cocon o balay sa uloran). Siya gihimo na nga andam. **Unya " uban sa KATAPUSANG KADAUGAN SA Dios ", si Cristo magahatag kaniya sa katapusang Pulong alang sa " pagtoo nga malalin " nga maoy magadala kaniya sa " pagkausab " alang sa iyang bisti sa kasal.**—gikan sa bisti sa kaluwasan ngadto sa lino nga manipis sa pagkamatarung, hinlo ug maputi tungod sa timaan nga karon anaa niya (Pin.3:18). Kini mao ang kasangkapan sa " Taluktokan nga Boluhaton " ni Cristo ". Ang **pito ka mga dalugdug** (7 ka dinihog nga mga tawo sa Dios) magasulti sa matag mga pulong nga si Apostol Juan nakabati diha sa iyang panan-awon didto sa isla sa Patmos apan wala tugoti nga isulat kini. **Kini usa ka boluhaton sa Gisulting Pulong.** Ang boluhaton sa KATAPUSANG KADAUGAN makapabuhi o makapabaskug sa matag bahin (matag miembro) sa Asawa (sa lawas ug espirituhanon) sa dili pa siya motindog alang sa iyang pagkausab — *" sa kalit, sa usa ka pagpamilok, inig tingog na sa katapusang trumpeta, Kay ang trumpeta pagapatunggon, ug ang mga patay pagabanhawon nga may mga lawas nga dili na madunot, ug kita mangausab. Kay kining lawas nga madunot ra pagailisan unyag dili na madunot, ug kining lawas nga mamatay ra pagailisan unyag dili na mamatay. "*) (1 Cor.15:52-53). Kini mahimo nga dako nga rebaybal o pagkapukaw alang sa Asawa ni Cristo apan ang kalibutan dili mahibalo niini. Ug human sa iyang mubo nga panahon sa rebaybal o pagkapukaw, usa ka dakung huros mahitabo usa ka maayong buntag sa diha nga musobang ang adlaw. Gikan sa presencia sa Ginoo ang iyang langitnon nga (Pulong) lawas magaabut ug magataklob kaniya. Unya, sama sa alibangbang nga mobusbos o mosiak gikan sa cocon, human gihimo nga pagkausab didto sulod sa cocon, ang Pangasaw-onon (asawa) **mabalhin** ug dagway ug mobuswak gawas sa iyang " tolda " (nga napahiluna diha sa sulod nga vilo) nga siya gisulayan sa tanan niyang panahon, espirituhanon nga pagkasulti. Siya dili na magasul-ob sa **puting bisti sa kaluwasan apan saninaan siya sa hinlo ug puti nga lino nga manipis sa pagkamatarung.** Siya mabalhin ngadto sa dili na madunot ug magkayabkayab o kapay padulong sa itaas aron sa pagtagbo sa Iyang Ginoo ug Hari diha sa kahanginan. Alelluia

PITO KA MGA DALUGDOG

Sa diha nga si Apostol Juan **nakakita** sa **Pito Ka mga Dalugdog** diha sa iyang panan-awon, Iya usab nga nabati ang ilang mga tingog apan siya gidid-an sa pagsulat sa unsa ang iyang nabati, Ang katarungan, sa atong nahibaloan, kini gisekreto o gililong gikan kang Satanas nga sa kanunay nagahimo ug pagsundogsundog ug pagsamok sa mga plano ug katuyuan sa Dios. Sa ingon niini, **Kini nga TINAGO igapadayag ra unya. kini igapadayag ngadto sa pinili ni Cristo sa tukma nga panahon.** Kini igapadayag niana nga panahon sa diha nga ang Ginoong Jesus magapakita aron sa pagkuha sa Iyang Pangasaw-onon. **Sa diha nga ang Pito ka mga Dalugdog magasulti sa ilang mga tingog, Kini mao ang katapusan “ pagpadayag “ ngadto sa Pangasaw-onon. Kini mao ang KATAPUSANG PAGDAUG sa Dios ngadto kaniya, Taluktokan siya para sa RAPTOR.** (pakapin nga sulat: sumala sa mga nagatoon sa payramid, ang **taluktokan nga bato** (ulohang bato) gisilsil gikan sa **pito ka ang-ang** nga bloke sa bato). *“Ug unya ang mga nangamatay diha kang Cristo mouna sa pagpamangon, ug kita nga mga mahibilin, pagasakgawon ngadto sa mga panganud uban kanila sa pagsugat sa Ginoong diha sa kahanginan, ug sa ingon niini kita magapakig-uban na sa Ginoong sa tanang panahon.”* (1 Tesalinoca 4: 16b – 17), 1 Cor. 15: 52) . Amen.

Ang **pito ka mga dinihog** makita usab ug gihisgotan ni propeta Zacarias, sa iyang basahon. Sa Zacarias 4, atong makita ang duha ka – pilo sa propesiya mahitungod sa Balay sa Dios, ang bulawan nga kandeliro nga may pito ka mga lamparahan ug ang duha ka mga tawo nga dayag nagapakita sa ilang tahas sa pagbalik sa Israel ngadto sa ilang kaugalingon nga yuta aron buhaton pag-usab ang siyudad sa Jerusalem ug sa ilang Templo. Sila si **Jushua**, ang labawng pari ug si **Zorobabel**, ang magdumala sibil (o prensipi). Silang duha si Jushua ug Zorobabel mga **tipo** sa atong **Ginoong Jesus Cristo** diha sa Iyang ministeriyal nga mga buhat sa pagka **Labawng Pari** ug **Prencipe**. Ingon sa natural tipo sa espirituwal, atong makita si Cristo nagdala o naghimo niini nga tahas diha sa katapusang mga adlaw sa ingon nga Espirituwal Israel (ang Espirituhanon nga Iglesia) mibalik ngadto sa Gisaad nga Pulong ug natukod diha sa **Balaang Siyudad, Bag-ong Jerusalem**. Apan hibalo sa maampingon ang musonod nga bersiculo.

Zac. 3:8 : Pamati karon, Josue nga labawng sacerdote, ikaw ug ang imong mga kauban nga nanaglingkod sa imong atubangan, kay sila mga

tawo man nga usa ka ilhanan, kay ania karon, pakatawohon ko ang akong alagad nga mao ang SANGA.

Zac.3:9: Kay, ania karon, ang bato nga akong gipahimutang sa atubangan ni Josue, ibabaw sa usa ka bato mao ang pito ka mga mata, ania karon, igakulit ko ang kinulit niana, nagaingon si Jehova sa mga panon, ug panason ko ang kasal-anan nianang yutaa sa usa lamang ka adlaw.

Zac.4:9: Ang mga kamot ni Zorobabel nagbutang sa patukoranan niining balaya ang iyang mga kamot maoy magahuman niini, ug ikaw makaila nga si Jehova sa mga panon maoy nagpadala kanako nganhi kanimo.

Zac.4:10: Kay kinsa ba ang nagtamay sa adlaw sa mga magagmayng butang? Kay kining pito magamaya, ug makita sa tonton diha sa kamot ni Zorobabel, kini mao ang mga mata ni Jehova, nga nagasuhotsuhot sa tibook kalibutan.

Nagalingkod uban kang Joshue adunay pito ka mga tawo – “ ang imong mga kauban nga nagalingkod sa imong atubangan, sila mga tawo man nga usa ka ilhanan “, “ Kini nga mga tawo mga kahibulongan nga mga tawo “ (hubad sa Lamsa).” Mga tawo nga adunay ilhanan “ (Bethel edisyon) “ mga tao nga adunay maayong tilimad-on “ (RSV) “ mga tawo nga adunay simbolo nga mga butang nga moabut “ (NIV) ug mga tawo nga adunay ilhanan o maayong tilimad-on “ (tipo sa unsa ang mahitabo) . (ipadaku).

Si Willam F. Beck naghubad sa tibook nga bersikulo sa mosunod – “ Paminaw nagahangyo ako, o Joshue, labawng sacerdote, ikaw ug ang imong mga kauban nga nagalingkod sa imong atubangan. Kamo nga mga tawo nga nagabarug sa usa ka butang nga kahibulongan. Ako magabuhat tungod kay ako magapadala sa Akong Alagad, Ang Sanga.(hubad sa Amerikano). Ug gibutang sa atubangan ni Joshue ug ang mga tawo nga nagalingkod sa iyang atubangan usa ka **bato nga adunay pito ka mga mata ug adunay kinulit niana.**(karon kining tanan dinhi adunay daghan nga ipasabut. Adunay makita nato dinhi nga pulong “ igakulit ang kinulit niana “ . Sa pagkatinuod, ang Dios nagtago sa Kamatuoran ug sa unahan, ipadayag kini).

Karon, unsa ang ipasabut niining tanan sa mga profesiya mahitungod sa Iglesia? Yano nga magpakita nga **adunay PINADAYAG** (ang bato “ nga igakulit “ – “ igakulit (Heb.pathach) nga kinulit) **gibutang sa atubangan sa atong Joshue** (Jesus Cristo ang Labawng Sacerdote) **ug dihay mga tawo sa atubangan**

niya nga mao ang mga mata niana nga PINADAYAG. Ang Dios magapakita o magapadayag gikan sa mao ra nga Hebreo nga pulong: (*pathach*) ang kinulit diha sa bato sa kamot ni Cristo Jesus, **dili** lang kay “Joshue ang labawng sacerdote”, ug sa kang “Zorobabel ang magdudumala o Zorobabel ang principe. Diha sa mga adlaw sa gagmayng mga butang (nga mao, ang kapanahonan sa katapusan nga generasyon, dili ang panahon sa 2000 ka mga tuig sa Iglesia sa kapanahonan). Ang atong ZOROBABEL magakupot sa “ tonton “ (niana nga bato) ug uban kanila ‘ Kining pito “ nga katingalahan nga mga tawo (ang pito ka mga mata “, Zac.4:10), nga magakalipay sa pagpakita niini diha sa Iyang kamot, “ **gikulit** “ (Heb. Patchach, **abli nga daku**) nga **igakulit** ug nagdala sa pinadayag sa tibuok nga kalibutan sa dili pa ang Dios magakuha sa Maayong Balita ug ibalik ngadto sa Israel.Amen.

Atong hunahunaon ang uban nga hulad nga nagapakita sa gahum sa Gisulting Pulong nga magadala sa KINABUHI SA SAAD SA DIOS.

ABRAHAM UG SARAH

Isukad gikan sa Saad sa Dios nga siya mahimo nga bantogan nga nasud sa daku nga ngalan, Si Abram nagtoo sa Dios ug mibiya gikan sa iyang kaugalingon nga yuta ug kaliwatan uban sa iyang asawa ug sakop sa panimalay (Gen. 12). Si Abram binuhat sa Dios (Efeso 2:10). Ang Dios nagahimo ug pagpamuhat diha kaniya ug pinaagi kaniya, Siya 75 ka mga tuig ug iyang asawa, si Sarah, 65 ang idad. Niadtong mga adlaw, ang kadugayon sa kinabuhi sa tawo gikan sa 180 ug 120 ka mga tuig, unya nagkaubos ngadto sa 120 ka mga tuig paubos sa kaliwatan sa Israel. Si Abram ug Sarai anaa sila sa tungatunga nga panuigon. Bisan tuod si Sarai dili makaanak siya usa pa ka batan-on ug guwapa. Tungod niini sa diha nga sila naglakbay ngadto sa Egipto, Si Abram naghango kang Sarai nga mamakak ngadto kang Faraon sa Egipto tungod sa ilang kaugalingon nga kasigurohan.

Napulo ka mga tuig ang milabay si Abram ug Sarai mibiya sa ilang kaugalingon nga yuta sa Ur sa Kaldeya (Gen. 16). Si Sarai dili pa gihapon makaanak. Siya anaa sa 75 ka mga tuig apan wala pa siya makaabut sa pagka “menopos”. Tungod kay siya wala makapailub iyang gihango si Abram nga kuhaon niya ang Egiptohanon nga sulugoon, si Hagar, ingon nga ipon-ipon o puyopuyo aron makabaton ug anak nga gisaad sa Dioskanila. (Ang Dios magatabang unta kanato nga kita dili makabaton nga mawad-an ug pagpailub ug magapangita nga matuman ang Iyang mga plano dinhi sa atong kaugalingon nga pamaagi. Ang pagkamapailubon usa ka daku nga

maayong pamatasan. Kinahanglan nga atong mahibaloan nga ang panahon anaa diha sa kamot sa Dios ug Siya nagadumala sa Iyang kaugalingon nga Plano ug Katuyoan alang sa Dios hinoon. Ug kini nakadawat ug ngadto na hinoon sa kadaut ang padulngan.)

Katorse ka mga tuig milabay, sa idad nga 99ka mga tuig, si Abram nagatoo gihapon sa Gisaad sa Pulong sa Dios. Siya nahibalo sa karon ug ugma ang Binhing Pulong mapadayag sumala sa panahon sa Dios. Unya usa ka adlaw ang Gamhanang Dios nagsulti kang Abram. Ang panahon nagaabut na. Ang binhing pulong nga Gisaad gibutang sa sabakan ni Abram sulod sa 24ka mga tuig nga gibantayan pag-ayo ug naandam sa pagpagula sa Binhing Kinabuhi – Ang “ Binhi o kaliwat “ nga ang Dios nagsaad kaniya. Busa, sa pag-abut sa “ kinabuhi – ang Gamhanang Dios **nagausab sa ngalan** ni Abram ug Sarai ngadto sa Abraham ug Sarah. (Gen. 17). Si YAHWEH nagpamatuod sa pakigsaad kang Abraham ug naghatag sa Gisulting Pulong sa saad nga sa sunod nga tuig, sa tukma nga panahon, iyang asawa makabaton ug anak nga paganganlan ug Isaac. Usa ka Timaan sa tugon ang gihimo ug gisilyohan pinaagi sa dugo sa circumsisyon nianang mao ra nga adlaw.

Walo ka adlaw nga milabay, ang Saad sa kinabuhi, si YAHWEH sa Iyang Kaugalingon, mibalik kang Abraham. Siya mibalik tungod sa KINABUHI (Greigo: Zoe) anaa diha sa dugo sa pakigsaad nga iyang gipahiluna kang Abraham. Ang Ginoo ug ang Iyang mga Archangel, si Michael ug Gabriel, mibisita kang Abraham ingon nga mga **mensahero diha sa tawhanon nga dagway**. Hibaloan nga “ *si Abraham ug Sarah tigulang na kaayo ug luya na tungod sa idad ug nag-undang na siya sa kinaiyahan sa babaye* “ (Gen. 18:11, b.12). Si Sarah diha na sa iyang panahon nga menopos. Siya 89ka mga tuig. Tinuod, sila Abraham ug Sara mga tigulang na, nangunot na ug wala nay kalipay diha sa magtiayon. Apan ang Ginoo, nga nagsulti kang Abraham milabay nga mga adlaw, karon “ nagdalugdug “ ug “ nagsulti sa atubangan ni Abraham ug Sarah (nga diha sa luyo sa tolda ni Abraham) nga “ *sa gitakda nga panahon ako magabalik kanimo, sumala sa panahon sa kinabuhi, ug si Sara makabaton ug anak* “ (Gen. 18:14).

Kung si Abraham ug Sarah aduna pay kalipay (nga si Sarah makabaton ug anak)? Aron makahimo nga sila makabaton ug anak sila kinahanglan nga mabatan-on ug maabtik pag-usab. Ang ilang mga **lawas kinahanglan mausab** – tinuod, mausab ngadto sa kahimtang sa ilang pagkabatan-on ug kusog. Ang tanan

diha sa ilang mga lawas mabag-o, makahatag ug bag-ong kinabuhi, mapukaw, ug mabanhaw aron nga makabaton sa gisaad nga anak. Ug aduna bay malisod sa Dios (aron makabaton “ pagtoo nga malalin “ alang sa iyang anak nga lalake ug anak nga babaye, Abraham ug Sarah)?

Ang Ginoo nagsulti. Ug kini mamao. Ang mga lawas ni Abraham ug Sarah nagsugod pagkausab. Sila nausab ngadto sa pagkabatan-on. Wala moabut sa mga tuig o mga bulan alang sa Gisulting Pulong sa Dios aron kini matuman. Kini tinuod sa panghitabo nga si Abemelik hari sa Gerar, nadani kang Sarah ug nagkagusto nga iyang pangasaw-on alang kaniya (Gen. 20). Tinuod, nga bisan si Sarah 89ka tuig apan siya dili ‘ tigulang nga babaye ’. Siya matan-aw nga batan-on ug maanyag sama sa ‘batan-on nga babaye ’ diha sa hingkud niya nga kinabuhi. Ug milabay lang nga dili ubos sa 3 ka mga bulan siya nagsabak ug nag-anak kang Isaac sa sunod nga tuig, sumala sa Pulong sa Dios ug sa gitagal nga panahon sa kinabuhi, sa diha nga si Abraham 100 ka mga tuig.

ANG BIRHIN NGA MARIA

“ Busa ang Ginoo gayud maoy mohatag kaninyo ug usa ka timaan, ania karon, ang usa ka ulay manamkon, ug mag-anak ug usa ka anak nga lalake, ug pagatawgon ang iyang ngalan Emmanuel. ”

— *Isaias 7:14*

Ang gisaad sa Dios sa pag-anhi sa Mesias alang sa Israel gihatag kang Isaias. Siya nagtagna niini ug gisulat kini sa linukot nga basahon. Apan ang kinabuhi sa gisaad nga Pulong kinahanglan isulti sa tukma nga panahon (ang kinatibuk-an sa panahon) ngadto sa ulay, ingon sa gisulti ngadto kang Abraham ug Sarah. Adunay daghan nga mga ulay sa Israel nagalaum ug nagatan-aw sa unahan nga mahimo ‘ inahan ’ sa balaan nga bata. Ug gawas nga nailhan nangdaan ang ulay magaabot ug ihatag ang gisulting Pulong sa kinabuhi pinaagi sa mensahero, siya dili magasamkon ug magaanak ug usa ka bata. Amen. Tinuod kini: dili usa ka ulay, dili lang kay si Maria nga gipili, nga sa kalit mahikaplagan sa iyang kaugalingon ang saad bisan dili pa niya una ang Gisulting Pulong ngadto kang Maria nga malipayon nagdawat sa Pulong sa Kinabuhi. Ug siya nagdawat sa Pulong pinaagi sa pagtoo. Siya dili buta nianang Gisulting Pulong tungod kay siya wala magalakaw sa mangitngit nga relihiyosong (tradisyon). Ang Dios nagahimo ug pagpamuhat diha kaniya (Juan

6:29). Iyang nakita ang pinadayag ug nag-ingon “ *Tan-awa, ako ulipon sa Ginoo; Matuman unta kanako kanang imong giingon* “ (Lucas 1:38). Usa ka pagkapukaw, Usa ka pinadayag!

ISULTI ANG PULONG

Ang taluktokan magaabut aron sa pagsal-op sa Pangasaw-onon. Kini nagakanaug uban sa mensahero sa Dios, William M. Branham, ngadto sa Laodecia nga kapanahonan. Ang mensahero gihatagan ug mensahe aron pagpagawas sa mga Pangasaw-onon gikan sa mangitngit nga relihiyosong tradisyon ug nagtudlo kaniya balik sa Pagtoo sa mga Amahan nga Apostoles. Ug niana nga mensahe, ang deyutay nga pangasaw-onon nagasunod sa Pulong (Banhonon) ug nagsulod uban Kaniya “ nganha sa tolda “ sama kang Rebekah human gipaila ngadto kang Isaac pinaagi ni Eleazer, ang ulipon ni Abraham nga amahan ni Isaac. Ang Yutan-on nga Pangasaw-onon ug ang Langitnong Pamanhonon anaa na karon nahiusa sa kaminyoon. Kini mao ang kasal sa Kordero sa Dios. Ug kon ang Pangasaw-onon mahimo na nga asawa ug maandam na siya, Unya ang ikatulo ug katapusan nga hugna sa gitawag ug Taluktokan nga boluhaton maga-silyo kaniya “diha sa tolda” aron mahingpit ang pagsal-op kaniya alang sa iyang “Paglalin o Rapyor” ngadto sa Balay sa Langitnong Amahan alang sa Dakung Panihapon sa Kasal sa Kordero (Pin. 19:6-9). Ang Pito ka mga dalugdog magatungha ug magpadayag sa sikreto sa Dios ngadto sa Pangasaw-onon diha sa diyutay nga lawak nga prebado. **Ang mga sulti sa Pito ka mga Dalugdug mao ang magatapos diha sa Pangasaw-onon aron iyang madawat ang “pagtoo nga malalin “ diha sa Pulong ug Kinabuhi ni Ginoong Jesus Cristo.**

Diha sa bulohaton ni William Branham, adunay “tulo ka mga pagbira”. Ang “ Unang Pagbira “ magaayo sa balatian pinaagi sa ilhanan sa iyang kamot. Ang “ Ikaduha nga Pagbira “ mao ang gasa sa pag-ila sa mga sekreto sa hunahuna sa ilang mga kasingkasing. Kini mao ra nga gasa sa diin Si Jesus Cristo nagapadayag diha sa Iyang yutan-on nga boluhaton. Ang “ Ikatulo nga Pagbira” mao ang pagpadayag sa Gisulting Pulong –‘**Isulti ang Pulong**’.

Ang pagbalik sa Gisulting Pulong nga boluhaton ngadto sa Iglesia aron pag-andam sa Pangasaw-onon ni Cristo nga nagsugo diha sa ikapitong kapanahonan sa Iglesia nga mensahero. Kini usa ‘**Gisulti nga Pulong sa Kinabuhi**’ nga boluhaton ngadto sa Pangasaw-onon. Ingon nga ang espiritohanong kinabuhi gihatag ngadto sa espirituhanon nga Pangasaw-onon pinaagi sa pagsulti sa Pulong sa Kinabuhi (

pinaagi sa pagwali sa Pulong sa Kinabuhi), Ang Dios nagtugot sa lawasnon nga pagpadayag sa mao ra nga pagdihog pinaagi sa Gisulting Pulong nga boluhaton.

Si William Branham adunay lima ka kasinatian sa pagpadayag sa Gisulting Pulong. Matag higayon ang Tingog sa Ginoo sa linitok nagsugo kaniya sa “pagsulti sa pulong” ug kini natuman sa mao nga pagsulti. Una, siya gisultihan nga “isulti ang Pulong” ngadto sa gagmay nga mga isda nga nabuhi pag-usab. Ikaduha, tulo ka gagmay nga mga milo mitungha human niya gisulti, ikatulo, duha ka mga anak ni Sister Hattie Wright nga natagaan sa eternal nga kaluwasan pinaagi sa Gisulting Pulong human kini niya gihangyo. Ikaupat, ang bagyo nawala ug ang adlaw misubang sumala sa Gisulting Pulong. Ikalima, ang pagkawala sa tumor diha sa walang bahin sa iyang asawa human siya nagsugo pinaagi sa Gisulting Pulong.

Ug niining lima ka kasinatian (diha sa iyang mensahe “ Tan-aw lang kang Jesus”), Si Bro. Branham nag-ingon, “ *Ingon ang Una ug Ikaduha nga Pagbira nailhan, ingon usab ang Ikatulo nga Pagbira mailhan gayud*”. Nag-ingon siya, “ *sa diha nga ang pagpiit o paglisod magaabut imong makita ang unsa nga imong nakit-an nga lumalabay mapadayag diha sa kinatibuk-an sa iyang gahum*”.

Sulod sa 34 ka mga tuig human nga si Bro. Branham wala na, ato unya nga “ makita ang kinatibuk-an”. Bisan pa niana, ang paglisodlisod sa mga organisado nga mga simbahan ug ang kalibutan nagaanam ug kalisod. **Dili na magdugay nga ang kinatibuk-an sa “Ikatulong Bitad,” magaabut uban sa kalit nga Gisulting Pulong nga boluhaton sa Pito ka mga Dalugdug**”. Apan diha sa tungatunga sa 1965 ug niini nga panahon, ako nagatoo nga adunay tinuod nga dinihogan nga mga ministro, sila gitawag ngadto sa “Gisulting Pulong” nga boluhaton ug adunay personal nga kasinatian sa pagpadayag sa Gisulting Pulong.

Ang “Gisulting Pulong” sa boluhaton mao ang magasulti sa Pulong sa Dios ilalum sa pagtawag ug pagdihog sa Dios. Kini usa makapaila ug linahi nga boluhaton sa katapusan nga panahon. Ingon nga boluhaton nga dili matinguha sa yano nga tawo. Tungod lang nga ang tawo “ gibati nga gimandoan sa Dios “ aron mahimo nga magwawali dili makahimo niya nga usa ka ministro diha sa “ Gisulting Pulong” sa boluhaton. Niadtong mga ministro nga nakaila sa detalye sa kinabuhi ni William Branham, ang bitoon nga mensahero sa Dios, ug niadtong nahibalo pag-ayo sa tanan nga mga wali niya nga mga mensahe dili sila kinahanglan nga dihogan sa Dios. Tanan sila nga mga magwawali takus lang diha sa daghan nga mga kuwarta.

Ang “KAMATUORAN” sa mga magwawali gitudlo ug gitawag sa Dios. Ang mga Apostoles, gisundan sa (Bag-ong Tugon) mga Profeta, mga linahi nga gitudlo aron sa pagdala sa Pulong ug pamatud-an nga Kamatuoran. Bisan pa niana kining duha nga mga boluhaton wala masabti sa kadaghanan sa mga Magtotoo niining Katapusan nga kapanahonan nga nagasunod ug nagatoo nga ang tanan nga mga ministro sa (5-ka pilo nga Boluhaton) nga kinahanglan magatudlo sa unsa ang gitudlo sa bitoon-mensahero (sumala sa mga recorded nga mga tapes), dili magadugang niini o pagakuhaan gikan sa mga pulong ug mga gisulti diha sa iyang mga mensahe.

Daghan sa mga Cristohanon gibati nga sila adunay katungod sa pagpangaliya sa mga saad sa Dios. Sila naghunahuna nga gikinahanglan lang nila ang “pagsulti sa pulong” ug magahingilin sa mga sakit ug mga sala nga mawala ug magaangkon pinaagi sa pagsugo ug dili sa pagtoo. Bugtong lamang ang gikinahanglan sa pagpangayo pinaagi sa pagtoo diha sa Ngalang sa atong Ginoo ug Manluluwas nga Jesus Cristo ug sa atong Langitnong Amahan nga magatagbo sa atong panginahanglan, Diha sa boluhaton ni, Bro. Branham nagaampo sa daghan nga mga tawo apan dili tanan kanila nangaayo. Si William Branham dili mao ang Mananambal, Ang Dios mao ug siya ang Mananambal. Sa pag-ampo sa mga katawhan, si Bro. Branham wala “magasulti sa pulong” sama sa iyang gihimo sa mga kasinatian uban sa Gisulting Pulong tungod sa pagpasundayag sa Gisulting Pulong kini dako kaayo nga kalainan. Ang Cristohanon dili makadawat sa gahum sa “pagsulti sa pulong” pinaagi sa personal nga kagustohan o pag-ampo. Ang gahum sa “pagsulti sa pulong” sa kinabuhi magaabut lamang sa direkta nga pagsugo gikan sa Tingog sa Buhing Dios.

PAGPAMATUOD

Ingon nga tinudlo nga ministro sa Dios, gitawag ngadto sa “Gisulting Pulong” nga boluhaton, Ako adunay kasinatian sa pagpasundayag sa Gisulting Pulong.

Ako didto sa Bombay nga tigum niadtong 1989. Akong gamay nga anak, si Zoe, uban kanako. Usa kagabii, sa wala pa ang tigum, usa ka ministro uban sa iyang asawa nagadapit kanamo ngadto sa gamay nga kan-anan nga Indian restaurant aron manihapon. Ug sa sunod nga adlaw, Ako nagakalibanga ug kinahanglan nga magaadto sa kasilyas sa makadaghan. Ako nahibalo nga ang hinungdan niini mao

ang pagkaon nga akong nakaon gikan niadtong restaurant. Hinoon ako naayo niadto nga kahimtang human sa duha sa adlaw. Ang akong anak nga 13 anyos nakita nga maayo pa man hangtud usa niana nga buntag nga siya magadali padulong sa banyo ug magasuka diha sa lababo. Ug wala sa siya nakaabot sa banyo nga hangtud ang iyang mga suka diha ra sa salug ug sa bongbong, diha sa lababo ug sa salog sa banyo. Ako usab natingala nga daghan sa iyang mga karsonsilyo nga iyang gilabhan ug gihayhay aron mauga nianang gabii. Iyang habol nahugawan ug namansahan. Siya nagsulti kanako nga adunay mga pagsuka ug kalibanga nga dili na niya mapugngan. Busa kami nagaampo ug ako siya nga gitugyan sa Ginoo. Tungod niana nga tibuok adlaw siya nagasulod gawas sa banyo aron lang magsuka ug sa kasilyas magalingkod, manghugas ug maghinlo sa iyang kaugalingon. Ako siya gitagaan ug tambal apan sa gihapon nagapadayon ang iyang balatian. Bisan sa iyang pagkaon walay gana niya sa pagkaon. Bisan sa iyang pagkaon walay nakasulod sa iyang tiyan.

Ang kahimtang ni Zoe dili maayo sulod sa duha ka adlaw. Ang iyang higdaanan hugaw ug baho. Ang banyo adunay mga lama sa mga pagsuka diha sa bongbong, sa salug, diha sa lababo. Sa maong tigum ako siya nga nakita diha sa liked sa hawan ug taodtaod mawala ug moadto sa kasilyas ug mobalik diha sa lingkoranan.

Ug niadtong 10 ang takna sa gabii sa ikatulo nga adlaw nga si Zoe nagbalatian, ang usa sa mga ministro ug uban pang mga magtotoo miduol kanako ug miingon “ Ang paglawas ni Zoe, dili maayo, kinahanglan ato siyang dalhon sa usa ka espisyalista.” Apan ang usa ka espisyalista nga akong nahibaloan mao ug gisaligan mao si Jesus Cristo. Ug mao kana ang ania sa akong kasingkasing. Ako mitubag kanila “ Ato na siya nga gitugyan bisan pa diha sa katapusan nga tigum, sa Ginoo, ug kini ikatulo na ka adlaw, akong itugyan siya sa Dios hangtud niining gabii ug magpaabut kita ugma, ug kon ang kahimtang ni Zoe mao ra gihapon ato siya dad-on sa espisyalista”. Ug akong gidala ang akong anak ngadto sa restaurant diha sa YMCA nga diin gihimo ang tigum. Siya dili gihapon ganahan mokaon gawas lang sa paghigop ug sabaw. Ako nasamok o nalibog sa iyang balatian. Bisan nga diha kami sa kanan siya motindog lang ug kalit ug moadto sa kasilyas makadaghan. Halos dili siya makatilaw sa iyang pagkaon bisan sa sabaw na lang.

Human sa among panihapon kami miadto sa among kuwarto diha sa Metodista nga lodging house. Atbang lang sa dalan. Ug kini 11:30 na sa gabii unya ako

gikapoy na pag-ayo morag walay umoy tungod sa kakapoy. Busa, nagdalidali ako sa paghulam-os. Ug mihigda nga nagpahiluna sa akong ulo sa unlan apan ang akong anak nagalingkod nga naggakos sa unlan aron makapahulay. Siya miingon "Dad dili ako makatulog, sa diha nga ibutang nako ang akong ulo sa higdaanan maglabad ug ako mosuka."

Tungod sa kakapoy kaayo morag patay, ako mibakod gikan sa akong pagkatulog ug mitapad sa paglingkod kaniya, ako siya nga giduyan sa akong mga kamot, ako nagaampo kaniya ug ako siya nga gipikipik sa akong mga kamot aron makatulog. Ug siguro sa 20 minutos o sobra pa, siya nakatulog. Ug 5 minutos na lang para tungang gabii sa diha nga ako mibalik sa higdaanan ug sa diha nga ang akong ulo nabutang diha sa unlan, nawala na ang kahayag.

Ug sa tungang gabii, ang presensia sa Ginoo mitungha ug nagatindog diha sa taliwala sa among kuwarto (nga diha sa tiilan sa akong higdaanan). Ug ako nahigmata sa iyang pagsulti "Isulti ang Pulong".

Kining tulo ka mga pulong, sa akong mata nga katulogan, Ako mitan-aw niadtong presensia diha sa tiilan sa akong higdaanan, ug milingkod ako, gibutang ko ang akong tiil diha sa salug, ako mitakilid ngadto sa higdaanan sa akong anak, ug ako nga gituyhod ang akong kamot ug gibutang ko diha sa iyang tiyan, Ako nagsulti "*Suka hunong..kalibanga hunong.. sa ngalan ni Ginoong Jesus Cristo!* Unya ako mibalik sa paghigda. Ako masibuton nga motan-aw sa pahayag nga akong nasulti "*Ako momata sa 6 sa buntag ug akong tan-awon ang akong anak*". Ug ako nakatulog sama sa kahayag nga nawala.

Dakung katingala, ako nimata sa 6 sa buntag. Ug akong gitan-aw ang akong anak. Siya nakatulog ug maayo. Akong gilihok ang akong mga kamot ilalum sa iyang higdaanan ubos kon ang mga habol basa ug hugaw. Kini ang usa ka butang nga dili nako buhaton kon ako walay pagtoo. Kini ugana .Ako miadto sa banyo ug nalipay ako sa diha nga nakita ko nga hinlo ang bongbong, ang lababo ug ang salog uga ug hinlo. Usab, walay mga karsonselyo gihayhay aron mauga. Ug tungod kay ako kapoy pa kaayo, ako mibalik sa pagkatulog ug miingon sa akong kaugalingon, "*ako mobangon unya alas 8.*" (Ako sa kanunay magapahulay ug dugay labi na nga ako adunay boluhaton sa daghan oras sulod sa daghan mga adlaw sa tigum).

Ug sa pagmata nako sa alas 8, ang akong anak wala na diha sa higdaanan, akong gitan-aw ang mga habol, kini hinlo ug uga, mao usab sa banyo. Akong giablihan ang pultahan ug nangutana sa taga alaga sa hotel, nga nakaagi niadtong panahon, kon nakita ba niya ang akong anak. Kini mao ang iyang tubag, “*O, ang imong anak, siya nagamasakiton sa milabay nga mga adlaw, apan karon siya maayo na, Siya nakakaon na sa iyang pamahaw, daku ang iyang bahin, ug siya atua sa itaas sa atop nagatan-aw sa mga agila nga nagalupadlupad.*” Ako nagahimo sa pag-ampo sa pagpasalamat sa kaayo sa Ginoo.

PAGTOO NGA MALALIN SA ITAAS (RAPTJOR)

Diha sa boluhaton ni William Branham, siya kanunay nagasaysay sa “Gisulting Pulong ngadto sa mosunod: ang Ikatulong Bitad (nga adunay relasyon sa *pag-abli sa mga Silyo ug ang Pagbalik sa Pulong*), ang *Panan-awon sa Tolda, ang Espada sa Hari, ang Ikapitong Silyo ug ang Pito ka mga Dalugdog*. Kining tanan adunay kalabutan sa paglalin sa Pangasaw-onon. Siya matuod nagsulti nga ang Pito ka mga Dalugdog magahatag sa Pangasaw-onon sa pagtoo nga malalin (raptjor).

Mga balaan sa Dios, gikinahanglan nato nga “motubo” diha sa Pulong sama kang Juan nga hinigugma. Ang Espada sa Hari mao ang atong kusog ug magabantay sa diha nga kita malinya sa atong pagtoo diha sa pagtulon-an sa mga Apostoles. Apan ang Ikatulo nga pagbira nagadala kanato ngadto sa usa ka gamay nga lawak diha sa sulod sa vilo. Diha “sa sulod sa tolda” sa Iyang dakung Gugma ug sa pinadayag sa Iyang Kaugalingon, Ang Hari nga Jesus Cristo nagapaabot nga maga usab kanato. Kita iyang pagatam-ison o pahinugon “ diha sa tolda” sa Iyang Gugma ug Kusog. Ug sa diha nga kita magatugyan ngadto kaniya, **ang atong mga kinaiya** maumol pinaagi sa kamot sa Balaan nga Agalon. Kini “Diha sa tolda” nga ang pangasaw-onon makabaton sa iyang rebaybal o pagkapukaw ug mausab ang iyang lawas diha sa hilum o sekreto. Ang sekreto ipadayag lang sa diha nga ang “**kahilum**” sa Ikapitong Silyo nga maoy magdala sa Pito ka mga Dalugdog nga magasulti sa ilang tingog ug “ magsulti sa pulong” aron hatagan ang Pangasaw-onon sa ‘pagtoo nga malalin’ (o raptjor). Tinuod, ang mga nangamatay diha kang Cristo mouna sa pagpamangon ug ang Buhi nga Pangasaw-onon mausab.

SA KATAPUSAN

“ Si JEHOVA mipadalugdug gikan sa langit, ug ang Labing Halangdon mipagula sa iyang tingog. ”

—2 Samuel 22;14

Mga hinigugma, ang tinuod nga pinili sa Dios magabaton unya sa ribaybal – mubo, kalit ug hingpit nga rebaybal. Nga kitang tanan nga gipabarug diha sa presenting kamatuoran ilalum sa Karon nga Boluhaton, kita sa tinuod magaabut sa hingpit nga pagkahamtong ug andam sa pagpaminaw sa katapusan nga pinadayag ni Ginoong Jesus Cristo. Sa gisaad diha sa Gisulat nga Pulong, ug diha sa katapusan nga pagdaug sa Ginoo “ *Dili kitang tanan mangamatay, apan kitang tanan mangausab.* ” (1 Cor.15:51). Ang Pito ka mga Dalugdug magaabut ug magasulti sa ilang mga tingog ngadto sa Birhin nga Pangasaw-onon (Asawa) ni Cristo aron sa paghatag kanila sa “ pagtoo nga malalin “ ug kita mangausab. Tinuod, sa tukma nga panahon, ang atong lawasnon nga lawas magaadto sa pagkausab aron sa pagtagbo sa Kinabuhi (atong langitnong ‘ Pulong ‘ lawas), 2 Cor.5:1-2). Ug sa pagdawat sa gisaad sa Anak sa Dios, si Jesus nga Cristo, sa diha nga Siya moanhi aron pagtagbo kanato diha sa kahanginan.

Ang Binhing Pulong nga sa Dios gitanum magabunga ug daghan nga mga binhi. Gitubigan matag-adlaw sa Gisulting Pulong nga boluhaton (“ *karong adlaw inig kabati ninyo sa iyang tingog* “), Ang Binhi nagatubo ngadto sa daghan nga mga hugna ug naandam na sa pagpakita sa iyang bunga aron sa pagpahayag sa mga anak sa Dios. Si Abraham ug si Sarah nakadawat sa Gisulting Pulong mao man usab sa Pangasaw-onon. Si Abraham ug Sarah ang ilang mga ngalan giusab. Mao man usab, matag meimbro sa Pangasaw-onon magadawat usab sa bag-ong ngalan. Ang mga lawasnon nga lawas ni Abraham ug Sarah , giusab, gibag-o, gipukaw ug gibag-o pag-usab aron magadala sa kinabuhi ug sa gisaad nga anak, mao man usab sa tibuok tigum sa tinuod nga magsisimba sa Ginoo. Ug sama kang Birhin Maria nga nakadawat sa pinadayag sa Gisulting Pulong sa gisaad nga Anak sa Dios, mao man usab sa pinili.

Usa niini nga mga adlaw ang Langitnong Gugma magaabut. “ *Niadtong unyang adlaw inyong masuta nga ako anaa sa akong Amahan, ug nga kamo ania kanako, ug nga ako anaa kaninyo* “ (Juan 14:20). Kini nga mga pulong ni Jesus matuman diha sa iyang **kinatibuk-an** dinhi kanato, nga Pangasaw-onon, samtang kita nagahulat “ *nga nagapaabut kita nga mahinamon nga pagasagupon ingon nga mga anak, nga mao ang pagtubos sa atong mga lawas.* ” (Roma 8:23). Ang

Taluktukan nga bato, ang Ulohang Bato, magaabut aron sa paghal-op sa Pangasaw-onon- Asawa. Tinuod, Ang pangasaw-onon adunay "rebaybal" sa diyutay lang nga panahon mga 40 ka mga adlaw (Buhat 1:3) sa diha nga ang Pito ka mga Dalugdug magatungha na sa eksina aron sa " pagsulti sa pulong " – ang **katapusan nga pinadayag** sa Ginoo alang sa mga balaan, Kini usa ka daku " nga kahilum " diha sa Ikapitong Silyo. Kini usa ka panahon nga ang " hingpit kaayohan " sa Lawas sa Ginoong Jesus Cristo mahitabo. Nagakasakit ug nagakadaot nga mga lawas sa matag buhing mga balaan mamahingpit nga **mapasig-uli pinaagi sa pinadayag sa Gisulting Pulong sa Dios**. Mga bukton mahibalik niadtong walay mga bukton. Mga mata mapasig-uli niadtong walay mga mata. **Ang mga lawas sa mga balaan mapasig-uli diha sa hingpit sa dili pa sila mahimo nga mausab diha sa mahimayaon**. Alleluia! Usa ka daku nga " rebaybal " nga mahitabo. Ug kini gililong ngadto sa kalibutan. Amen .

Ug unya sa mahimayaon nga buntag, ingon sa adlaw nga musilaw sa (6 sa buntag) ang **Lawas nga Pulong o Langitnong Lawas** (gitawag " **mahimayaon o langitnong lawas gikan sa Dios** ") sulti ni Bro. Branham) sa Pangasaw-onon magaabut pinaagi sa pagsugo sa Langitnong Pulong sa Dios magapaibabaw ug magasul-ob kaniya. **Ang Mahimayaong Pulong nga diha kaniya nga mao ang iyang " tabon, panalipod ug nagabantay " – magaabut diha kaniya ug " sa kalit sa usa ka pagpamilok, inig tingog na sa katapusang pagdaug, kay ang trumpeta pagapatunggon, ug ang mga patay pagabanhawon nga may mga lawas nga dili na madunot, ug kita mangausab. Kay kining lawas nga madunot ra pagailisan unyag dili na madunot, ug kining lawas nga mamatay ra pagailisan unyag dili na mamatay. Ug sa diha nga ang lawas nga madunot ra kailisan nag dili madunot, ug ang lawas nga mamatay ra kailisan nag dili mamatay, nan, matuman na gayud unya ang nahisulat nga nagaingon , Ang kamatayon gilamoy diha sa kadaugan. O kamatayon, hain man ang imong ikot. " (1 Cor. 15:52-55). Alleluia, Ang unodnon nga lawas ug dugo maga sibog ngadto sa langitnong espirituhanon nga lawas.**

Mga hinigugma, ang katapusan nga pagsal-op sa Pangasaw-onon sa iyang paglalin ngadto sa Dakung Panihapon sa Kasal sa Kordero haduol na lang kaayo. Busa, magbantay ug magmainampoon. Ug kadtong mga tapolan, pagmata sa dili pa ulahi! Ang panahon lahi sa atong panghunahuna. Amen. Ang pagkatapus sa saad sa Dios pinaagi sa Gisulting Pulong magaabut na ngadto sa KINABUHI.

“Walay bisan kinsa nga makahatag kanimo sa Kinabuhi apan ang gisulting Pulong sa Dios. Mao lamang ang bugtong nga ang Kinabuhi magaabut – pinaagi sa Iyang gisulting Pulong.” (Bro. Branham, “ Ang tawo nga makabukas sa Kahayag “)

**UNSA ANG GISULTI SA MENSAHERO
MAHITUNGOD
SA IKAPITONG SILYO UG SA PITO KA MGA DALUGDUG**

SIRS, UNSA NA ANG PANAHAON

“ Ug siya misinggit sa makusog nga tingog maingon sa usa ka leon nga nagangulob ug sa pagsinggit niya, mitingog ang pito ka mga dalugdug. “ Bantayi! Pin. 10:4 “ Ug sa mitingog na ang pito ka mga dalogdog , isulat ko na unta kini...Dihay usa ka butang nga gisulti. Kini dili lang kay usa ka saba.Usa ka butang gisulti.Isulat na unta....” Ug akong nabati ang tingog gikan sa langit nagsulti kanako”... tan-awa diin gikan ang mga tingog diha sa mga dalogdog—dili gikan sa langit, diha sa yuta. Ang mga dalogdog wala magasulti gikan sa mga langit; sila misulti gikan sa langit.”...Isulat ko na unta apan akong nabati ang tingog gikan sa langit nga nagaingon kanako, Ililong ang gisulti sa pito ka mga dalugdug, ug ayaw kini isulat.”

“...kining pito ka mga dalogdog, mga tingog, mao lamang ang butang diha sa basahon nga wala gipadayag. Wala gani kini gisulat diha sa basahon.

“ Ug sa diha nga ang pito ka mga dalogdog misulti sa ilang tingog, isulat ko unta kini, akong nabati gikan sa langit nga nagaingon kanako, Ililong ang gisulti sa pito ka mga dalogdog ug ayaw kini isulat.” Karon mao kana ang wala nato nahibaloan. Kana unya ipadayag ra. Kini wala diha sa Balaan nga kasulatan – Unsa sila nga mga dalogdog gisulti.

UNANG SILYO

Unya adunay magaabut pito ka mysteryosong mga dalogdog nga wala gisulat ang tanan! Kana tinuod! Ug ako nagatoo nga pinaagi niining pito ka mga dalogdog nga igapadayag unya sa katapusan nga mga adlaw aron sa pagkuha sa pangasawonon mausa para makadawat sa pagtoo nga maraptyor, tungod kay ang ania sa ato

karon, dili na nato mahimo ni. Adunay usa ka butang nga anaa sa unahan tungod kay wala kitay igo nga pagtoo aron mausab sa kalit aron mopahawa niining kalibutan...

Adunay usa ka butang nga magausab niini nga iglesia, nahibalo mo niana.

IKADUHA NGA SILYO

O Dios, tabangi kami sa among walay pagtoo. Kuhaa kini gikan kanamo, Ginoo, Gusto kami nga makadawat sa pagtoo nga malalin. Buot kami, sa diha nga kining misteryosong mga dalogdog magadalogdog sa unahan...Buot kami nga maandam sa pagdawat niini, Ginoo, Itugot kini.

IKATULONG SILYO

Ang Pangasaw-onon wala pay rebaybal. Wala pay pagkapukaw, walay padayag sa Dios aron pagpagimok sa Pangasaw-onon, tan-awa? Nagapangita kita niini. Kini mahimo niadtong pito ka wala mahibaloi nga mga dalogdog diha aron sa pagpukaw kaniya pag-usab. Iyang ipadala kini. Iyang gisaad kini.

IKAUPAT NGA SILYO

(Hulat hangtud sila nga pito ka mga dalogdog mosulti sa ilang mga tingog ngadto sa grupo nga tinuod makadawat sa Pulong sa Dios ug kini hawiran nila.

IKAPITONG SILYO

Karon, unsa kini nga daku nga sekreto, nga anaa niining Silyo, Ako wala mahibalo. Ako wala mahibalo niini. Dili ko makahimo niini pagpakita. Dili ako nakasulat niini, unsa ang gisulti. Apan Ako nahibalo nga kini sila pito ka mga dalugdog nagasulti sa ilang kaugalingon diha sa suod kaayo, sama sa pagpatingog sa pito ka pilo, ug kini ablihan sa usa ka butang nga akong nakita.

Unya sa akong pagkakita niana, ako nagapangita sa hubad diha sa unahan, ug dili ako makahimo niini. Mao kana ang tinuod. Tan-awa? Ang panahon dili pa hilum niini, apan kini nagatuyok, tan-awa, kini magaabut sa doul. Busa ang butang nga imo nga pagabuhaton mao ang paghinumdom nga ako nagasulti kanimo diha sa ngalan sa Ginoo. Mangandam, tungod kay wala kamo mahibalo kanus-a kining tanan mahitabo.

Ako magasulti lamang kaninyo sa unsa akong nakita ug unsa ang gisulti kanako, ug inyong pagabuhaton ang inyong gusto. Ako wala mahibalo... unsa ang mahitabo Ako wala masayod. Ako lang nahibaloan nga kadtong pito ka mga dalogdog magahawid niini nga misteryo, nga mga Langit nahilum. (tanan ba nakasabut).

... usa sa tinago niana nga Silyo, ang hinungdan nga wala ipadayag, kini mao ang pito ka mga dalogdog nga nagsulti sa ilang mga tingog, ug kini hingpit tungod kay walay nahibalo niini, kini wala gisulat.

Karon, imo ba nga nahibaloan ang pag-abli niining Ikapito nga Silyo, kini usab tulo ka pilo nga misteryo. Kining usa ako... nasulti, mao ang misteryo sa pito ka mga dalogdog. Ang pito ka mga dalogdog sa Langit magaabli niini nga tinago. Kini mahitabo diha sa pagbalik ni Cristo tungod kay si

Cristo nagsulti walay nahibalo kanus-a Siya mobalik.

... walay nahibalo kanus-a Siya mobalik. Apan adunay pito ka mga tingog niining mga dalogdog nga igapadayag sa daku nga pinadayag niana nga panahon.

Busa, ako nagtoo... kon kita wala mahibalo niini, ug kini dili mahibaloan hangtud niana nga panahon, apan kini ipadayag niana nga adlaw, niana nga takna nga kinahanglan ipadayag na. Busa, ang butang alang kanako nga pagabuhaton mao ang pagkamatinuoron sa atubangan sa Dios ug mag-alagad Kaniya, ug magahimo sa tanan nga atong nahibaloan nga unsa ang atong pagabuhaton, ug magkinabuhi sa pagkamaayo sa Cristohanon nga kinabuhi.

Karon na, atong makita nga ang Ikaunom nga silyo giablihan alang kanato, ato nakita kini, ug kita nahibalo nga kining Ikapitong Silyo dili maablihan diha sa publiko o kadaghanan hangtud nga kanang taknaa magaabut.

Karon, adunay hinungdan nga ang Dios nagtugot niini nga pito ka mga tingog magadalogdog, tungod kini magaabut.

... nagalingkod ako didto sa akong kuwarto, ug akong nabatian kini... dili kay nabatian kadto, sa laing bahin, apan nakita kini giablihan niining pito ka mga dalogdog. Karon, mao kana ang atong naagpas, diha lang.

MGA PAGPAMATUOD

Pastor Felimon "Nonoy" Togonon
God's Tabernacle Fellowship
(Res.) Lot 21, blk-4, phase 111, Sunshine Homes
G.M.A. CAVITE 4117, PHILIPPINES

Kini niadtong 1977 nga akong nabasa ang usa ka basahon nga diin ang Amerkano nga ministro nagapahiluna sa maong pagpatigbabaw sa Pito ka mga Dalogdog nga may kalabutan sa Rapyor. Siya wala magsulti unsa ang Pito ka mga Dalogdog apan iyang gitagaan ug daku nga importansya nga " Ikaw dili maapil sa Rapyor kon wala imong nahibaloan unsa ang Dalogdog, tungod kay ang Pito ka mga Dalogdog magahatag ug Pagtoo nga Marapyor ang sa Pangasaw-onon ni Cristo."

Ang tinago sa mga Dalogdog nakapadasig kanako sa pagpangita sa Kamatuoran. Ako nagaampo niini sa mainiton gayud. Ug human sa daghan nga mga pag-ampo ug nagpaabut, Ang tubag gipakita pinaagi sa damgo.

Diha sa damgo, ako nagatindog sa gawas sa balay sa usa ka igsoon ug nakig-estorya kaniya samtang nagatindog siya daplin sa binatang. Unya akong nakita ang akong ankol (nga igsoon ni Bro. Franco Togonon), nagatindog tapad sa poste sa eliktric mga distansya diyutay sa akong walang bahin, nagatawag kanako. Ug niana nga maong oras, Miliso ako sa too ug akong nakita si Ginoong Jesus Cristo nagatindog sa likod sa balay nagtawag kanako. Inay moadto ako sa akong ankol, ako miadto sa Ginoong Jesus. Sa diha ako duol na kaniya akong namatikdan nga ang iyang dagway puno sa pagpamaloloy-on ug sa himaya sa Dios. Akong nakita ang puti nga kupo nagabitay diha sa Iyang walang bukton padulong sa iyang tiil. Sa diha nga giabut ko Siya, Iyang gibutang ang iyang toong kamot sa akong abaga ug kami nagalakaw ngadto sa bakanting lote. Didto gihatag ni Jesus ang iyang puting kupo. Usa ka dakong kalipay ang akong nasinati niana nga panahon – nagalukso uban sa puti nga

kupo sa akong kamot. Dili ko gusto nga ang kupo masanyad sa yuta! Unya, kadto usa ka malipayon nga kahigayonan sa panahon sa diha si Jesus nawala gikan sa akong panan-aw.

Ug ang damgo nausab, ako didto na sa balay sa akong ankol ug ako nagasul-ob ug puti nga sanina nga diretso sa akong tiil. Ang akong Anti nakigsulti sa iyang anak nga babaye ug akong nabatian ang pangutana sa iyang anak nga babaye: “**Unsa ang mahitabo sa dili pa ang Rapyor?**” Sa diha nga ang iyang anak nga babaye nagtubag, Akong nakita usa ka butang nga giablihan sa akong atubangan (tan-awa nga sket). Ug akong nabati ang tingog nga nag-ingon, “**Sa Iyang pagbalik, si Jesus dili motunob sa yuta, apan Siya adto ra sa mga panganud sa Langit. Gikan didto Siya magadihog sa mga mensahero puno sa gahum sa Espiritu Santo ug sila Iyang ipadala sa Iyang Iglesia, Usa lamang ka Iglesia**”.

Wala ako mahibalo unsa ang hubad sa maong damgo. Ako, lang kini gitipigan sa akong kasingkasing nga nagapaabut sa tukma nga panahon.

Usa ka hapon niana, mga hinapos sa 1979, human nga namatay ang akong inahan, sa diha nga ako nagaluhod aron sa pag-ampo didto sa akong lawak alang sa pagpangayo sa paggiya sa Dios ug mahitungod usab sa Pito ka mga Dalogdog, ang tubag miabut, Siya nagsulti kanako “Akong anak, ikaw nagapoyo niini nga panahon ang Pito ka mga Dalogdog”.

Tungod niana nga panahon, Ako natagbaw sa pagkahibalo nga kita nagapuyo sa panahon niining mga Dalugdog – Sa diha nga sila magasulti na sa ilang mga tingog – magahatag ug pagtoo nga malalin ang Pangasaw-onon ni Cristo. Ako kombinsido nga ang mga Dalugdog nia na karon, nagaabot sa pagdihog gikan sa Ginoo aron magasugod sa ilang boluhaton alang sa pagkausab sa atong mga lawas ug unya mopauli ngadto sa himaya sa mga Pangasaw-onon.

Pastor Charles Obwoon
“Eagles Wings” Tabernacle
P.O Box 70, Katawaki
Uganda

Niadtong bulan sa Mayo 1995 Ako nagaampo sa matinud-anon nga ang Dios magpadayag kanako sa Kamatuoran mahitungod sa " Pito ka mga Dalogdog " Akong nabatian ang nagkalainlaing mga pagtudlo. Usa sa doktrina nga ang Pito ka mga Dalogdog gipadayag na ug sila mao ang pito ka mga maayong pamatasan nga nalista diha sa mga Episola ni Apostol Pedro..Ang lain usab nga sila mga mensahe ni Bro. William Branham. Usa ka butang nga gitudlo niini nga mga tawo nga kining " Mga Dalogdog diha sa mga kinabuhi sa mga magtotoo aron nga sila mailhan nga tinuod ug sakop sa Pangasaw-onon ni Cristo. Ug ako usab nahibaloan ang pagtudlo ni Bro.Gan nga nagasulti nga ang Pito ka mga Dalogdog mga tawo nga mga alagad sa Dios mga magaabut ug magsulti sa hinapos nga pulong alang ngadto sa Pangasaw-onon aron siya makadawat ug pagtoo nga Maraptyor.

Apan ang personal nga pinadayag mao ang akong gikinahanglan. Ug wala nagdugay hangtud nga ako nakasinati ug panan-awon sa gabii. Ako nagadamgo nga ako nagalakaw nga nag-inusara diha sa dalan. Unya nakakita ako ug usa ka puti nga papel nga nagalutaw-lutaw diha sa kahanginan ug nitugpa diha sa dalan atbang gayud kanako. Ug tungod sa akong pagkamaikagon nga mahibalo unsa ang anaa sa sulod, akong gipunit kini. Usa ka tibuok daku nga papel gibuksan ug akong gibasa kini. Adunay mga pulong nga nahisulat niini. Ug dihay pito ka mga hulagway sa mga tawo nga naukit niini.

Sa una ang mga pulong nga gisulat wala pa nako nahibalo tungod kay sila diha man sa dili masabtan nga sinultihan. Apan sa dakung katingala, ang mga pulong nagakaanam-anam nga akong mabasa sila diha sa Englis. Ang mga pulong gisulat diha sa litra sa pagkasulat niini sa itum nga tinta diha sa puti nga papel.

Ug akong gitan-aw diha sa linya ang mga hulagway sa papel. Akong gitutuk kon makaila ba ang akong mga mata sa nagtan-aw kon mailhan ba nako ang mga hulagway. Ang hulagway diha sa kadaku sa pasport nga hulagway ug tin-aw kaayo. Nga bisan ako nahibalo nga adunay pito ka nagkalainlain nga mga hulagway, ngani ako wala makaila kanila.

Ang mga pulong nga nasulat sa papel, nga gisulat ibabaw diha sa mga hulagway sa duha ka linya. Ang unang linya mao " PITO KA MGA DALUGDOG " ug sa ikaduha nga linya mao " MGA DALUGDOG NAG PAINGON NGA IPADAYAG ".

Ang mga papel nawala gikan sa akong mga kamot ug wala na ako diha sa maong kasinatian.

Sa lain nga damgo nga akong nakita, ako diha sa usa ka 'class room' nga ang grupo sa "magtotoo sa Mensahe" nagahimo sa ilang tigung (ako nahibalo niini nga pagkatigung ug sa ilang Pastor. Dunay ilang simbahan diha sa lungsod sa Jinja). Ang pastor nagalingkod sa lingkoranan sa maestra. Siya adunay ubay-ubay nga "mga basahon nga mensahe" diha sa lamisa ug siya nagtudlo nagapamatuod gikan sa basahon nga "Pito ka mga Dalogdog" natapus na gipadayag. Ang mga tawo nga nagakatigung nga nagatapok kaniya, diha sa iyang daplin ug sa likod, tanan mahinamon sa pagtan-aw unsa ang iyang nakita gikan sa "mga basahon sa mensahe".

Ug human sa taudtaud, a dunay usa ka butang nga nahitabo. Pito ka mga tawo, diha sa usa ka linya, nagaabut nga nagalakaw ug nagatindog sa atubangan sa pastor sa lamesa (magtutudlo). Apan ang usa ka makahikurat nga butang ang pastor ug mga katawhan nga nagalibotlibot kaniya sa kilid ug sa likod wala makahibalo sa presensya niadtong pito ka mga tawo nga nagatindog sa ilang atubangan. Ug sa taudtaud sila migikan, usa ka tingog gikan sa wala mailhi nga lugar nagsulti nga ang pastor ug ang iyang grupo "wala makakita sa Pito ka mga Dalogdog".

(Ug usa ka panahon niana, human niini nga damgo, ako miadto sa Kampala (capital nga siyudad sa Uganda). Ang lugar nga daghan "Magtotoo sa Mensahe". Sa diha nga ang panahon ihatag na sa pagwali sa Pulong, ang pastor nagpaila sa pagwali. Ug ang magwawali mao ang pastor nga akong nakita sa damgo. Siya nagsugod sa pagwali gikan sa daghan nga mga "basahon nga mensahe" nga iyang dala nga gibutang sa malita. Ug nahibalo ba kamo kon unsa? Mikabat sa duha ka oras iyang paningkamot nga pagpamatuod nga ang "Pito ka mga Dalogdog" natapus na gipadayag ug sila mao ang "Pito ka mga maayong batasan"!

Human sa simba, akong gikumosta siya, ug nagsultihanay kami makadali ug nagbulagbulag dayon. Kon wala pa ang kahibulongan grasya, dili gayud ako mahibalo kon unsa.

Gusto ko nga magsulti nga ang Dios nagpadayag ngadto sa uban nga mga magtotoo sa mga kasaypanan sa gitawag nga pagtudlo sa "Pito ka mga Dalogdog".

nga pang Rebaybal “ ug nagapahigawas kanila gikan sa espiritu sa pagpanghisalaag nga nakapadasig sa pagtudlo).

Ebanghilista S. Sundarraj
“ Tingog sa Pulong “
42-B, Asumbu Road, Opp.C.B.H.
Nagarcoil, Kanyakumari,629 001,
South India

Ako nagapasalamat sa Ginoong Jesus Cristo tungod kay giluwat niya ang akong kalag. Iya ako nga gipagawas sa baliko nga dalan ug sa kinabuhi nga puno sa daghan nga mga sala ngadto sa Iyang Katingalahang Maayong Balita sa Kahayag sa kaluwasan. Siya nagahimo ug mga kahibulongan nga mga buhat sa akong kinabuhi, nagagiya kanako bisan diha sa mga damgo ug mga panan-awon ngadto sa Magtotoo niining Katapusan nga kapanahonan, ug gipakita kanako ang pito ka mga bitoon, labi na sa Ikapitong Anghel – nga kinsa siya ug unsa ang iyang panagway – sa wala pa nako hidonggi ug nahibaloan siya. Ako malipayon nga nagaalagad sa Ginoong Jesus.

Mahitungod sa pagtudlo sa Pito ka mga Dalogdog, daghan sa mga magtotoo diha sa Katapusang panahon nga Mensahe nga sa yano nagakutlo sa unsa ang gisulti ni Bro. William Branham sa daghan niya nga mga wali ug nagapaningkamot nga mapalig-on ang ilang kaugalingon nga paglantaw. Sila wala magasusi sa Kasulatan alang sa tanan nga Kamatuoran. Daghan ang magaingon nga ang Pito ka mga Silyo giablihan ug ang Pito ka mga Dalogdog gipadayag diha sa mga Silyo tungod kay ang profeta gipadala aron sa paghimo niana. Sila magaingon nga ang profeta nagadala sa tanan nga mga tinago ug pagatapuson. Kini nga mga pagtudlo sayop nga diha sa Kasulatan, ug ako nahibalo niini.

Niadtong tungatunga sa 1990 Ang Dios nagahatag kanako ug panan-awon. Ako nagaampo diha sa akong lawak sayo sa buntag human ang panagkatigum sa maayong balita diha sa baryo. Diha sa panan-awon, Akong nakita si Bro. Branham nagawali, nagatan-aw sa silangan. Siya nagawali sa Ikapitong Silyo. Ang presensya sa Dios diha kaniya. Sa diha nga magwali na siya sa Ikapitong Silyo, siya nawala gikan sa talan-awon. Ug akong nakita ang makapatingala nga hitabo gipakita. Ang

Ginoo uban sa Iyang Himaya nagaabut niadtong dapita. (ako nagapamatuod niini nga adunay pagtahud sa Ginoo. Ako nakadawat ug mga panan-awon ug mga damgo sa Ginoo mga 30 na ka nahitabo). Unya akong nabati ang dakung Tingog sa mga dalogdog. Tungod sa kahadlok ako migakus diha sa akong unlan sa hugot duol sa akong dughan tungod kay ang akong kasingkasing kusog ang pitik. Akong nabati ang pitik sa akong kasingkasing, ako naghunahuna nga ako mamatay, ug ako nalisang. Unya ako nga nabati ang kamot diha sa akong abaga. Kadto mao ang kamot sa atong Ginoong Jesus Cristo. Siya miingon “ Ayaw kahadlok. Imo kini nga makita sa imo nga panahon”.

Unya ako nag-ampo ug nangutana sa Ginoo sa Pulong mahitungod niini, ug Siya nagpakita kanako sa mga pulong sa Miqueas 5 :5-6. Ako dinhi nabuksan nga ang pito ka mga magbalantay naghulagway sa mga Mensahero sa Pito ka Iglesia sa kapanahonan. Apan unya ang pangutana : kinsa man ang “ walo ka pangulong tawo ‘.unsa may ilang gihulagway, ug kanus-a man sila magaabut? Unya ako nag-ampo, ang Ginoo naghatag kanako sa uban nga mga Kasulatan – Zec. 9:14, Joel 2:11, ug Miqueas 2:13. Ug sa “ walo ka mga pangulong tawo “ si Cristo Jesus mao ang ikawalo. Siya magatindog uban sa pito sa katapusang mga adlaw sa diha ang tinago matuman. Ingon nga atong makita si Cristo naghulagway diha sa Basahon sa Pinadayag ingon nga Gamhanang Manulonda (Mensahero) uban sa Pito ka mga Anghel sa Kapanahonan sa Iglesia (mga Mensahero), busa atong makita Siya nagahulagway sa Miqueas 5:5-6 ingon nga ikawalo nga pangulo uban sa pito.

Tinuod, si Jesus Cristo magadihog sa pito ka mga tawo ug magapatindog uban kanila ingon nga katapusan nga pangulo sa Pangasaw-onon, ug sila magadawat sa katapusang pulong sa Dios ngadto sa Pangasaw-onon.

Kini nga basahon gihubad gikan sa English nga basahon sa PROPHETIC REVELATION ‘ **SPEAK THE WORD** ‘ngadto sa bisaya pinaagi sa tabang sa Ginoo, ug sa hangyo sa mga kaigsoonan dinhi sa Visayas ug Mindanao. Ang naghubad niini:

Bro.Orsel B. Dumanon
HOUSE OF PRAYER
Baan, Mahogany
8600 BUTUAN CITY, Philippines